





ANTONII STELLAE
CLERICI VENETI,

ELOGIA VENETORVM
NAVALI PVGNA
ILLVSTRIVM,

Ad Sereniss. Reip. Venetæ Principem,
Laurentium Priolum.

CVM PRIVILEGIO.

LIBER PRIMVS.

Call. Rom. Soc. Jesu. Cat. m. B. S.



VENETIIS, Vincentius Valgrifus
excudebat. M. D. LVIII.

AN INQUIRY INTO THE

CAUSES OF THE

RECENT FLOODS IN

THE EAST OF ENGLAND

IN THE YEAR 1814

BY

JOHN R. BRIDGES, ESQ.

OF THE BARRS AT LINCOLN

LONDON: PRINTED BY

JOHN JOHNSON, ST. PAULS CHURCH-YARD

1815



Printed by J. JOHNSON, ST. PAULS CHURCH-YARD

AD SERENISS. ATQVE
ILLVSTRISS. PRINCIPEM,
LAVRENTIVM PRIOLVM,
VENETAE REIP.
DVCEM OPT.

In Elogia Venetorum, nauali
pugna Illustrium,

ANTONII STELLAE
Clerici Veneti,

Præfatio.



I QVANTVM in te est
dignitatis atq; splendoris, Prin-
ceps benignissime, tantum in
me esset ingenij atq; doctrinae,
sperarem profectò parem me-
rito tuo, & desiderio meo; aliqua saltem ex parte,
incultis meis lucubrationibus, operam præstare fa-
cile possè. Sed cum aliter in me esse perspiciã (quã

enim exiguum in me sit ingenium optimè sentio)
vitam ipsam , & si quid est ipsa mihi incundius ,
acerbissimam esse puto . Verùm cogitanti mihi , ac
memoria sæpius repetenti , quanta semper huma-
nitate , atque animi propensione , omnes foueas , &
amplexeris , non possum non vehementer sperare ,
multaque de meipso , in præsentia polliceri . Enim-
vero quùm ad scribendi studia , retenta quidem ani-
mo , sed intermissa curis , atque negotijs me contu-
lissem , id ipsum quod datur otij , perlibenter in Ve-
netis rebus consumere decreui . Verùm si pro tuis in
me meritis (quæ incredibilia penè extiterunt) pa-
rum cumulatè gratias egero , quæso obtestorquæ , ne
meæ naturæ potius , quàm tuorum in me officiorum
magnitudini , tribuendum putes . Tua enim in me
beneficia , & perlibenter hodie fateor , & perpe-
tuò prædicare non desinam ; & nisi tibi gratias a-
gam , ingratissimus , nisi perpetuò habeam , inhumana-
nus , nisi de referenda gratia , dies & noctes , quoquo
modo à me fieri potest , cogitarè , scelestus impiusq;
haberi meritò possem . Quare operæ precium me fa-
cturum existimavi , si cui fortunæ omnes meas ,
acceptas referre debeo , eidem quoque lucubrationes
meæ dicarentur . Sed quoniam (quod nunquam fie-

ri posse arbitrabar) ad meritas tibi gratias referendas, mihi verba desunt, Deum Opt. Max. precor, ut incolumi Principatu sis diu superstes, mihiq; ea mens contingat, ut perpetuo cultu, & obseruantia, nec obscura grati animi professione, te diutissimè colam, obseruem, & venerer. Sed etsi non parum me suscepti negotij magnitudo, ab huiuscemodi instituto poterat auocare, fecit tamen præclara tua in me humanitas, ut hoc quicquid est oneris atque laboris, quod video quàm sit difficile in primis, atque laboriosum, magno animo suscipere non dubitem. Laudent itaq; alij Græcos, Romanos, Macedones, Persas, & id genus multos, mihi certè pulchrum, atque decorum est visum, patriæ stemmata, laudibus quibuscunque potui, breui ac conciso orationis genere conscribere, fideli certè sinceroq; labore. Quid enim aut melius, aut ad inflāmandos iuuenum animos, efficacius erat? Impressa nāq; semper erit, adolescentum animis, probatissimorū hominum memoria, primò etenim aduersus externos, arma pro libertate, tamquam pro aris & focis, corripuit ciuitas, mōx pro finibus, deinde pro socijs, tūm gloria, & Imperio, laceissentibus assidue vsquequaque finitimis. Ego uerò posui, quantū li-

cuit in medio, multorum hominum vitam, mores,
& res præclare ac prosperè gestas, in quas omnis
iuuentus, tamquam in speculum intuens, ea indè do-
cumenta capere, & quasi à fonte haurire posset,
quibus vel pub. vel priuatis rationibus optimè con-
suleretur. Nam & iuniores, ex multiplici histo-
ria, quadam quasi exemplorum copia, ad vitam
instructiores redduntur. quàm utiliter enim sit cõ-
paratum, vt studiosi adolescentes, ex aliena laude,
alta & sublimia ingenia mirari assuescant, & ea
quæ mirentur, omni cura, & diligentia, æmulari
contendant, nemo est qui nesciat. In his verò no-
stris lucubrationibus id continetur, à quibus pro-
gressa principijs, hæc vrbs paulatim adoleuerit, qui-
bus adulta viribus steterit, qua demum virtute, in
multas gentes imperium propagauerit. Ciuitas
namque libero iure, ad imperandum nata, continuo
rei maritimæ studio, pollere cœpit, breuîque illius
opes, vsque adeo sunt auctæ, vt toto mari terrori ef-
fet; nam Veneti Pipinum Regem, Regisque filium,
Rogerium Siciliae, ac Viscardum Rogerio fortiorẽ,
bello vicere, tot gentes & populos debellarunt, nu-
merosamque Saracenorum classẽ, nullis externis

auxilijs adiuti, in ora Syriæ deleuerunt. prætereo
multa alia prælia, vel excitata fortiter vel gesta
feliciter, in Dalmatico sinu, Epeiro, atque vniuersa
Græcia, quas provincias, felici admodum successu,
sue ditionis Veneti fecerunt, rursus & in ora Pon-
tici maris, multa gessere, moxque ad Tanaim vsq;
arma Veneta sunt promota, item in Syria non pau-
ca; nota sunt præterea toto orbe, Friderici Atheno-
barbi Imp. tempora, cuius filium Otthonem, nauâli
prælio victum, captumque ad Apostolicæ sedis ob-
sequium traxere. per tot insuper bellorum motus,
tot strepitus, totque rerum nouitates, libertatem tu-
tati, iam adultam & stabilem, nepotibus relique-
runt. quod commune bonum, quò maiore est ab il-
lis virtute quæsitum, eò vobis est magis adnitendū;
ne deterius posteris relinquatis. Quis enim quæso est
qui dubitet, quin belli duces ex hac vna Ciuitate
præstantissima, penè innumerabiles, semper extite-
rint, quæ vna ferè omnium, per mille centum, &
eò amplius annos inuicta, cæteris non obscure ser-
uientibus, in terra Italia, incorruptæ sinceræque li-
bertatis decus tuetur, maris terrarumq; ornamen-
tum, & Christiani nominis (ne dicam orbis) lumen
singulare? Sed qui mihi se per Deum immortalem

campus? quæ seges? quàm lata, ampla quæ ad scribendum via? cum præsertim tantæ res, tam memorabiles, tamq; celebres sint, in hoc genere, ut minime mirari debeant, qui hæc ipsa fortasse legent. Etenim huiusmodi facinora, quæ tum sua materia, quæ ardua est, & sublimis, tum etiam rerum copia, & amplitudine, eximium quoddam, ac propè Divinum ingenium exigèrent, ut digne scribi possent, non autem, tenue & ieiunum, quale mihi à natura datum esse hodie fateor; dignam tamen provinciam esse arbitrabar, in qua totis viribus elaborarem. Quantum verò ad historiæ fidem attinet, calumniam nullam pertimesco, publicè enim testari possum, nullum in hisce meis Elogijs, locum esse, quem ex Venetis annalibus, & antiquis codicibus manuscriptis, non excerpserim, aut ex ijs, qui ea de re, commentarios in lucem dedere. Quod si mihi tamquam domestico scriptori, fides esset abroganda, Livius lacteus eloquentiæ fons, qui Romanos, non Punicos annales, in texenda historia est secutus, fabulam non autem historiam, scripsisse diceretur. Quare sic huiusce mei ingenui laboris famam, improbè sugillantes despiciam, ut meorum rectè, integreque scriptorum conscien-

tia fretus, eos omnino contemnendos putem.
Sunt autem, hæc nostratia Elogia, Laconica bre-
uitate conscripta, eorum qui nauali pugna, in ciuitate
hac nostra, atq; Repub. per sexcentos & amplius
annos, magna cum laude floruerunt. Indè ad no-
stram vsque ætatem, veluti de eodem oleo, si hæc
tibi placuisse cognouero, in aspectum lucemque
proferre non verëbor; Trecenti enim qui sequuntur
anni, non minorem à me industriam exigent, qui-
bus ferè, cum Turcis fortiter est bellatum. Illud
verò ab amplitudine tua, studiosimè contendo, ne
eo consilio existimes, huiuscemodi à me lucubratio-
nes, ad te missas, quòd te illis, aliqua ex parte in-
digere arbitrarer. essem enim ego verè stultus, ac
demens, si Principi, omnium qui vnquam fue-
runt, prudentia & religione clarissimo, ac nume-
ris omnibus absolutissimo domestica exempla, quæ
ipse, iampridem, ad vnguem singula nouit, propo-
nere, ac in medium afferre auderem. quin id po-
tius feci, vt aliquid fauoris, authoritate tua, quæ
amplissima est, labori nostro accessisse videretur,
etiam si tibi omnia suppetere certò scio, quæ con-
sequi ingenio, vel vsu homines, aut diligentia pos-
sunt; quæque tanto Principe digna censeantur, ta-

men

men non alienum fore, sum arbitratus, si sub
tanti Principis nomine, quem exteræ quoque gen-
tes admirantur, hæc in lucem darem. ut enim lo-
ca alioqui, sordida & obscena, reflexu solis illu-
strantur, ita ut hæc, qualescunque lucubrationes
nostræ, virtutis tuæ luce, radijsque splendent,
magnopere spero. nihil enim mihi tui nominis ce-
lebritate dulcius, nihil iucundius, nihil charius.
nam si quis unquam, qui virtutum cumulo, &
admiratione, hominum sibi voluntatem deuinxerit,
qui que omnium studia, & animi propensio-
nem promeritus sit, est inuentus, tu mihi vnus
ex omnibus semper es visus. cum enim omnium
disciplinarum genere animum excoluisses, om-
niumque virtutum præsidys, esses undique septus,
Prudentia tamen, atque Religione, cæteris pluri-
mum excellis, quæ duæ in te virtutes, tantum om-
nium prædicatione eminent, quantum in eorum
nullo, qui sunt hodie, in Amplissimi Principatus
fastigio collocati. Erunt autem Amplitudini tuæ,
quemadmodum spero, nostra hæc non iniucunda,
non quod desint tibi, qui melius possint, & velint,
res Venetas illustrare, sed quia vel pulchrius est
à pluribus, vel ad nominis immortalitatem, fa-
mamque

namque adipiscendam tutius, ex qua potissimum
lectione, perspicere facile poteris, ad quam for-
tium, sapientiumque civium Rempub. moderan-
dam, omnium consensu, atque etiam acclamatio-
ne, quod nunquam antea contigisse, certo scimus,
accesseris. Quæ verò sequentur, cum egregijs ani-
mi tui dotibus, tum ingenij felicitate, tam prospe-
rè succedent, ut nemo sit, qui non Remp. ipsam
beatissimam, teque felicissimum fore arbitretur.
quumque multa & ampla commoda, ex hac tua
administratione, luce clarius appareant, maiora
tamen, atque feliciora in posterum expectantur.
Accipies itaque tu, munusculum hoc nostrum, hila-
ri animo, lætâque fronte, meæ erga te, familiam-
que tuam observantiæ, pignus non vulgare.
Tuæ enim sapientiæ, magnitudinisque animi est,
non quod tibi debeo, sed quod in præsentia, pro vi-
ribus persolvere possum, benignè candidæque, &
sincera animi propensione accipere. Quod si mihi
à te, tribui hoc concedique sentiam, tunc forsan,
me tibi, cumulatè satisfecisse, facile credam. Va-
le Venetæ Reip. Decus eximium. Venetijs Calen.
Febr. M. D. LVII.

ELOGIORVM ELENCHVS.

<i>Andras Barotius.</i>	112
<i>Andreas Basilius.</i>	120
<i>Andreas Dandulus.</i>	132
<i>Andreas Teupulus.</i>	92
<i>Andreas Zenus.</i>	103
<i>Angelus Baduarius.</i>	8
<i>Belletus Iustinianus.</i>	138
<i>Carolus Dandulus.</i>	132
<i>Dominicus Contarenus.</i>	43
<i>Dominicus Michael.</i>	57
<i>Gilbertus Dandulus.</i>	111
<i>Henricus Contarenus.</i>	46
<i>Henricus Dandulus.</i>	79
<i>Horleus.</i>	I
<i>Ioannes Baduarius.</i>	21
<i>Ioannes Michael.</i>	46
<i>Ioannes Superantius.</i>	128
<i>Iustinianus eiusdem cognominis.</i>	143
<i>Laurentius Teupulus.</i>	99
<i>Leonardus Quirinus.</i>	89
<i>Marcus Gradonicus.</i>	116
<i>Marcus Guffonius.</i>	89

<i>Marcus Iustinianus.</i>	148
<i>Marcus Michael.</i>	107
<i>Marcus Ruzinius.</i>	156
<i>Marinus Gradonicus.</i>	68
<i>Maurocenus eiusdem cognominis.</i>	68
<i>Ordelaphus Faletrius.</i>	49
<i>Pancratius Iustinianus.</i>	150
<i>Petrus Gradonicus.</i>	14
<i>Petrus Polanus.</i>	63
<i>Petrus Rosulus.</i>	30
<i>Petrus Sanutus.</i>	23
<i>Petrus Sanutus.</i>	28
<i>Petrus Tronus.</i>	25
<i>Petrus Vrseolus.</i>	32
<i>Petrus Vrseolus.</i>	36
<i>Petrus Zenus.</i>	151
<i>Rhainerius Dandulus.</i>	85
<i>Rhainerius Zenus.</i>	95
<i>Rogerus Maurocenus.</i>	124
<i>Rogerus Permarinus.</i>	85
<i>Sebastianus Cianus.</i>	74
<i>Victor Heraclianus.</i>	4
<i>Vitalis Michael.</i>	69
<i>Vrsus Baduarius.</i>	17
<i>Vrsus Baduarius.</i>	30

Pag. 3. soccordiam. lege. per soccordiam.

5. parebant. parebat.

7. Coruplates. Curoplates.

8. angustioriꝑ; . angustioriꝑ; .

10. planum. phanum.

11. veterisꝑ; . veteriꝑ; .

13. etatem. ætatem.

16. aliennum. alienum.

34. Tribune. Tribuni.

38. confererent. manum confere rent.

39. nolunt. nollent.

50. in Syriam. in Syria.

54. duos. duo.

58. & & . & .

64. signum. signis.

70. aureus. Aureus.

81. Isatii. Isacii.

82. æqui. equi.

96. quem in ea. quoniam in ea.

110. forsito. fortitò.

112. pugnax. pugna.

112. Andreæ. Andreas.

130. posita. potita.

166. Agnetæ. Agnete.

159. passium. passuum.

Handwritten title at the top of the page, possibly "Hortus..."

Handwritten text line, likely a preface or introductory note.



1. ...
2. ...
3. ...
4. ...
5. ...
6. ...
7. ...
8. ...
9. ...
10. ...
11. ...
12. ...
13. ...
14. ...
15. ...
16. ...
17. ...
18. ...
19. ...
20. ...
21. ...
22. ...
23. ...
24. ...
25. ...
26. ...
27. ...
28. ...
29. ...
30. ...
31. ...
32. ...
33. ...
34. ...
35. ...
36. ...
37. ...
38. ...
39. ...
40. ...
41. ...
42. ...
43. ...
44. ...
45. ...
46. ...
47. ...
48. ...
49. ...
50. ...

Main body of handwritten text, consisting of several paragraphs. The text is written in a cursive script and is mostly illegible due to fading and blurring.

Horlei Elogium.



HIT equidem, hæc tibi, uix-
dum iactis, ciuitatis nostræ fun-
damentis, prima bellandi laudis
corona, qui christianæ pietatis
veræque religionis studio incen-
sus, octoginta omnis generis nauium classe extru-
cta, in gratiam D. Gregorij Pont. Max. & Pau-
li Exarchi Rauennatis Ducis, ex vrbe, ab Ildepran-
do, Luithprandi, Longobardorum Regis nepote, &
Prædeo Vincentino homine, bellica virtute claro,
vi pulsus, aduersus gentes immanitate barbaras, mul-
titudine innumerabiles, omniq[ue] copiarum genere
abundantes, & in vestigio mori, potius quàm vin-
ci solitas, iustissimè arma sumpsisti, atque Prædeo
prius, vita & regno spoliato, & Ildeprando, qui
uiuus in Venetorum potestatem venerat, in trium-
phum ducto, Exarchum ipsum, in sedem, postlimi-
nio veluti iure, restituendum curasti. quo factò, Ve-
netum nomen, animi robore, & rebus præclare ge-
stis, tanto tamq[ue] excellenti rerum successu, pri-
mus illustrasti. Debet etiam non tam utile, quàm

necessarium, hoc tibi ciuitas munus, quòd militarem
disciplinam, omnemque bellandi artem condidisti.
neque vero ullus vnquam ex nostris est repertus,
qui cum in aciem prodierit, aut ordinem, aut locum
vnquam deseruerit, nec dimicandi magis, quàm vin-
cendi finem imposuerit. Iuuenes namque primo æ-
tatis flore, dum per ætatem, militarem labore, fer-
re possent, florentes robore, & viribus, ne turpi ve-
luti otio torperent, neve militarium operum exper-
tes, arma tractarent; nouo, sed celebri quoddam
instituto, militarique disciplina, penes omnes gen-
tes, & populos, semper celebrata, quæ ignauis, in-
terdum animos addit, quaque Veneta postea res, in
immensum creuit, imbuendos, instituendosque sum-
mo studio, & diligentia contendisti. Enimvero iu-
uentus, mirum in modum exercitata, nauali, terre-
strique prælio assueta, solis & frigoris patiens, um-
bræ negligens, delitiarum ignara, paruo contenta
cibo, laborare, decurrere, cum agilibus saltu, cum
velocibus cursu, cum validis, lucta certare: arcu et
sagittis, exactissima cura instruebantur, atque in-
ter se, in dies singulos, militum quisque, tãquam in
procinctu positus, in modum iustæ pugnæ concur-
rens, equitando, iaculando, omniaque militari labo-

re tollerando, *animum simul & corpus*, miro quodam studio exercebat. quandoque etiam belli simulachra agere, educere exercitū, acie instruere, disponere cornua solebāt, turpe nāq; soccordiā senescere arbitrabantur. quo effectum est, ut miles, his artibus apprime eruditus, non sibi solum, sed posteris etiam, eternam gloriam compararit. Ingens enim egregiumque decus, *Venetæ genti, Rauennæ urbis* receptio præbuit. Sed *Horleus*, quàm bellica re fortunatus, tam domi infœlix. Nam cum in patriam, hac tanta famæ celebritate, ouans rediisset, domesticum odium, euitare non potuit. Siquidem cum ortam inter *Heraclianos* suos ciues, & *Equilinos*, qui *Iesulani* postea sunt appellati, ob fines discordiâ offendisset, varioque ob id euentu, per bienniū hinc inde, fuisset bellatum, vndecimo sui principatus anno, suis ob nimiam animi elationem, tãquam domesticæ illius discordiæ præcipuus author inuisus, ab ipsis tandem in eo prælio interfectus occubuit. magno rerum humanarum documento, quàm caducæ, fragilesque sint mortalium res, & quàm minimū humanæ felicitati credendum, ut intelligat mortalitas, nihil esse inconstantius ijs, quæ tantopere, ut eterna miramur. Nam usurpato veluti imperio,

cuncta suo arbitratu regere, multa turbulenter, ac temere moliri, plebisque tantummodo commoda tue-
 ri, nouis & sellularijs hominibus praesidio esse; con-
 trā verò nobilitatem, asperrimis edictis, crebrius
 quàm decebat persequi, & late vndique summoue-
 re, ac perturbare Remp. seditionibus anhelans. Ex
 quibus rebus, tantus in ciuitate tumultus, tanta per-
 turbatio, sub ipsa propè nascentis vrbis primordia,
 est orta, vt maior etiam inde timor, quàm ex ho-
 stium certamine, sit consequutus. à quo iustè tan-
 dem, & debitæ sunt temeritatis poenæ solutæ.

VICTORIS HERACLIA- NI ELOGIVM.

AVCTÆ vsque adeo, ad eam diem, erāt
 Venetorum opes, validiorque in dies fiebat eorum
 potentia, vt cuilibet finitimarum insularum, & vr-
 bium, bello par, facile videretur. Inuidebant proxi-
 mæ ciuitates, vrbis nostræ amplitudini; & succes-
 sui, nec pati poterant, tam felicia incrementa, spe-
 rabantque facile contra eam moliri aliquid posse, si
 vno eodemque tempore, intestinis seditionibus (qui-
 bus adhuc agitabatur) & bellis externis vexare-
 tur.

8
tur. Quare non vicina solum vrbes & populi, sed
exteræ quoque gentes, Venetæ foelicitati, & nascē
ti propè laudi, atque opibus, maxime inuidebant.
petit id vitium, semper sublimia vt ignis, estque (vt
dicitur) cœcum, quippè cū alienos successus, corrū
pere nititur, in suam cladem præcep, quàm sæpis
simè ruit. parebant tunc Italia tota Gallorū dicto,
Venetiq; soli omniū, libertatis suæ memores, patriæ
iura tuebantur. Quamobrem Carolus Francorum
Rex, ab amplitudine rerum gestarum, Magnus co
gnomento dictus, Pipinum filium spurium, virum
tamen animi, corporisq; robore strenuum, cum
imperio mittit. Hic magnis coactis copijs, quibus ne
Italia quidem tota, non modo Venetiæ partes, ob
stere poterant, præterquàm quòd loca hæc omniā
suburbana, subito barbarorum incurſu penè oppres
sit, Venetos quoque terra mariq; vrget, prohi
betq; diligentius, vt omnis importandi commea
tus facultas Venetis adimeretur. ad ciuitatem po
stea ipsam, quæ intra tutissima stagna, Dei Opt.
Max. munere est sita, atque contra aras & focos,
contra libertatem, contra vitam, fortunasq; no
stras, animum adiecit, collectaq; non parua suoru
manu, anhelans ratibus, per æstuaria, cum tota mo

le, barbararum gentium, cruoris & prædæ avidus
 ferebatur, in flexuosum vsque canalem, tam gra-
 ui, ancipitiq̃ bello, vt propius periculo fuerint qui
 vicere. raro pugna vlla magis sæua est visa. tunc
 pro se quisque ex insulis, & suburbanis locis, in Ri-
 uum altum demigrant (sic enim dicta est, pars vr-
 bis celeberrima) locumq̃ ipsum, præsidijs muniunt.
 Victor Heraclianus tunc, homo & animi ferocia,
 & maritimarum rerum peritia edoctus, atque à
 Venetis, ad id potissimum delectus, placato prius
 de more ciuitatis Numine, constanti animi robore,
 præsto fuit; qui cum intrepidè, ferocissimas gentes
 adoriretur, tam funestum, tamq̃ue atrox, hinc inde
 bellum est commissum, vt victi postea, profligatiq̃;
 à Venetis Diuina ope barbari, terga dare, maximo
 cum gentis probro, sint coacti. qui vero audacter
 prælium conseruarant, partim ferro, partim aquis,
 ruptis, arte, & dolo ratibus occubuerunt, deditq̃ue
 nomen loco, vt à tam memorabili Gallorum cæde,
 insigniq̃ue clade, Canalis Orphanus deinceps, ad
 nostram vsque ætatem, sit appellatus. Sicq̃ue Pi-
 pinus, qui Labyrinthum fuerat sine filo ingressus,
 tam infelicitè pugnavit, quàm impie tale facinus
 fuerat adortus. Paulus Ciuranus, à quo Ciuranorū
 familia

7
familia originem habet, strenuam tunc patriæ ope-
ram nauauit, qui ciuitati, classe rem frumētariam,
quàm celerrimè potuit suppeditauit. quo authore
tanta frumenti copia exuberauit, vt non solum pe-
riculo hostili, sed fame quoque urbem liberaſſe vi-
deretur. Quare turbatus Pipinus, caſtrisquē exu-
tus, cū ignominia, tūm ingenti etiam ſuorum ſtra-
ge, Brundulum, Paleſtinam, Albiolam, Foſſam
Clodiam, & Heracliam, quæ tūm etiam Venetæ
ditioni parebant capit. Methamaucumquē deſertū
optimatum fuga, locum alioqui nobilem, quod ibi
tunc Ducum ſedes, ac regimen rerum paulo antè
fuerat, occupat. quæ loca prius per deditiōem ac-
ceperat, quæque non omnino perierant, tam foedè
eſt populatus, vt non prophana ſolum loca, ſed etiā
ſacra, donarijs omnibus inde ablatis, temerario au-
ſu, barbarorumquē more, igni ferroquē conſumpſit.
hinc poſtea cū diſceſſiſſet, ſpretæ forſitan religionis
cauſa; Mediolani, iuuenis adhuc, eodem quo cum
Venetis, parum proſperè pugnauerat anno, ſupre-
mum ætatis ſuæ diem obiit. Interea Michael Coru-
plates Imp. foedus cum Carolo Gallorum Rege, ita
iniit, vt Veneti ſuis legibus, ac iure uiuerent, immu-
nitate eis ſeruata, quam ad eam diem, in terra Ita-

8
lia retinuerant. Sed Venetus victoria parta, ne formidolosus hostis, iterum viribus repetitis, subito in-
promissu, audacter, tale facinus aggredi conaretur,
authoritate & gloria adauctus, atque in optimam
spem, quæ raro homines deserit, erectus, Ducaria
sede, quæ antehac Heracliæ, & inde Methamanci
euagari passim videbatur, neque locum stabile, aut
domicilium certum habebat, felici, angustiorique
veluti omine, in Riuum altum transtulit; anno sa-
lutis humanæ D. CCC. IX. à primis verò ciui-
tatis nostræ fundamentis. CCCLXXXVIII.
Quod bonum, foelix, fortunatumq; Veneto nomi-
ni iudicetur. Sintque Venetæ res perpetuò floren-
tes, sint incolumes, sint beatæ.

ANGELI BADUARI

Elogium.

ANGELVS Baduarius, quem Particia-
cum antiqui, à familiæ nomine sic appellabant, su-
scipiendi belli contra Pipinū, præcipuus hortator et
author, & qui primus vel ob id in Riuoalto, Duca-
lem postea sedem, summo omnium studio, magnoq;
consensu est consecutus, solerti vir ingenio fuit, re-
ligio-

ligiosæque grauitatis, atque Iustitiæ fama inclitus,
 & ad Remp. administrandam in primis idoneus.
 quippè Reip. salutis initium, est ipsa rerum mediocri-
 tas, et mēsurā, super eaq; , quasi super fundamento,
 firmissimè est ædificandum, enittendumque sum-
 mopere, non tã vt auro, diuitijsq; opulentissima ap-
 pareat, quàm vt virtutibus propè infinitis imbuta,
 foeliciſſima in primis, celeberrimaq; habeatur. Hic
 relicta Methamauco vrbe, i Venetas hasce insulas,
 faustissimo quidē uti uidemus auspicio, cōcesſit; om-
 niumq; postea insulanorum assensu, & approbatio-
 ne decreuit, ut hæc perpetua, æternaque Venetorū
 Principum sedes, in posterum haberetur. Magnus
 undique in hunc locum factus est concursus, ingens
 nobilium manus, veluti in nouam ciuitatem euoca-
 ti, cum liberis, coniugibus, sacris, pretiosissimisq; re-
 bus conuenere. Sed cū nouam ciuitatem, viribus
 et robore iuuenum, affatim à se munitam cerneret,
 haud minoris momēti fore ratus est, si eandē consi-
 lij ope fulcisset. Quare Baduarius, præclaram legū
 institutionem ordinauit, qua longè aliarum Rerum-
 pub. hæc vna optima haberetur, concilia, coetusque
 hominum, iure sociari, quæ ciuitates appellantur in-
 stituit, vt ab eo vrbis visceribus, qui sunt cines, con-
 sultum

sultrum optimè videretur. Cuius namque ordine
 distributis, alios sacris præfecit, alios opificijs destina-
 uit, alios rei militari vacare coegit; existimans res
 necessarias & opes, ex opificijs suppeditari oportere.
 earum autem tutissimam custodiam esse, tum
 rei militaris exercitationem, tum pietatē in Deos.
 Omnes itaque numeros earum rerum, per quas opti-
 mē Resp. constitui queat, absoluit. miserabilibus pro-
 spiciebat, pauperibus multa erogabat, pariq; discrimi-
 ne procures, humilesq; tractabat. Is plura cōsilio
 quā vi gerens, Principum auspicijs magis, concili-
 andisq; per amicitiam Regum novis gētibus, quā
 bello, aut armis rem Venetam augere studuit. Ve-
 rū debet etiam, plurimorum hominum iudicio,
 Baduariæ familiæ, longe de patria meritæ, non ciui-
 tas tantum ipsa, quæ Ducaria, augustissimaq; illa
 Principum sede, & foro, à te fuerit, amplissimè, ho-
 norificentissimeq; primo ornata; sed & Christiana
 Resp. quæ templis non paucis, aucta honestataque
 fuerit. neque enim illud ignorabat; nullum diu
 Principem esse regnaturum; nisi Iustitia, & reli-
 gione præpolleret, huc omnes ingenij nervos inten-
 dit, ut religione, atq; iustitia, Civitas per eū stabilita
 videretur. Siquidem Oliuolense planum, ubi nunc

Patriarchalis ē locus, Apostolorū principi, ab Vrso
 Particiaco, Angeli pernecessario, qui tertio loco, eā
 sedem obtinuit, eo tempore erectum, annales fide di
 gni, apertè testatum, posteris reliquerunt. Addo &
 Laurētij atque Seueri ædes, à Particiacis fuisse ere
 ctas. Zachariæ quoque templum & Coenobium,
 sub id tempus, conditum esse satis constat; in quod
 ipsius prophetæ corpus, cum parte salutiferæ crucis,
 ac Dominicæ uestis, & alterius quæ Deiparæ uir
 ginis fuerat, sacris à Leone Imp. dono acceptis, non
 minus religiosè quàm pie reponi curauit. his dona
 rijs Veneti sacraria sua, & auxerunt, & adorna
 runt, quibus tum Leo, fauere plurimum videbatur,
 cui Veneti vicissim contra Saracenos, aliosque ho
 stes socialem classsem sunt polliciti, missus tunc lega
 ti noīe ad Imp. fuit, Iustinianus Baduarius Angeli
 filius. Sunt præterea qui affirmāt D. Ioannis tem
 plum, eodem Principe ædificatum, quem locum ho
 die Bragclam, ab antiquo forsan, ueterisq; loci co
 gnomine, nuncupari credimus, atque etiam Danie
 lis ecclesiam à Bragadenis patricij sanguinis uiris,
 eo tempore extructam apparet. Sed uerius uero
 est, omnia in humanis, diutius non posse feliciter
 consistere. nam etsi optimus esset princeps, inuenti
 tamen

tamen sunt, qui inuidia atque odio perciti, in eum
 conspirarent; qua cōiuratione detecta, fontes sup-
 plicio fuerunt affecti, atque sic ijsdem è medio subla-
 tis, motus ille paulopost resedit; ciuitatemq; suspe-
 ctis hominibus, protinus purgatā reddidit, ciuilesq;
 discordias, quæ adhuc, tanquam reliquæ factionum
 durabant, penitus sedauit & sustulit. periti enim
 uiri, ex urbibus pellēdi sunt, quæ est ciuitatum per-
 nicies, et sentina dedecoris pergit iterea Baduarius,
 patriā consilio & opera iuuare, nam ad omnes ho-
 stium conatus opprimendos, classē contra Vlrīcū
 Aquilegiensem Patriarcham, ambitiosum homi-
 nem, ac Venetæ libertatis inimicissimū, atque in
 pub. concilio hæresis nomine antea damnatum pa-
 rat. Quam ubi milite, ac cæteris quæ ad usum
 nauium pertinent, instruxerat, contra Vlrīcum e-
 ducit, eumque in sto prælio captum, cū nobilibus
 ex suis non paucis, Venetias in triumphum ducit.
 Veneti Carnorum loca (stratis vndiq; hostibus, mul-
 tisq; oppidis, partim ui, partim deditiōe rece-
 ptis) hostiliter adorti, passim ferro et igni omnia po-
 pulantur, diripiunt, incendunt, eosq; intra suos fines
 continuerunt. ob idque posteris, tam egregij, tamq;
 celeberrimi triumphī, exemplum memorabile reli-
 quit.

quit. Enimuerò taurorum ludi, quibus princeps & patres, Bacchanalicis diebus intersunt, ob eam sunt uictoriam instituti; quem morem ad nostram etatem constantissimè seruari perspicimus, eo quoque die, sacra in aurea. D. Marci æde, solenni pompa; musicis non paucis adhibitis, operantur, ut debite gratiarum actiones, Deo Opt. Max. persoluantur. Heracleam quoq;, quam Nouam ciuitatem hodie appellamus, in qua natus altusq; fuerat, Gallorum incursum penè oppressam, labore et cura instaurauit. Hic postea cùm annis decem & octo Reip. præsuisset, senio potius quàm morbo confectus obiit; urbemq; belli gloria satis illustrem, quod deerat sanctissimis temperatam legibus, atque optima pace reliquit. sicq; urbem prius legibus, sanctissimisq; institutis, quàm opibus alioue fortunæ præsidio munuit. neque enim aliunde magis florent Respublicæ, quàm si legum uigeat autoritas; nec ibi Tyrannus oriri potest, ubi ex legum arbitrio geruntur omnia. Angeli corpus ad sepulturam, Ducali pompa est datum, in Cœnobio monachorum. D. Hilarij, ab ipso antea, proprio ære extructo, amplissimisq; donarijs postea, à Iustiniano filio qui ei successit, simul cū D. Zachariæ templo locupletato; nam ex

*Seruuli delubro monachos, Ioanne Abbate suaden-
te, eò loci transtulit, & collocauit. erat tum mona-
sterium in extrema Riualti parte, nunc uix illius
uestigia supersunt. Patauini enim cū de finibus, cū Ve-
netis dimicarent, locū ipsum hostiliter solo æquarūt.*

*PETRI GRADONICI
ELOGIVM.*

*QVVM multa uariaq; bellorum genera, cō-
tra Narentanos, Gradonicus fuisset expertus, neq;
tamē inferior multo uideretur, Sclauos etiā qui oēm
Dalmatiā atque Illyriū suæ ditionis fecerāt, totāq;
eam maris partem, infestā habebant bello domuit,
atque intra suos fines stare coegit, quibus rebus be-
nè optimeq; pacatis, sexaginta triremium classē,
in Saracenos ex Aphrica soluentes, quiq; Italiam
magna ex parte uastarent, postea mouet, quæ Theo-
philo, Michaelis Constantinopolitani Imp. filio, iun-
cta, hostes acerrime, maioriq; spe adoriretur, ob
idq; est princeps, Protospatarij dignitate, quæ am-
pliss. tunc habebatur; donatus, cuius cohortatione, et
suasū, ad id fuerat concitatus. pugnatum est primò,
cū Sabba eorū Duce in magna Græcia, ad Taren-
tum,*

tum, inclitam Calabriae urbem, in ultimo Italiae loco circa Salentinorum confinia ædificatam, à Tara Neptuni (ut quidam uolunt) filio, quæ deinde à lacombus, qui Duce Palanto, in ea venerunt loca, est aucta, dimicatumq; est aliquantulum infeliciter. mox uero Maurus, ut hostem iterum ad certamen alliceret, fugit abundo similis, simulatoq; in patriam reditu, Crottonem concessit præclariss. urbem, in Tarentino situ positam, athletarum olim multitudine memorabilem. ibiq; Venetus, qui constantissimè pugnabat (degeneres enim animos timor arguit) uel quòd esset numero inferior, uel quòd à sociali Græcorum classe, inter primum pugnae ardorem sit destitutus, tumultuose à tergo, tam foedam cladem est perpeffusus, ut ex numerosa illa classe, excepta Ducaria triremi, quæ salutis suæ, fuga consuluit, ne schalmus quidem unus euaserit. Ea uictoria elati Saraceni, qui nulla antea lacesiti iniuria, humani generis otia turbare fuerant adorti, plus nimio etiam inualescebant. Quare procaci ueluti excursu, in Dalmatiam, magno impetu irrumperere decreuerant, omnemq; maritimam illam oram, cum Histria fermè tota, in morem rapidæ procellæ, sese effundentes, cæde, incendijs, & rapinis, cuncta promiscue

miscuè nastarant, atque oppida multa, ui capta spo-
 liantes, templa Deorum immortalium, tecta urbiū,
 uitam denique omnium ciuium, ad exitium, & ua-
 stitatem trahebant; Venetas postea onerarias na-
 ues, exoticis mercibus onustas, quæ Maura classe
 in altum conspecta, in Tergeslinum sinum sese re-
 ceperant adepti, diripiunt; negotiatores non pau-
 cos, naualesq; socios, ac remiges, ad unum trucidāt
 (iam enim ex eo tempore, ob maris commercium,
 non incelebres erant Venetorum opes) Narentani
 tunc, aduersis Venetorum rebus, ferociores effecti,
 rupto violatoq; fœdere, Histriæ aliquot loca, et præ-
 fertim Caprulas prædabundi processerunt. Sub id
 fermè tempus, Benedictum Pont. Max. eius nomi-
 nis tertium Venetias, ut D. Zachariæ ædem, et cor-
 pus inniseret, uenisse dicitur. quo Panchratij, &
 Sabinæ corpora, Agnetis Maurocenæ illius Cœno-
 bij, earumq; Monialium primæ, precibus, & ro-
 gatu, ex urbe paulopost misit. Sed ne à religione
 Ducem aliennum fuisse credamus, satis constat,
 sub initia sui Ducatus, Ecclesiam D. Paulo condi-
 tam, locum hodie, ab aræ forsitan magnitudine,
 frequenti; mercatu insignem, ab ipsomet, & filio,
 quem sibi collegam asciuerat, ab Vrso Particiaco,

Oliuo-

Oliuolense Antistite, inauguratam fuisse. qui & ipse senio iam confectus, D. Laurentij templo, vestales virgines adiungendas curauit. Sed & Maurus Antistes, qui Vrsi successor est datus, D. Margarithæ phanum, anno vrbs circiter quadringentesimo erexit. Hæc Petro Gradonico Duce, in vrbe gesta reperio; qui undetrigesimo sui principatus anno, cum Ducarium ex D. Zachariæ templo peteret, à quibusdam, qui in eum conspirauerant, vulneratus occubuit. nam quia virtute, prudentia, & felicitate præstabat, gloria in inuidiâ, apud improbos eum vertit. Tumulatus fuit in Cœnobio Zachariæ, quod crebro, pietatis studio inuisebat.

VRSI BAVARIÆ

Elogium.

PACIS dulcissimum, & pulcherrimum nomen, quæ vel iniusta, utilior, quàm iustissimum bellum, sæpius est visa; ita studiosè primò est complexus, ut cum Narentanis & alijs, pyratice exercitibus, qui totius inferi maris oram, non mediocriter infestam habebant, honestissimis conditionibus iungenda, Vrsi authore sit actum. quo etiam

B tempo-

tempore, triumuii magistratus, tam nobilis, quam
 Reip. necessarius, primo crearetur, sunt tamen qui
 affirmant magistratum illum, Aureo Mastrope-
 tro Duce excogitatum, hos legum Tribunos, vel
 ne à communi, vsitatiq; nomine recedam, aduo-
 catores in huncvsque diem appellari non ignoro. qui
 interfecti Gradonici Ducis parricidium vlcisceren-
 tur, tumultuantemq; ciuitatem, pacatam atque
 tranquillam redderet. præcipuum enim eorum est
 munus, de criminibus iudicare, atque tum hoc, tum
 illud, seuera animaduersione corrigere. taeriq; se-
 uerissimè Ciuitatis iura, atque ob id sanctissimo
 cuique collegio, vel Decemuirali quidem, quod iure,
 omnium grauissimum habetur, interesse licet. hunc
 magistratum, summa cum Reipub. laude agebant,
 cum hæc cōmentaremur Io. Baptista Cont. Petrus
 Lauretanus, & Hieronymus Ferrus, nemini post-
 habendi, ob summam eorum integritatem, & inno-
 centiam, quas in Senatorijs viris, statuo esse maxi-
 mas. Sed ne transuersum quidem vnguem, ab Vr-
 si facinoribus, quæ pro patria, vt rem etiam Chri-
 stianam iuuaret, præclare gessit discedam; Sarace-
 nos vigesimo post anno, quam cum Sabba eorum
 Duce, à Petro Gradonico Venetorum Duce, apud

Tarentum, rursusque apud Crottonem, infortunatè
 est pugnatum, non infausto omine debellauit. Hi
 namque, posteaquam Creta Insula, multos annos
 sunt potiti, duplicique victoria de Venetis parta, su-
 perbe elati, plus nimio indies inualescebant. nam
 Ionij ora, celeri cursu enauigata, Dalmatiam du-
 ce Galba ferociter adorti, miserabili clade affecti.
 hinc progressi, Gradum dura obsidione circumfede-
 re, contra quos, Vrsus vicinæ urbis periculo exter-
 ritus, triremibus triginta, optime instructis, classem
 mouet, eosque subito accessu turbauit, ut nauibus in-
 de repente eductis, in altum abire sunt coacti, quos
 cum Vrsus strenuè insequeretur (affuit etiam tum
 præcipuè industriæ fortuna) insignem victoriam,
 paucissimis ex suis vulneratis est adeptus. Sara-
 ceni verò partim cæsi, partim fluctibusmersi, to-
 toque supero mari expulsi, ingentem cladem sunt per-
 pessi. plurimum tunc in ea pugna, Ioannis Baduarij,
 Vrsi filij, & postea in Salentinis ad Tarentum op-
 pidum, militaris virtus, animique robur enituit, ubi
 idque collega à populo, patri est datus. rursus e-
 tiam contra Narentanos, qui pacem à Duce obla-
 tam, amplecti negligebant, sed loca prædabundi,
 continuo infestabant, aliquot nauium classe, stre-

nuam ab *Vrso* expeditionem, magno foeliciq̃ue rerum successu, nauatam constat. Verum ob rē prosperē foelicitēq̃ue, aduersus Saracenicos incursus gestam, à *Basilio Const. Imp. Prothospatarij* dignitate, quæ tunc erat, omnium illius Imperij maxima, est insignitus. Ob idq̃; Princeps, animi gratitudine, atque vt cum *Imp. muneribus* contendere, mutuisq̃; officijs certare, inuicem viderētur, duodenas magni ponderis, maximiq̃; pretij campanas, ei dono misit, quibus tum primum, *Græci* sunt vsi. In *Vrso* quidem tanta in donando, gratissimi animi magnitudo enituit, vt in referenda gratia, pro leuissimo etiam munusculo, tenuissimiq̃; officij genere, amplissimas quasque res sæpiissime reponeret. Instauratur eo *Duce Deiparæ phanum*, quod vulgo *Sācta Maria Formosa* appellatur, quo etiam tēpore, vetus quoddam, intestinumq̃ue odium, quod inter *Venetos*, & *Vulpertum Aquilegiensem Antistitem* vigeat, huius opera & consilio omnino resedit. Et quoniam exploratum cuique facile est, *Venetam urbem*, in sex parteis, quas regiones vocant, esse diuisam, eam tunc coli primò coeptam video, quam *Dorsum durum*, hodie dicimus, ab eo (vt arbitror) quod priusquā locus inhabitari cœpisset, præ-

*prædurus esset illic scopulus, in dorsi forsan specie
productus. Versus itaque, belli pacisq; artibus cla-
rus, cum decem & septem annis Reip. præfuisset,
obiit. eius cadaver ad D. Zachariæ est delatum.*

IOANNIS BADVARI

Elogium.

*VERSO Baduario vita functo, Ioannes eius
filius, ex hac familia Dux tertius Remp. admi-
nistravit, qui usqueadeò magni & laudis amore
flagrantis ingenij aciem intendit, ut æmulatione
decoris, paterna gloria vehementissimè angeretur.
hic ut à religione primo exordiar, phano D. Cor-
nelio & Cypriano, apud Meduacum, egregij ut tū
res ferebant operis extructo, fratris necem vltu-
rus, ingenti classe, aduersus parricidas comparata,
magno memorabiliq; prælio eos fudit. Comaclum
itaque oppidum inuadit, nam ab oppidanis illis sce-
lus fuerat perpetratum. idq; iusta acie diripit.
Sæuitum solum, contra iniuriæ authores, tum con-
stat. Cæteris tamq; hominibus parcendum duxit.
Sola enim laude Veneti contenti, nihil ex victis ho-
stibus, præter victoriæ nomen sibi quæsiuere, inhu-*



manum credo rati, vel impium potius, nobile animal, rationis, rerumq; coelestium capax, seruitio adigere. virtutem namq; in bello, clementiam in victoria, Imperatorem decere arbitrabatur. His ita gestis, cum diuturno, deploratoq; morbo laboraret, ne Respub. Principe qui eam regeret, in aliquod discrimen incideret, Petrum Candianum, sibi viuenti surrogari, diligentissima cura postulauit. cui propria etiam manu, lataq; fronte, Principis insignia, maximo animi moderationis documento tradidit. Et ne vllum vnquam laborem, pro patriæ charitate, vitare videretur, quem ciuium periculis subleuandis, impertire optimum duxit. Mortuo Candiano, populi precibus victus, dum nouus Princeps crearetur, iterum honoris insignia recepit, atque Principatum assumit, ne quam interim cladem adiret Respub. erexitq; hortatu, & praesentia sua, ciues morore affectos, quæ paulo post deponendū, sponte semetipsum in ordinem redigens curauit. populo persuadens, ut successorem Ducem, omnino eligerent. Vetus illa magistra pudoris, & modestiæ continentia, nunquam antea, nec postea, in annalibus huiusmodi est visa. Obijt in propria domo, cum annis sex ciuitatē integerrime gubernasset, & in gentilitio suo sepulchro tumulatur.

PETRI SANVTI
Elogium.

PETRVS ex Candiana familia, quam *Sanutam* hodie appellant, bellicis quibusdam nauibus primo, contra *Narentanos*, *Veneti* nominis hostes acerrimos, qui maria hæc nostratia, latrocinio fœdabant, subitisq; excursionibus de more suo infestabant, & deprædabantur, frustra instructis, mox suo ductu, duodecim nauium classe, eos bello repetit. pugnatur hinc inde magno ardore, fuitque res *Veneta* diu superior, nam quinque hostium naues fractas emerfit. Sed variâte fortuna (nunquã enim minus respondent euentus quàm in bellis) Princeps qui aut moriendum, aut vincendũ decreuerat, *Narentanorum Ducem*, letaliter vulnerat, mox ipse dolo & astu, à tergo adortus, superuenientibus etiam auxiliarijs copijs, vndique barbaris, post atrocem pugnam, victus media suorum strage, fortiter dimicando, militibus multis, vtrinque prius desideratis, in suo vestigio, duobus in pectore uulneribus acceptis occubuit. sicque vitam, quam à patria fuerat mutuatus, eam illi iure opt. reposcenti reddere voluit. ea namque mente, pro Rep. dimicabat, vt

vince-

vinceret, aut si id iniqua fata non permisissent, omnino inter confertissimos hostes, fortiter dimicando oppetere, nec incruentam barbaris victoriam relinquere, nec ullam unquam reliquisset, nisi iniqua mors prohibuisset. cecidit ea pugna, magnus Vencorum numerus, sed hostium duplo maior, fregitq; ea clades supra modum, gentis animos, prosperis rebus assuetos, & ne ipsi caderentur in medio, ad fugam inclinarunt Ducis. qui fortissimè pugnando mori maluit, quàm salutem aliquam cum turpitudine sperare, animo secum reputans, ablata spe fugæ, nihil esse satius, quàm cruentam hosti victoriã relinquere, mortem morte fugere; ex honesto interitu, gloriosam sibi vitam quærere. fortunam enim sæpe virorum fortium esse amicam, martem fugientem militem, potius insequi, quàm fortiter dimicantem. cuncta etiam Deorum numina, benignum æquumq; victorem, fouere solita, contra verò insolentissimum perdere. Ducis autem cadauer, Gradum, ab Hislris delatum, ibi pro dignitate funus est celebratum.

PETRI TRONI ELOGIVM.

IN maxima, ingentiq; totius urbis trepidatione, quæ ex Petri Candiani Ducis nece, à Narentanis interfecti, ita ciues omnes inuaserat, ut Patres à minori cura, ad summum timorem traduceret, uno omnium consensu, Petrus cognomento Tribunus, Ducis nuper interfecti nepos, quem recentiores forsan, Tronum paucissimis literis mutatis appellant, eligitur. Vir singulari uirtute, constantia, gravitate, & Iustitia præditus, quibus rebus, is maxime excellit, qui plurimum præstat. fuit hic tanta animi integritate, & innocentia, ut illis etiam temporibus optimis, cum vix vnum, aut alterum inuenire nequam in tam proba ciuitate posses, solus tum Reipub. præfici dignus sit indicatus; subitoq; à Leone Imp. prothospatarius efficitur. hic ut benemerenti patriæ, & ciuib; consulere, mœnia construi uoluit, ferreaq; cathena, Eurippum maiorem interclusit, ad arcendos libero ingressu hostes, nèue subito impetu, urbem turbare aliqua ex parte possent. eo animo motus, quod Hunnos, quos hodie Vngaros vocamus, Pannonia recenti tunc sede, mouisse præsenferat. Sunt Hunni Scythicum genus hominum, gēs
dira,

dira, omniq; ratione, penitus carens, humaniq; cruo-
 ris sitiens. quibus & mos est, non solum mortalium
 cædem, non abominari, immo humanum sitire san-
 guinem, sed ne parentibus quidem parcere, quos se-
 mio iam, & ætate confectos, frustillatim dissectos,
 avidissimè deuorant, itemq; hospitali sanguine lita-
 re, infantium ora ferro discindere, cadaueribus ho-
 stium famem explere. hi Venetarum opum fama
 allecti, relictæ antea Macedonia, Mysia Achaia,
 ac utraque Thracia, quas prouincias nullo resistente
 populantur, nihil non obuium corrumpunt, incen-
 dunt, ac in omnem sexum crudeliter sæuiunt. per
 Germaniam postea, in Illyrium veniunt, breuiq;ue
 omnem illam regionem, & mox Histriam fermè
 totam, atque Venetiam expugnant, impetum fa-
 ciunt, prædam agunt, sese modo in vnum, modo in
 alterum locum recipiunt, agros vastant, obuios sine
 alicuius ætatis discrimine interficiunt. progressi Era-
 cliam, Equilium, Clodiam, Methamancum, aliaque
 oppida, lembis quibusdam, tumultuariè instructis,
 pari clade afficiunt. perq; interiora hæc littora de-
 bacchati incendijs, & rapinis, cuncta vastarunt,
 regionem uberrimam & oppulentam, suburba-
 nasq; omnes insulas, templis auro excultis, ac do-
 narijs

narijs reffertis ditissimas, sacrilega cupiditate spo-
 liarunt, easq; ædes, religionis odio euertere. In om-
 nem sexum atque ætatem sæuitum, pueri, virgines,
 matres ad stuprum raptæ. Stupra cœdibus, cœdes
 stupris additæ. Interim Princeps artis militaris sciē-
 tissimus, nihilo secius suos armis exercebat, vigilijs
 defatigabat, ne virtus per otium marcesceret ani-
 morum. Quamobrem in spem summam ingrediun-
 tur Veneti, & libertatis finium recuperandæ, et
 patriæ, non fortunis solum, sed vita etiam ipsa de-
 fendendæ. Summo itaque ardore, contra Vngaros
 arma sumunt, fortiter inuadunt, pugnatumq; est,
 Petro Trono, Ciuitatis & classis Duce, tanquam
 pro aris & focus, per dies aliquot. accensis vtrinq;
 animis, ancipiti fortuna pugnæ, contra hostes mul-
 titudine fretos, quæ bellicæ rei sæpius nocet. demum
 Veneti quos pudebat, Barbaros tam propinquos ur-
 bi, diutius ferre modèratè, nō minus religione, quàm
 armis incliti, Diuina tum magis ope freti, minori-
 bus multò ac pro tanto negotio, opus esset copijs, ho-
 stem aggressi, qui per annum, terram Italiam, om-
 nium felicissimam euerterant, Petri & Pauli Apo-
 stolorum principum die, illustri victoria sunt potiti.
 eodem fermè loco, quo fuerat cum Pipino, centesimo

circiter anno, à Venetis antea, felicissimè dimicatum. Verùm Petrus quod reliquum habuit vitæ, prudentissimè circa Reip. ornamenta, egit. Obijt vndeigesimo sui Principatus anno. Corpus in Cœnobio D. Zachariæ, est reconditum.

PETRI SANUTI ELOGIVM.

HISTRI qui centesimum ex illo annum, Veneti nominis hostes acerrimi fuerant, varioque euentu cum eis, de maris possessione certarant, Februario mense, in ædem D. Petro dicatam, quæ tunc Oliuolensis, nunc verò Castellana nuncupatur, pyrraticis quibusdam nauigijs, superato tacitè nocturno cursu, fanatico, suburbanoq; hoc sinu, clam virgines non paucas, quæ nuper fuerant matrimonio locatæ, atque in id templum, de vetere ciuitatis nostræ more, cum magno, pretiosissimoq; corporis ornatu conuenerant, quo omnis eorum supellex, ab omnibus publicè spectaretur, essentq; ipsæ populo spectaculo, vel etiã, vt eo loci, sponsalia celebrarentur, sacrilega rapacitate, secum abduxere, magnaq; inde præda, ac eadē perpetrata, Caprulas petiere. Quare statim cognita, Petri Sanuti Ducis auspicijs,
Venetus

*Venetus miles, tumultuariè tunc repertus, eos in
 diuidenda præda occupatos, citra nostrorum occi-
 sionem oppressit. Omnibus fermè aut captis, aut ad
 vnum cæsis. fuit is Sanuti filius, qui nauali prælio,
 aduersus Narentanos perijt. parta itaque victoria,
 omniq; indè præda incolumi recepta, urbem triū-
 phans ingreditur, ob idq; ludos quosdam, tunc in-
 stitutos, quidam scribunt, qui Mariani appellaban-
 tur, qui per quadringentos & amplius annos per-
 seuerarunt; Sed tertio ligustico bello, Clodiana pu-
 gna, Andrea Contareno Duce, cùm ita exhaustum
 ærariū esset, vt ne Deorū quidem cultui sufficeret,
 Patrum decreto, vno veluti edicto, penitus sunt su-
 blati. mansit autem, tam celebris victoriæ, diutur-
 na quædam memoria, quòd Princeps & Senatus,
 D. Mariæ Formosæ templum, Calendis Februa-
 rijs, solenni pompa, quotannis inuisit, ob id forsan,
 quòd ab illius loci hominibus, qui præclarum in ea
 pugna specimen dedere, fortiter contra raptores sit
 pugnatum. est etiam Comaclū oppidum, ob iniuriā
 Venetis illatam, atque quòd oppidani illius loci, res
 quasdam ablatas, restituere neglexissent, huius du-
 ctu, vi expugnatum. mansitq; in conditione, atque
 pacto, publica fide adhibita, vt Comaclini, deinceps
 ab*

miscuè nastarant, atque oppida multa, ui capta spor-
 liantes, templa Deorum immortalium, tecta urbium,
 uitam demque omnium ciuium, ad exitium, & ua-
 stitatem trahebant; Venetas postea onerarias na-
 ues, exoticis mercibus onustas, quæ Maura classe
 in altum conspecta, in Tergestinum sinum sese re-
 ceperant adepti, diripiunt; negotiatores non pau-
 cos, naualesq; socios, ac remiges, ad unum trucidat
 (iam enim ex eo tempore, ob maris commercium,
 non incelebres erant Venetorum opes.) Narentani
 tunc, aduersis Venetorum rebus, ferociores effecti,
 rupto violatq; fœdere, Histriæ aliquot loca, et præ-
 fertim Caprulas prædabundi processerunt. Sub id
 fermè tempus, Benedictum Pont. Max. eius nomi-
 nis tertium Venetias, ut D. Zachariæ ædem, et cor-
 pus inniseret, uenisse dicitur. quo Panchratij, &
 Sabinæ corpora, Agnetis Maurocenæ illius Cœno-
 bij, earumq; Monialium primæ, precibus, & ro-
 gatu, ex urbe paulopost misit. Sed ne à religione
 Ducem aliennum fuisse credamus, satis constat,
 sub initia sui Ducatus, Ecclesiam D. Paulo condi-
 tam, locum hodie, ab aræ forsitan magnitudine,
 frequenti q; mercatu insignem, ab ipsomet, & filio,
 quem sibi collegam ascinerat, ab Vrso Particiaco,

Oliuo-

Oliuolense Antistite, inauguratam fuisse. qui & ipse senio iam confectus, D. Laurentij templo, vestales virgines adiungendas curauit. Sed & Maurus Antistes, qui Vrso successor est datus, D. Margarithæ phanum, anno vrbs circiter quadringentesimo erexit. Hæc Petro Gradonico Duce, in vrbe gesta reperio; qui undetrigesimo sui principatus anno, cum Ducarium ex D. Zachariæ templo peteret, à quibusdam, qui in eum conspirauerant, vulneratus occubuit. nam quia virtute, prudentia, & foelicitate præstabat, gloria in inuidiâ, apud improbos eum vertit. Tumulatus fuit in Cœnobio Zachariæ, quod crebro, pietatis studio inuisebat.

VERSI BADVARI.

Elogium.

PACIS dulcissimum, & pulcherrimum nomen, quæ vel iniusta, utilior, quàm iustissimum bellum, sæpius est visa; ita studiosè primò est complexus, ut cum Narentanis & alijs, pyratice exercitibus, qui totius inferi maris oram, non mediocriter infestam habebant, honestissimis conditionibus iungenda, Vrso auctore sit actum. quo etiam

tempore, triumviri magistratus, tam nobilis, quam
 Reip. necessarius, primo crearetur, sunt tamen qui
 affirmant magistratum illum, Aureo Mastrope-
 tro Duce excogitatum, hos legum Tribunos, vel
 ne à communi, v'sitationi q; nomine recedam, aduo-
 catores in huncvsque diem appellari non ignoro. qui
 interfecti Gradonici Ducis parricidium vlcisceren-
 tur, tumultuantemq; ciuitatem, pacatam atque
 tranquillam redderet. præcipuum enim eorum est
 munus, de criminibus iudicare, atque tum hoc, tum
 illud, seuera animaduersione corrigere. tueriq; se-
 uerissimè Ciuitatis iura, atque ob id sanctissimo
 cuique collegio, vel Decemviri quidem, quod iure,
 omnium grauissimum habetur, interesse licet. hunc
 magistratum, summa cum Reipub. laude agebant,
 cum hæc cōmentaremur Io. Baptista Cont. Petrus
 Lauretanus, & Hieronymus Ferrus, nemini post-
 habendi, ob summam eorum integritatem, & inno-
 centiam, quas in Senatorijs viris, statuo esse maxi-
 mas. Sed ne transuersum quidem vnguem, ab Vr-
 si facinoribus, quæ pro patria, vt rem etiam Chri-
 stianam iuuaret, præclare gessit discedam; Sarace-
 nos vigesimo post anno, quam cum Sabba eorum
 Duce, à Petro Gradonico Venetorum Duce, apud

Tarentum, rursusque apud Crottonem, inſoelicitè
 eſt pugnatum, non inſauſto omine debellauit. Hi
 namq; , poſteaquam Cræta Inſula, multos annos
 ſunt potiti, dupliciq; victoria de Venetis parta, ſu-
 perbè elati, plus nimio indies inualeſcebant. nam
 Ionij ora, celeri curſu enauigata, Dalmatiam du-
 ce Galba ferociter adorti, miſerabili clade affecit.
 hinc progreſſi, Gradum dura obſidione circumſede-
 re, contra quos, Vrſus vicinæ urbis periculo exter-
 ritus, triremibus triginta, optimè inſtructis, claſſe
 mouet, eosq; ſubito acceſſu turbauit, vt nauibus in-
 de repente eductis, in altum abire ſunt coacti, quos
 cum Vrſus ſtrenuè inſequeretur (aſſuit etiam tum
 præcipuè indiſtriæ fortuna) inſignem victoriam,
 pauciſſimis ex ſuis vulneratis eſt adeptus. Sara-
 ceni verò partim caſi, partim fluctibus merſi, to-
 toq; ſupero mari expulſi, ingētem cladem ſunt per-
 peſſi. plurimum tuc in ea pugna, Ioannis Baduarij,
 Vrſi filij, & poſtea in Salentinis ad Tarentum op-
 pidum, militaris virtus, animiq; robur enituit, ubi
 idque collega à populo, patri eſt datus. rursus e-
 tiam contra Narentanos, qui pacem à Duce obla-
 tam, amplecti negligebant, ſed loca prædabundi,
 continuo infeſtabant, aliquot nauium claſſe, ſtre-

nuam ab *Vrso* expeditionem, magno *foeliciq̃ue* rerum *successu*, nauatam constat. Verum ob rē prosperē *foelicerq̃ue*, aduersus *Saracenicos* incursus gestam, à *Basilio Const. Imp. Prothospatarij* dignitate, quæ tunc erat, omnium illius Imperij maxima, est insignitus. Ob idq̃; Princeps, animi gratitudine, atque vt cum *Imp. muneribus* contendere, mutuisq̃; officijs certare, inuicem viderētur, duodenas magni ponderis, maximiq̃; pretij campanas, ei dono misit, quibus tum primum, *Græci* sunt vsi. In *Vrso* quidem tanta in donando, gratissimi animi magnitudo enituit, vt in referenda gratia, pro leuissimo etiam munusculo, tenuissimiq̃; officij genere, amplissimas quasque res sæpissime reponeret. Instauratur eo Duce *Deiparæ phanum*, quod vulgo *Săcta Maria Formosa* appellatur, quo etiam tēpore, vetus quoddam, intestinumq̃ue odium, quod inter *Venetos*, & *Vulpertum Aquilegiensem Antistitem* vigeat, huius opera & consilio omnino resedit. Et quoniam exploratum cuique facile est, *Venetam urbem*, in sex parteis, quas regiones vocant, esse diuisam, eam tunc coli primò cœptam video, quam *Dorsum durum*, hodie dicimus, ab eo (vt arbitror) quòd priusquā locus inhabitari cœpisset, præ-

*prædurus esset illic scopulus, in dorsi forsan specie
productus. Vrsus itaque, belli pacisq; artibus cla-
rus, cum decem & septem annis Reip. præfuisset,
obiit. eius cadauer ad D. Zachariæ est delatum.*

IOANNIS BADVARI

Elogium.

*VERSO Baduario vita functo, Ioannes eius
filius, ex hac familia Dux tertius Remp. admi-
nistravit, qui usqueadeò magni & laudis amore
flagrantis ingenij aciem intendit, ut æmulatione
decoris, paterna gloria vehementissimè angeretur.
hic ut à religione primo exordiar, phano D. Cor-
nelio & Cypriano, apud Meduacum, egregij ut tū
res ferebant operis extructo, fratris necem vltu-
rus, ingenti classe, aduersus parricidas comparata,
magno memorabiliq; prælio eos fudit. Comaclum
itaque oppidum inuadit, nam ab oppidanis illis sce-
lus fuerat perpetratum. idq; iusta acie diripit.*

*Sequitum solum, contra iniuriæ authores, tum con-
stat. Cæteris tamq; hominibus parcendum duxit.
Sola enim laude Veneti contenti, nihil ex victis ho-
stibus, præter victoriæ nomen sibi quæsiuere, inhu-*



manum credo rati, vel impium potius, nobile animal, rationis, rerumq; coelestium capax, seruitio adigere. virtutem namq; in bello, clementiam in victoria, Imperatorem decere arbitrabatur. His ita gestis, cum diuturno, deploratoq; morbo laboraret, ne Respub. Principe qui eam regeret, in aliquod discrimen incideret, Petrum Candianum, sibi viuenti surrogari, diligentissima cura postulauit. cui propria etiam manu, lataq; fronte, Principis insignia, maximo animi moderationis documento tradidit. Et ne vllum vnquam laborem, pro patriæ charitate, vitare videretur, quem ciuium periculis subleuandis, impertire optimum duxit. Mortuo Candiano, populi precibus victus, dum nouus Princeps crearetur, iterum honoris insignia recepit, atque Principatum assumit, ne quam interim cladem adiret Respub. erexitq; hortatu, & praesentia sua, ciues morore affectos, quæ paulo post deponendū, sponte semetipsum in ordinem redigens curauit. populo persuadens, ut successorem Ducem, omnino eligerent. Vetus illa magistra pudoris, & modestiae continentiae, nunquam antea, nec postea, in annalibus huiusmodi est visa. Obijt in propria domo, cum annis sex ciuitatē integerrime gubernasset, & in gentilitio suo sepulchro tumulatur.

PETRI SANCTI

Elogium.

PETRVS ex Candiana familia, quam San-
 nutam hodie appellant, bellicis quibusdam nauibus
 primo, contra Narentanos, Veneti nominis hostes
 acerrimos, qui maria hæc nostratia, latrocinio fœ-
 dabant, subitisq; excursionibus de more suo infesta-
 bant, & deprædabantur, frustra instructis, mox
 suo ductu, duodecim nauium classe, eos bello repe-
 tit. pugnatur hinc inde magno ardore, fuitque res
 Veneta diu superior, nam quinque hostium naues
 fractas emerfit. Sed variatæ fortuna (nunquã enim
 minus respondent euentus quàm in bellis) Princeps
 qui aut moriendum, aut vincendũ decreuerat, Na-
 rentanorum Ducem, letaliter vulnerat, mox ipse
 dolo & astu, à tergo adortus, superuenientibus e-
 tiam auxiliarijs copijs, vndique barbaris, post atro-
 cem pugnam, victus media suorum strage, fortiter
 dimicando, militibus multis, vtrunque prius deside-
 ratis, in suo vestigio, duobus in pectore uulneribus
 acceptis occubuit. sicque vitam, quam à patria fue-
 rat mutuatus, eam illi iure opt. reposcenti reddere
 voluit. ea namque mente, pro Rep. dimicabat, vt
 vince-

vinceret, aut si id iniqua fata non permisissent, omnino inter confertissimos hostes, fortiter dimicando oppetere, nec incruentam barbaris victoriam relinquere, nec ullam unquam reliquisset, nisi iniqua mors prohibuisset. cecidit ea pugna, magnus Venetorum numerus, sed hostium duplo maior, fregitq; ea clades supra modum, gentis animos, prosperis rebus assuetos, & ne ipsi caderentur in medio, ad fugam inclinarunt Ducis. qui fortissimè pugnando mori maluit, quàm salutem aliquam cum turpitudine sperare, animo secum reputans, ablata spe fugæ, nihil esse satius, quàm cruentam hosti victoriâ relinquere, mortem morte fugere; ex honesto interitu, gloriosam sibi vitam quærere. fortunam enim sæpe virorum fortium esse amicam, martem fugientem militem, potius insequi, quàm fortiter dimicantem, cuncta etiam Deorum numina, benignum æquumq; victorem, fouere solita, contrâ verò insolentissimum perdere. Ducis autem cadauer, Gradum, ab Histris delatum, ibi pro dignitate funus est celebratum.

PETRI TRONI ELOGIVM.

IN maxima, ingentiq; totius urbis trepidatione, quæ ex Petri Candiani Ducis nece, à Narentanis interfecti, ita ciues omnes inuaserat, ut Patres à minori cura, ad summum timorem traduceret, uno omnium consensu, Petrus cognomento Tribunus, Ducis nuper interfecti nepos, quem recentiores forsitan, Tronum paucissimis literis mutatis appellant, eligitur. Vir singulari uirtute, constantia, grauitate, & Iustitia præditus, quibus rebus, is maximè excellit, qui plurimum præstat. fuit hic tanta animi integritate, & innocentia, ut illis etiam temporibus optimis, cum vix vnum, aut alterum inuenire nequam in tam proba ciuitate posses, solus tum Reipub. præfici dignus sit iudicatus; subitoq; à Leone Imp. prothospatarius efficitur. hic ut benemerenti patriæ, & ciuibus consuleret, mœnia construi uoluit, ferreaq; cathena, Eurippum maiorem interclusit, ad arcendos libero ingressu hostes, nèue subito impetu, urbem turbare aliqua ex parte possent. eo animo motus, quòd Hunnos, quos hodie Vngaros vocamus, Pannonia recenti tunc sede, mouisse præsenferat. Sunt Hunni Scythicum genus hominum, gēs
dira,

dira, omniq; ratione, penitus carens, humaniq; cruo-
 ris sitiens. quibus & mos est, non solum mortalium
 cædem, non abominari, immo humanum sitire san-
 guinem, sed ne parentibus quidem parcere, quos se-
 nio iam, & ætate confectos, frustillatim disectos,
 avidissimè deuorant, itemq; hospitali sanguine lita-
 re, infantium ora ferro discindere, cadaueribus ho-
 stium famem explere. hi Venetarum opum fama
 allecti, relictæ antea Macedonia, Mysia Achaia,
 ac utraque Thracia, quas prouincias nullo resistente
 populantur, nihil non obuium corrumpunt, incen-
 dunt, ac in omnem sexum crudeliter sæuiunt. per
 Germaniam postea, in Illyrium veniunt, breuique
 omnem illam regionem, & mox Histriam fermè
 totam, atque Venetiam expugnant, impetum fa-
 ciunt, prædam agunt, sese modo in vnum, modo in
 alterum locum recipiunt, agros vastant, obuios sine
 alicuius ætatis discrimine interficiunt. progressi Era-
 cliam, Equilium, Clodiam, Methamancum, aliaque
 oppida, lembis quibusdam, tumultuariè instructis,
 pari clade afficiunt. perq; interiora hæc littora de-
 bacchati incendijs, & rapinis, cuncta vastarunt,
 regionem vberriam & oppulentam, suburba-
 nasq; omnes insulas, templis auro excultis, ac do-
 narijs

narijs reffertis ditissimas, sacrilega cupiditate spo-
 liarunt, easq; ædes, religionis odio euertere. In om-
 nem sexum atque ætatem sævitum, pueri, virgines,
 matres ad stuprum raptæ. Stupra cœdibus, cœdes
 stupris additæ. Interim Princeps artis militaris sciē-
 tissimus, nihilo secius suos armis exercebat, vigilijs
 defatigabat, ne virtus per otium marcesceret ani-
 morum. Quamobrem in spem summam ingrediun-
 tur Veneti, & libertatis finium recuperandæ, et
 patriæ, non fortunis solum, sed vita etiam ipsa de-
 fendendæ. Summo itaque ardore, contra Ungaros
 arma sumunt, fortiter inuadunt, pugnatumq; est,
 Petro Trono, Ciuitatis & classis Duce, tanquam
 pro aris & focis, per dies aliquot. accensis vtrinq;
 animis, ancipiti fortuna pugnæ, contra hostes mul-
 titudine frêtos, quæ bellicæ rei sæpius nocet. demum
 Veneti quos pudebat, Barbaros tam propinquos ur-
 bi, diutius ferre modèratè, nō minus religione, quàm
 armis incliti, Diuina tūm magis ope frėti, minori-
 bus multò ac pro tanto negotio, opus esset copijs, ho-
 stem aggressi, qui per annum, terram Italiam, om-
 nium felicissimam euerterant, Petri & Pauli Apo-
 stolorum principum die, illustri victoria sunt potiti.
 eodem fermè loco, quo fuerat cum Pipino, centesimo
 circiter

circiter anno, à Venetis antea, felicissimè dimicatum. Verùm Petrus quod reliquum habuit vitæ, prudentissimè circa Reip. ornamèta, egit. Obijt vndeigesimo sui Principatus anno. Corpus in Cœnobio D. Zachariæ, est reconditum.

PETRI SANUTI ELOGIVM.

HISTRI qui centesimum ex illo annum, Veneti nominis hostes acerrimi fuerant, varioque euentu cum eis, de maris possessione certarant, Februario mense, in ædem D. Petro dicatam, quæ tunc Oliuolensis, nunc verò Castellana nuncupatur, pyratia quibusdam nauigijs, superato tacitè nocturno cursu, fanatico, suburbanoq; hoc sinu, clam virgines non paucas, quæ nuper fuerant matrimonio locatæ, atque in id templum, de vetere ciuitatis nostræ more, cum magno, pretiosissimoq; corporis ornatu conuenerant, quo omnis eorum supellex, ab omnibus publicè spectaretur, essentq; ipsæ populo spectaculo, vel etiã, vt eo loci, sponsalia celebrarentur, sacrilega rapacitate, secum abduxere, magnaq; indè præda, ac cæde perpetrata, Caprulas petiere. Quare statim cognita, Petri Sanuti Ducis auspicijs,

Venetus

*Venetus miles, tumultuariè tunc repertus, eos in
 diuidenda præda occupatos, citra nostrorum occi-
 sionem oppressit. Omnibus fermè aut captis, aut ad
 vnum cæsis. fuit is Sanuti filius, qui nauali prælio,
 aduersus Narentanos perijt. parta itaque victoria,
 omniq; inde præda incolumi recepta, urbem triū-
 phans ingreditur, ob idq; ludos quosdam, tunc in-
 stitutos, quidam scribunt, qui Mariani appellaban-
 tur, qui per quadringentos & amplius annos per-
 seuerarunt; Sed tertio ligustico bello, Clodiana pu-
 gna, Andrea Contareno Duce, cum ita exhaustum
 ærariū esset, vt ne Deorū quidem cultui sufficeret,
 Patrum decreto, vno veluti edicto, penitus sunt su-
 blati. mansit autem, tam celebris victoriæ, diutur-
 na quædam memoria, quòd Princeps & Senatus,
 D. Mariæ Formosæ templum, Calendis Februa-
 rijs, solenni pompa, quotannis inuisit, ob id forsan,
 quòd ab illius loci hominibus, qui præclarum in ea
 pugna specimen dedere, fortiter contra raptores sit
 pugnatum. est etiam Comaclū oppidum, ob iniuriā
 Venetis illatam, atque quòd oppidani illius loci, res
 quasdam ablatas, restituere neglexissent, huius du-
 ctu, vi expugnatum. mansitq; in conditione, atque
 pacto, publica fide adhibita, vt Comaclini, deinceps*

ab iniuria perpetuo abstinerent. Iustinopolitani vero, qui tantum facinus perpetrarant, ut virgines ex sacro loco, rapere essent ausi, veriti ne proprio sanguine poenas luerent, ultro se Venetis dediderunt. sicq; pacem magis necessariam, quàm speciosam, à nostris acceperunt. cum quibus nihil aliud actum reperio, nisi centum cadorum iuni pactiones. qui ab Histris, Principi singulo quoque anno integrè soluerentur. Dux vero cum septennio ciuitatem rexisset, naturæ fatoque concessit et maiorum sepulchro infertur.

VRSI BADVARI, ET

Petri Rosuli Elogium.

NARENTANI à Sclauis, Scythica gente orti, præda tantum, & rapto viuentes, atq; latrocinij, magis quàm antea infesti, qui Dalmatiæ littora, suis non contenti finibus, magno cū Venetæ gentis probro, diutius tenuerunt. Cum multò etiam infestiores essent, quàm ut æquo animo moderateq; ferri, ex ciuitatis dignitate possent, nam urbem fermè ipsam, quadam veluti obsidionis specie, præmere iam videbantur, mala enim prauaque ingenia,

genia, quò meliore sunt fortuna, è inclemētius exercent ingenium in eos, quos iniuriæ habet opportunos, præmere namque Venetorum loca, media rerum quiete, crudeliterq; uexare non destiterunt.

Quarè tribus et triginta nauibus, quas Gombarias tunc appellari, nonnulli affirmant, cæterisq; ad bellum necessarijs, accuratius quàm antea cōparatis, totius belli administrandi summa, Vrsō Baduario, & Petro Rosulo, constantis, maximiq; animi viris est demādata, qui vt eorum conatibus, obuiā irent, ne deinceps Narentani, turbulenter, aut temerè, turbas aliquas commouerent, seditionemue concitarēt, classe faustissimo quidem omine, in altum educta, hostes viriliter sunt aggressi cum quibus conflictare, & pro patriæ dignitate quotidie dimicare, erat omnino molestum; eos itaq; litrocinijs magis quàm bello assuetos, secunda pugna prosligarunt, eorūque postea oppida nō pauca, partim loci opportunitate, & natura, partim etiā humano opere munita, in Venetorum ditionem receperunt. sicq; vndè ius stetit, victoria inclinauit. fusi sunt fugatiq; hostes, ac multa cum strage, eorum copiæ disiectæ Baduarius et Rosulus ita strenuè in acie sūt uersati, vt omnes aperta prædicatione, post pugnā testati sint,

utrius partis, hi Duces belli fuissent, eam haud dubiè vincere oportuisse. Narentani autem, ea clade attriti, ègrè se recipientes, pacem pretio redemerunt, nec postea Venetum otium perturbare sùt ausi. his ita gestis, Vrsus Baduarius, & Petrus Rosulus, qui nullis ciuibus, ad eam diem, celebritate, et gloria fuerant inferiores, urbem ouantes repetunt.

PETRI VRSEOLI ELOGIUM.

PATRIAE amor & charitas, cui nasci unumquemq; , vel grauißimo Platonis testimonio, non ambigimus, hunc licet inuitum, ac reluclàtem, neque omnino se tantæ rerum moli, parem existimantem, Principis tamè sceptrum, in D. Petri æde, ubi miro omnium ordinum consensu, ingentiq; gaudio fuerat electus, sumere coegit. qui domi forisque longè clarissimus, ita vixit, vt omnes facile in sui admirationem traxerit. neque tamen conceptam de se hominum animis, spem est frustratus. fuerat namque ea tempestate, Petri Vrscoli probitas, cunctis spectata. Quare sublato è medio, Petro Sanuto, Ducarioq; igne & flamma consumpto, atq; aurea D. Marci æde, magna ex parte conflagrata, hic

vnus

vnus pium illud opus, primo aggressus, studio et labore, proprioq; ære, ampliori augustiori q; quàm antea forma, & apparatu restituit. Tabulam auream insuper, miro græcanico opere, Byzanti confectam, ad aram maximam collocandam curauit. D. quoq; Marci corpus ab incendio seruatum, honestiss. in loco, condi iussit. mox Rempub. ob Sanuti Principis necem, nō parum tumultuantē, publicisq; & priuatis incendijs, magnopere consternatam, quæ totam vrbis faciem, miserabili clade deformauerant, in veterem libertatem, ac dignitatē vindicauit. Etenim non solum Marcianam Theodoriq; ædem, ac Ducarium; sed trecentas etiam priuatas domos, quæ propinquitate, & vi ventorum, incendium aluerant, tunc arsisse manifestè constat. in his tamen aduersis, infelicißimisq; rebus, Vrseolus sic prudenter se gessit, vt pacatiora omnia postmodum reliquerit. ad Remp. namque augendam, militaribusq; ornamentis honestandam, animum referens, Saracenos vtramq; Italiæ oram, bipartita classe fœdantes, quique Barium Dauniæ oppidum, terra mariq; obsidebāt, & Capuam, Campaniæ urbem celeberrimā vastabāt, memorabili nauali prælio superauit, magnaq; strage fudit, qua acie, Saracenorum vires ita

C

concide-

conciderunt, vt ab eo tempore, nunquam Italiam,
 tam valide petere sint ausi, cum Barienses prius,
 qui longa & acri obsidione fatigati, animum iam
 desponderant, commeatu iuuisset. quo parto trium-
 pho Venetias repetit, atque ciuitatem aliquantulum
 malè affectam reperit, à Ducis interfecti pernecessa-
 rijs, qui vrbs otium turbare tentabant. à quibus ta-
 men vim omnem abstinuit, et in conscios quæri ve-
 tuit, ne plures inuenti odium augerent. mox cum
 Othone Imp. illius nominis ij. qui Veneto nomini
 ob Sanuti mortem, infestior aliquantulum esse vi-
 debatur, in gratiam redijt. cū Iustinopolitanis dein-
 de fœdus percussit, cum quibus recens orta erat dis-
 cordia, vt ipsi Veneto Principi quotannis centum
 amphoras vini persoluerent. ab his postea, ad pieta-
 tem animum adiiciens, religionem sanctissimè co-
 luit, quam mortales, & magnam esse ducunt, &
 meritò plurimi faciunt. Quare pub. priuatq; rebus
 omnibus, ex animi sentetia prius rectè compositis,
 Principatu sponte se abdicauit, atque Ioanne Gra-
 donico, & Ioanne Mauroceno, qui Georgij Phano,
 Tribune Memij Ducis prerogatiua Vrseolo vita
 functo præfectus, locum plurimum auxit, ambobus
 generis, atque huiusce tam honesti, tamq; religiosi
 facti

facti conscijs, secum abductis, relicta vxore & filio, quem Angelico nuntio, antequam vxor, ventrem gestaret, se suscepturum acceperat. quò in lucem postea edito, perpetuam (id annuente Felicia coniuge) deinde continentiam, sincere seruauit. Venetijs occultè, ignoto habitu, altero sui principatus anno, nondum exacto profectus; in Aquitania, Gallia: provincia, in Cœnobio D. Michaelis de Cussano, sic enim locum appellant reliquum vitæ, sanctitate & religione clarus egit. celebrequè; Petri Vrsoli nomē, in eo terrarum tractu, hodie viget. Verum antequam patria excederet, cum officia multa, ac propè infinita, erga pauperes, quorum cubicula, clanculum sæpius adibat, & clericos, ac templa contulisset, tum illud mea quidem sententia, cætera vicit, quòd priuatas suas ædes, è regione fori, pium hospitium, sub D. Marci noīe perpetuò fore sanxit, multa pecunia partim tunc, partim quotannis numerari iussa. ascripsitq; loco prædia paterna, i pauperū alimoniā. huic loco Sacerdotem Venetum, moribus & doctrina clarum Ducis authoritate solitum præesse accepimus. obtinuit paulo antè hoc munus, Io. Baptista Egnatius, vir omnium iudicio doctissimus, præceptor quondam meus, qui et domesticā, historiam Va-

lerium Max. hac in parte imitatus, felicissimo stilo conscripsit. ibi nunc publico decreto, literarum gymnasium est constitutum. Sed fuit tam opt. Ducis nostri propositi author. præcipuus, Romualdus Rauennas, cui Camalduenses Monaci, originem sui ordinis acceptam referunt. hic multos, pio hortatu, & vitæ exemplo, ad monasticæ solitudinis cultum traxit. Vrseolus demum vita functus, inter calicolas translatus, miraculis illustris ad nostram usque ætatem habetur. Sunt præterea qui scriptum reliquere, Petrum Vrseolum, qui aliquandiu procul à patria peregrinatus absuit, ad Michaelis Phanum, quod Muriano præiacet, monasticam vitam professum, ad supremum usque vitæ tēpus mansisse.

PETRI VRSEOLI HVIVS NOMINIS SECUNDI Elogium.

VENETI qui plurimum semper inusitatæ virtuti, tribuendum censuere, hunc Petri Vrseoli prioris filium trigesimo ætatis suæ anno, Ducem elegerunt, quippè exploratum habebant, neminem aut iustius, quàm grauem virum, aut prudentius quàm doctum, imperare posse. ea causa fuit, cur Principatus

patius illi maturius demandaretur. hanc dignitatē,
 eius pater Diuino quoddam vaticinio multò ante
 nuntiarat. Sed Vrseolus inito principatu, nihil ha-
 buit potius, quàm multos statim Reges ac Princi-
 pes, quoad fieri poterat; sibi conciliare; misso ad
 hæc Ioanne filio, qui legatū apud Otthonem Imp.
 huius nominis I I I. ageret, persuasum enim ha-
 bebat, nullum esse firmiorem statum, nullum præsi-
 dium tutius, hominum beneuolentia, quæ Principes
 & ciuitates, fortius quàm armis munit. egit postea
 cum Basilio, & Constantino Imp. ut Veneti à por-
 torijs, publicisq; vectigalibus immunes perpetuò fo-
 rent. mox patriam ab omni barbarorum metu, &
 incursionibus liberam reddere est aggressus. ob id
 debacchantibus per annos multos, infestisq; pyratis,
 cum quibus variante sæpius fortuna, per annos cen-
 tum circiter & septuaginta, de maris possessione,
 fuerat pugnatum, indicto bello, magnam nauium
 copiam instruxit. Erat tum verum tempus, &
 ad nauigandum aptissimum, quando Vrseolus, non
 minus religione, quàm armis inclitus, nouo sed pio
 instituto, & in hunc vsque diem, religiosissimè ser-
 uato, peractis sacris, in Oliuolensi æde, acceptisque
 Imp. ornamentis, de manu, Dominici Gradonici.

patritij Veneti, ac Oliuolensis ecclesiæ Antistitis,
 qui rem Diuinam antea fuerat operatus, D. Marci
 tutelaris numinis uexillo, in ipsa Christi seruatoris
 nostri Ascensionis luce, septimo sui Principatus an-
 no oram soluit, ut tam claro, & religioso princi-
 pio, prospera cuncta, numinis fauore succederent,
 ex quo non dubia præsensio, diuinatioq; rerum bel-
 licarum, & longa infracti animi patientia, ac cun-
 cta denique Iustitiæ temperamenta profluerent. cui
 urbem, ciues, lares, sacra, prophanaque omnia, tam
 sanctè, quàm piè commendauit: nec ignorabat vir
 egregius, rem Venetam, armis satis, sed multò plus
 religione posse proficere. felici itaque nauigatione
 usus, phanaticoque sinu celeriter emenso, præter
 Aquilegiæ & Gradum, Parentium Histriæ vr-
 bem petijt. Sed tantum absuit, ut hostes subita belli
 mole territi, consererent, ut non solum ipsi, sed &
 alijs quoque, audita Parentinorum deditio, pacem
 magno auri pondere, redimere maluerint quàm bel-
 li fortunam tentare. Quare Narentanos, cōtra quos
 Veneti, classẽ præcipuè mouerant, cæterosq; Illy-
 ricos, qui pyraticam exercebant, sic è medio sustu-
 lit, ut pyrata ī toto mediterraneo mari quæreretur.
 Lyburnos & Dalinatæ inter syluas, & paludes

39
continere coegit. Demum Iapidia, Histria, Lybur-
nia, Illyrio, Dalmatiaq; tota, cum insulis, viam fa-
tis ad maiora rerum incrementa aperientibus, mi-
ra celeritate est potitus; præter Corcyram nigram,
et Pharon insulas, nam cum oppidani, pacem à Ve-
neto, æquis conditionibus, nolunt accipere, loca ui-
fuerunt expugnata, ac militi data in prædam, Du-
cis iussu, nec prius tamen est cum Narentanis bella
restitutum, quàm inter pacis conditiones quam pete-
bant supplices, Venetorum etiam potentiam, magis
quàm antea formidantes, id præcipuè cautum sit,
ut nò modo leges Venetas, accepturos se sponderet,
sed ut religionem augerent, mutatisque moribus
pietatem colerent, Christum humani generis libe-
ratorem, longè religiosius adorarent, illumque uni-
cum & verum Deum, pio affectu exclamarent,
quin etiam adderent, se nunquam imperata detre-
ctaturos, mox Venetis omnia damna quæcunque
ad eam diem intulissent, integrè rependerent, nec
deinceps maria incursionibus vexarent, sed à tam
nequandis latrocinij, avidas, rapacissimasque ma-
nus amouerent. Nihil tum Veneti, per sexcentos
ferè annos, terra marique, suo Imperio adiecerant,
continuerant namque sese, proprijs æstuarijs inclusi

littoribus . primus itaque fortunæ felicioris accessus, Dalmatiæ receptio fuit , vnde futuram maris potentiam, foeliciſſima expeditione , sub Petri Vrſeoli ductu, sunt auspicati. quibus rebus foris foelicitè gestis, Gradum munit, deindè domum, hoc tanto rerum successu, triumphans reuertitur . publicè tum decretum fuisse constat , vt cum ipse, tum poſteri, non Venetiarum solum , sed Dalmatiæ quoque Principes, in poſterum dicerentur ; quo etiam nomine Hèricus Imp. qui Otthoni successit, in publicis, Vrſeolum appellauit . miſſi tunc primum, ex patritio ordine, in singulas ciuitates & Insulas nomi magiſtratus, qui rei præeſſent . parta pace, domi quoque pari studio, cuncta rectè conſtituit, curauitq; ut Iuſtitia in ciuitate, rerum omnium gubernatrix haberetur : ſic ut nihil ad ueram gloriam, uiro ſtrenuo, ac ſapienti deeſſe uideretur. hoc tempore Ottho Imp. huius nominis III. Roma proſectus, cum Venetias uoti cauſa inuiſſet, pallium aureum, quod annuum Veneti, ex foedere pendebant remiſit; qui cum Vrſeolus Venetijs per dies aliquot, nonnulla de ciuitate, & Rep. familiariter egit. multæ tunc immanitates, mercati & portus celebrandi iura, ab Otthone ſuerunt impetrata; nam & Ducis filium

41

Veronæ antea, lustrico die, primæ unktionis sacramento, tamquam lustrator admouerat. Caterum dum hæc ageretur, Saraceni Italicæ prædæ assueti, Capuam instauratis animis, denuo inuadunt; eamq; occupant. Barium quoq; longa obsidione premunt, quibus inedia laborantibus, Vrseolus auxiliari græcorum classe, in barbaros mouet, quibus fugatis & cæsis, iterum triumphans urbem ingreditur, quo anno Turcæ Hierosolymam urbem, antiqua religionis claritate famosissimam, & ob Christi Seruatoris nostri necem, apud posteros semper celeberrimam, magno cum Christian nominis probro capiunt diripiuntque. Interim Petrus Vrseolus, Otthonem filium, & Ioannem, quem collegam sibi, id annuente populo, ob rem præclare in Illyricos gesta asciuerat, Byzantium ad Basilium, & Constantinum Imperatores fratres legatorum nomine misit. qui cum benignè fuissent excepti, Mariam ex sorore neptem, Ioanni Vrseolo, in matrimonium grandi dote collocant, eumque cum fratre, multis ornatum muneribus, Venetias remittunt. Talis erat tunc Venetorum status, quum rerum humanarum fortuna domina, Vrseoli fœlicitatem, deformare voluit. Enimvero quintodecimo sui Ducatus anno, plurimum

mum in ciuitate est laboratum, fame primo, quia
 insolita frigoris vis, ita fruges retardauit, ut suo tē-
 pore, maturescere non potuerint. mox pestilentia
 quæ famis comes, semper solet esse, hæc usque adeo
 in homines, immanissimè est grassata, ut multi pas-
 sim inedia, foede morerentur. Ioannes Ducis filius,
 & Maria Constantinopolitana eius vxor, quæ pau-
 lo antè e Byzantio fuerat profecta, continuatis qua-
 si funeribus, tunc obiere. Verum ad leuandam Du-
 cis molestiam, populus Otthonem filium, quartum
 & decimum tunc annum agentem, patri collegam
 constituit. hoc eodem tempore Faletrij viri patri-
 tij, D. Benedicti ædem, & Cœnobium, proprio æ-
 re condiderunt. Princeps verò cū Ducarium, ac
 D. Marci templum absoluisset, optimè de pietate et
 religione meritis, fortunas omnes suas, diuidendas
 testamento iussit. partem namque primam filiis
 dari voluit, alteram pauperibus elargiri, tertiam
 ad sarta ædium sacrarum, tecta tuenda, quartam
 verò, & quicquid vel in nominibus reliquum habe-
 bat, in Marianis ludis, impendi curauit. postremo
 cum duodeviginti annis, ciuitati præfuisset, coelum
 vnde prius venerat, postliminio veluti iure reuisit.
 Corpus ad D. Zachariæ, Ducali pompa est delatū.

DOMINICI CONTARENI

Elogium.

NON incommode quidem, fortes Principes,
 & re bellica claros, Dominicus Dux sequitur qui
 per id temporis, omnibus sapientia, & eloquentia
 plurimum præstare putabatur, ex nobili, & illu-
 stri Contarenorum familia, pietate insignis, nec ar-
 mis ulli priorum Ducum inferior, cuius virtus, vel
 tum præcipue, præclara est visa, quod septimo sui
 Ducatus anno, ingenti comparata classe, Iaderam
 munitissimam Dalmatiæ urbem; quæ Urso Iust.
 urbis Prætoris prius eiectione, à Venetis tunc, ad Solo-
 monem Pannoniæ Regem defecerat, in ditionem i-
 terum cepit, & ad illius obsequium (multis licet
 conatibus) tandem retraxit, cum in ea pugna, nul-
 lum non opt. Ducis, & Principis officium præsti-
 tisset; consilio insuper ad vires, quibus hostis longè
 superior erat addito; cæsoque præsidario milite, ab
 omni alia in ciues iniuria temperatum. & ut eorū
 animi, ad meliorem in posterum spem excitaren-
 tur; si quid in ipso pugnae ardore, euersum esset; ad
 id instaurandum, animum mentemque adiecit. ut
 quantum antea iræ quæ est inimica consilio, & præ-
 ser-

sertim in ipsa victoria, quæ natura insolens, & superba esse solet indulserat, tanto plus studij, in ornanda adhiberetur. cuius rei fama, & rumore, alia urbes accensæ, quæ deditionem facere tentabāt, in fidem pristinam mansere. quas Princeps opt. cum in suam amicitiam, & fidem denuò recepisset, semper eas, ciues, liberosque suos, non modo tuendas sibi, sed etiam augendas, atque ornandas curauit; ut Contareni humanitate, leuatæ potius, quàm acerbitate aliqua, violatæ viderentur. Interim Marco Contareno, ciuitatis prætore relicto, cum Venetias versus, Princeps vela daret, de Gradenſi expugnatione, ab exploratoribus nauigij certior factus, Peponem Patriarcham, belli authorem, graui impetu fuisse adortus; nisi Benedicti Pontifi Max. illius nominis noni grauissima authoritas, quæ plurimum semper apud Venetos valuit, tunc præcipue intercessisset. Sunt præterea qui affirmant, socia arma pro Græcis, contra Robertum, Viscardum cognomento dictum, Normannum genere, Contareni ductu, à Venetis sumpta. Nam Viscardus, cum longè lateq; Imperij sui fines propagasset, Apuliæ, Magnæq; Græciæ Ducatum occupauit. At Contarenius, ne opt. Principis officio, vlla ex parte

parte deesse, vllò vnquam tempore videretur, singulo quoque sabbati die, Emporium in Martiana area, magno quidem ciuitatis vsui, accommodatum, memorabili planè instituto, vt vel in hoc patriæ cōmoda, tueretur, fieri perpetuò sanxit. vbi quàm plures omnis generis merces, hinc indè etiam asportatæ venales exponerentur. Immunitates præterea non paucas, ab Henrico Imp. eius nominis iij. sæpius frustra tentatas Bono Dandulo, & Dominico Syluio, qui ei in Ducariâ sedem successit, ad id præcipuè legatis, egregiè obtinuit. ea præterea omnia, quæ è Repub. esse arbitrabatur, statim à principio studere cœpit. ius atque leges, & illas quidem salutares sanxit. viros bonos artibus incumbentes, consilio & opera, plurimùm iuuit, vt suo exemplo, & cæteri Principes idem facerent, & iuniores ad omne decus amplectendum accenderentur. Huius quoque Principis ætate, Leonem Pont. Max. & ipsum eiusdem nominis nonum, quem Platina tam benè, de Christ. Rep. meritum testatur, Venetias uenisse repperio, vt D. Marci corpus inuiferet, qui ducentis & amplius ab hinc annis, ciuitati præerat; cuius ædi, cum remissiones culpæ, & errorum condonationes, aliâq; privilegia dedisset, Ro. est reuer-
sus.

40
sus. Sed Dominicus cum Rempub. ex animi sententia, benè optimeq; compositam reliquisset & quæ patriæ utilia, & cuius bono recta esse viderentur fieri curasset, (erecto prius D. Nicolao, cognomento Littoreo, Cœnobio; & indè versus continentem oram D. Angelo Virginio) innocentissimè sexto et vigesimo sui Principatus anno moritur, & in ipso D. Nicolai templo tumulatur. sed Angeli Phanū in monachorum Cœnobium (ut sunt res humanæ semper mutabiles) postea est translatus, eò nūc, quia pestilentia in vrbe, multi languere cœperant, ad contagia tollenda, publico decreto deferuntur, ut cœli grauioris offensam excutiāt, quo præsidio ciuitas tota cōtagione leuari, facile possit. reliquit Cont. liberos aliquot post se, à quibus Iacobus Cont. qui post Procuratoriam dignitatem, Ducariam est adeptus, longo ordine originem habuit.

HENRICI CONT. ET IOAN-
nis Michaelis, Elogium.

SACRO bello, et rerū magnitudine, ac frequentia illustri, egregijs militibus, pro se quisq; certatim nomina dantibus, Venetos qui contra Saracenos aliosq; christiani nominis hostes, christianam rem,

magno impendio sunt tutati, in hoc congressu, tam
 pia quàm decora contentione, magnum decus ingen-
 temq; operam attulisse, omnibus exploratum esse
 scio. maximè enim memorabilis illa expeditio, æ-
 ternaq; memoria consecranda videtur. Nam Gal-
 liæ Principes, & maior Europæ pars, Urbani ij.
 Pont. Max. monitis excitati de Hierosolymis recu-
 perandis, communi omnium sententia, pariq; ala-
 critate, consilium coeperant. Verum indicti belli, fa-
 mam, secuta religiosa ciuitas, ducentarum nauium,
 classem quantam ad eam diem, nunquam emise-
 rant, armasse traditur. quæ cum in Dalmatiam re-
 migium prius expleuisset, ex Ionia in Aegeum cur-
 sum tenuit: cui Henricus Cõt. Dominici Ducis nu-
 per defuncti filius, qui primus repudiato veteris sui
 Sacerdotij titulo, pro Oliuolēsi, Castellanus Præsul
 voluit appellari, & Ioannes Michael Vitalis Du-
 cis filius, cum Imperio præfuerunt. Sed cum Rhodū
 Veneta classis petiisset, quæ aliquandiu, ob hyemis
 asperitatem, stationem illic habere voluerat; à Pi-
 sanis Venetis insensis, qui insulam prius non inuali-
 da classe occuparant, hostiliter fuit excepta. At
 Veneti, qui omnia prius experiri, quàm ad arma
 concurrere mallebant, eos per legatos, à bello rem-
 pe-

perare, perbenigne monent. sed cum illi oblatam
pacem negligerent, atrox hinc inde prælium com-
mittitur. nec dirimi, nisi noctis interuentu, certamen
potuit; Superiorq; Venetus factus, duas de viginti
triremes, hostibus eripuit, in quibus quatuor millia
hominum capta fuere, quos Venetus, restituta etiam
classe, religiosi instituti haud immemor relaxauit.
hinc transgressi, Smyrnam primo aduentu capiunt,
& reliquam Syriæ oram, Turcis subiectam occu-
pant, atque inde D. Nicolai Episcopi, ac Theodori
martyris corpora abstulerunt, mox Lycij, & Pã-
phylj, Cilicijq; maris littus legentes, Iopensem
portum tenuere: atq; nouis semper copias, nouosq;
commeatus, ad satietatem, ne quid hostile pateren-
tur, et bellica instrumenta, quæ tum necessaria, at-
que vsui opportuna esse videbantur, præclare in ca-
stris conuectabant. ibiq; tandiu permansit, quoad
Christiani, Hierosolymis sub signis et auspicijs Go-
tifredi Bolionij, sunt potiti. Victoria itaque sacræ
huiusce militiæ parta, & uotis, quæ sacramento
adhibito, antea nūcupauerāt, ad Christi sepulchrū
ritè solutis, Venetias incredibili penè gaudio, & læ-
titia affecti, tam iustæ victoriæ compotes rediere.
Sexto Idus decembris, tertio ex quo Venetijs oram
soluerāt.

49
soluerant anno D. Nicolai corpus, in Ecclesia eiusdem nominis, quam à Dominico Cont. Duce, in litore erectam superius est demonstratum, multa religione hodie visitur. Turrim non longè ab æde, ne sancti reliquiæ clam à pyratis surriperentur extruxit quæ nunc vetustatis exemplo conspicitur.

ORDELAPHI FALETRII

Elogium.

GOTTIFREDO Bolionio, Hierosolymitano Rege, altero post adeptam victoriam anno, vita functo, Baldwinus eius frater successit, qui cum aduersis quibusdam prælijs, fractus iam animo esset, certiorq; de Boemundi captiuitate factus, animum ferè despondisset, Venetorum opem, & auxiliaria arma, implorare est coactus. Quare Ordela-phus Faletrius, Veneti Senatus Princeps, qui res longè maximas, pro vera religione, moliri studebat, cum christianam rem trepidantem, & labantem cerneret, instructa centum triremium classe, eam in Syriam suis auspicijs duxit. quæ tam felices rerum successus habuit, ut expugnata Tyrus, Sydon, Berithus, & Ptholemais, quæ à recentioribus
D Accon,

58
Accon, nouissimèq; corrupto nomine Acris appellatur, vrbes vetustate & opulentia, quondam clarissimæ. mox quoque ad Nili hostia, Faranniam tum maritimū oppidum, non expugnatum solum, sed euersum, atque in Saracenorum inuidiam, ingenti opulētāq; præda indè est abducta. quibus magnificè gestis, Balduinus privilegia non pauca, Venetis in Syriam concessit. Sed Ordelaphus, postliminio reuersus, non paruam triumphī speciem retulisse est visus. nec diu tamen res Veneta quieuit nam cum Patauinis ad Bebias, bellum non incruētum est admissum. ob id credo, quòd Rauennates, & Taurisini, socia arma, cum hostibus iunxerant, vt tamē Patauini ea clade consternati, ad Henricum Imp. confugerent. qui rebus benè hinc, indè compositis, eos dimisit, aderant fortè, alijs quibusdam de causis Vitalis Faletrius, Ducis pernecessarius, Stephanus Maurocenus & Vrsatus Iustinianus Legati. Sub id fermè tempus, duplex incendium, quod propinquas domos, ædesque sacras depauit, magnam vrbis partem consumpsit, nec opem, aqua comportanda, fundendaq; , aliaue ratione, ciues ferre poterāt; quòd vapor fumusq; aduersus, loquēq; suo, stare diutius non sinebat. Conflagrauit & D. Mosis
Phanū

Phanum, quod non sine grauiſſ. animi mœrore hoc
 repeto, nam quoties, mihi in mentem venit, aduerſi
 aliquid, illi ædi accidiffe, ferrũ in latus meum ſtrin-
 gi ſentio. etſi quonam aduerſo fato neſcio, ingratiſſi-
 mus is mihi fuerit locus, cui cùm integerrimè, per
 tot luſtra, atque ob omnium oculos, & tanquam in
 theatro poſitus ſeruierim, nihil tamen aliquorũ per-
 fidia qui ad honores obrepſerũt, vel ex minimis illis
 ſacerdotijs ſit datum, cum hoc ipſum tantum, mihi
 vitio dederint, quòd plus æquo (vt eorum interim
 vtar vocabulo) in literis incubuerim. Omitto alias
 multas in me, vel actas apertè, vel occultè illatas in-
 urias, vt tamẽ Dei Opt. Max. ope, atque exemplo,
 præcipuè fretus, omnia eorum in me ſcelera, quoad
 potui vici, totq; ac tanta in me conuicia ſæpiſſimè
 illata, æquo animo, moderateq; tuli. hominum enim
 insolentum contumelias paruiſeci, & vt ſunt leues
 eiſmodi homines, à me facile deſpiciuntur. Sed il-
 luſtrarunt tandem paulò ante innocentiam noſtrã,
 perditorum hominũ iniuriæ; nunc enim clariſſimorũ
 virorum quorundam beneficio, in puppi ſedeo, cum
 vix mihi eſſet antea apud eos in ſentina locus. Eſ-
 ſetq; hic fortasſe locus deplorandi, vel noſtri ſeculi
 calamitatem, vel religionis iacturam, quando qui

literas, in nostro hoc ordine amplectuntur, agresti
 Vatinianoq; odio, ab indoctis insectantur. Sed ut
 in multis eorum erroribus, ita in hoc præsertim con-
 niuendum esse duxi, redeoq; ad historiam. Sexde-
 cim quoque insulas, posteriore incendio continua cla-
 de arsisse, cum Ducarij parte, annales traddūt. quo
 etiam anno, Methamaucum partim aquis, partim
 igne, duobus cōtrarijs elemētis, sit cōsumptū. Anna-
 les Veneti, quos Blōdus, historiariū scriptor egregius
 hac in parte sequitur affirmāt, Hēricū Imp. eius no-
 minis iij. quum fortē apud Taurisum ageret, &
 paucos antē dies, Faletrij Ducis filia, sacri fontis
 præstitisset officium, Venetias venisse, ut D. Marci
 corpus inuiseret, & vota iam nuncupata persolue-
 ret. testantur id ipsum præter Ber. Iustinianum, qui
 patriam historiam per annos cccc. luculentissimē cō-
 scripsit, multa cū huic ciuitati, tum etiam mona-
 sterijs priuilegia augusta beneficentia concessa. nar-
 rant præterea eo tempore, urbem ingenti terremoto-
 tu fuisse concussam. ex quo Sulphureus quidā ignis,
 è terra scatens, D. Hermacora Phantum combussit.
 manus autem Io. Baptistæ, qua Christum Deo ge-
 nitum ostendit, atque ipsum vnigenitum, ad Iorda-
 nem amnem, baptismi lauacro respersit, intra
 medias

medias flammis, illæsa est reperta. Sed quoniam ita fert plerunque sors, ut malum sæpius malo addatur; Iadrenses, Ioanne Mauroceno, Veneto magistratu, ex urbe turpiter eiecto, oppidoq; Pannoniæ Regi dato, à nostris desciscentes, Calomani Regis arma & trophea, inani ab eo libertatis spe allecti, sequi maluerunt. quos cum Rex, contra foedus, cum Venetis antea percussus, et à nostris sanctissimè seruatum, in fidem recepisset, cæterasq; Dalmatiæ vrbes, quæ tum Veneto parebant Imperio, aut ad defectionem sollicitasset, aut sua spontè deficientes, in ditionem suam, contra ius fasq; traxisset, paulo post in Pannoniam reuersus, diem suum obiit. Interim Ordelaphus, his anxius curis, nec ulla re, quæ agenda, audendaq; magno Duci esset prætermissa, tantam iniuriam vlcisci anhelans, tertio decimo sui Ducatus anno, augusto mēse, parata classe, in Dalmatas mouet, & Iaderam defectionis caput, terramariq; obsidet; oppidum militibus cingit. Hungari qui ad leuandam urbem obsidione, ex Pannonia venerant, fusi, fugati; tota Dalmatia cessere. Quare Venetus spem bene gerendæ rei facile concipiens, bellica omnia instrumenta, ad vrbs mœnia admoit. Oppidani cōtrà, nihil minus quàm uictoriam

riam sperantes, ultro se supplices, dediderunt. Indè
 siccum; castra mouens, omnium spe celerius, vi ca-
 pit, ac membris nudat. ibique Stephanum Iustinia-
 num reliquit. quo metu percussa reliquæ Dalmatiæ
 vrbes, ad officium rediere. Dux itaque vindica-
 ta vniuersa Dalmatia, finibusq; propagatis, Lybur-
 niam quoque præsentis rerum successu, suo adiecit im-
 perio. additumq; Croatiae titulum, Duci Veneto
 tunc primò constat. Quamobrem cum domum re-
 diisset, captiuis multis Ilirici regulis, secum in triu-
 phum adductis, tanta letitia, tantoq; gaudio, est à
 suis exceptus, ut non Græcorum aut Romanorum
 triumphis speciem solum adæquasse, sed multò etiã
 longè superasse videretur. fuit victoriæ dies, pridie
 Calen. Quintillis, qua luce, D. Pauli Apostoli, gen-
 tium doctoris commemoratio, à christicolis celebra-
 tur. Nec interim Pannonæ segne otium terruerunt,
 sed collecta ingenti militum manu, repenti ex Pan-
 nonia affuerunt, adeò sæpe minimis momentis, rerũ
 mutationes fiunt. huius rei fama, vt primũ Ven-
 etias venit, Dux magno, & erecto animo, haud
 quaquã cessandum ratus, iussis confestim militibus
 naues conscendere, maiorem quàm antea classẽ
 parat, atque in Dalmatiam, Maio mense redijt, ne
 provincia

provincia ab hostibus, præsidio vacua reperta succumberet. Itaque acrius de integro obortum est bellum, hinc spes, inde desperatio animos irritat. et quò fortius & confertim, magis utrinque pugnatur, eò plures vulnerantur. nullo inter arma, corporaque intercidente telo. par utrinque pertinacia, par virtus, par animus, eadem spes, similis fiducia. Cum ergo diu anceps fuisset certamen, ut in Venetis castris, neque Dux militi, neque Ducis miles defuisset, & Faletrius strenui militis, & optimi Ducis operam nauaret, velletque phanaticum Ungarorum impetum sustinere; transfixus telo latus, dum in prima acie, ubi plurimum periculi, ac laboris ostendebatur, hortator re magis quam verbis adest, antè militum oculos concidit. Dignus certè Dux, qui diutius in humanis esse meruisset. hic Veneti, de Principis morte solliciti, acrius ad pugnam incubuerunt. incertus diu mars, dubiaque victoria fuit, multis utrinque cadentibus; sed tanta postea fuga, & trepidatio nostros inuasit, ut parum minimumque absuerit, quin omnes, aut capti, aut cæsi, in hostium potestatem venirent. Ducis corpus, à suis ablatum, ne barbari, triumphum Ducis corpore honestarent, Venetias est delatum, atque magna fu-

neris pompa, elatum, in ipso Martianaæ ædis vestibulo, quod à læua templi adiacet, marmoreo sepulchro est conditum. vnde vigesimo sui Ducatus anno. affecta grauiſſimo luctu ciuitas, legatos quæ primùm decernit, qui aut pacem, aut saltem inducias, à Pannone impetrarent. missi tum ad id fuerunt, Vitalis Faletrius, Vrsus Iustinianus, & Marinus Maurocenus: qui pacem in quinque proximos annos, cum hoste, id ipsum aliquādiu renuente, tandem sanxerunt Templi duos. huius tempore sunt erecta, vnum salutiferæ Cruci, cum Virginio Venetijs, alterum D. Cypriano Muriani, hoc à Grædonicis, illud à Baduarijs. Tabulam præterea, auro gemmisq; ornatam, ad altare maius, Aureæ Martianaæ ædis positam, suo studio fuisse excultam, carmina quædam, aureis literis, in eadem tabula inscripta testantur. Sub quo pium illud quoque opus institutum reperio, ut Dux singulo quoq; anno, D. Georgij Phantum, frequenti Senatu religionis causa petat.

Dominici

DOMINICI MICHAELIS

Elogium.

OPTIMO Principi, melior successit, qui
maiorum exempla hac in parte præsertim, arden-
tissimo animo secutus, se suosque, pro patriæ digni-
tate tuenda, pro fide, & religione Christiana con-
servanda deuouit. Nam cum intra paucissimos an-
nos, Gotthifredus, Balduinus, Boemundus, alijsq;
Duces non pauci, qui fatali necessitati (cui nemo
vnquam repugnare potuit) concessissent; ita Ve-
netæ, christianæque res omnes, in Syria faciem mi-
rarant, ut retro sublupsæ pedem referre, in dies, ma-
gis ac magis viderentur. Quamobrem Dominicus
Michael, vir impiger, haud cunctator ad prælium
factus, navibus ducentis è portu educis, inter quas
erant onerariæ octoginta, magno studio & cura or-
natæ, in Calixti Pont. Max. gratiam, difficillimis
ijsdem Reip. temporibus, studium non vulgare im-
pendit, quod à maioribus veluti hereditarium ac-
ceptum, non tantum seruare, sed enixè etiam auge-
re, Veneti semper curarunt. Obsidebatur tunc ter-
ra mariq; magna cõtentione, Ioppe Syriæ vrbs, a-
sspero et iportuoso littori, nostri maris imposita. præe-
rant

rant in continenti Gallorum Duces, quibus Veneta classis, rerum omnium bellicarum instructissima affuit. atque Saracenicam classem, quæ Ioppem, septingentarum navium classe, arctissima obsidione præmebat, adeo improuiso insultu disiecit, ut magna ferè earum pars, medijs fluctibus sit oppressa, quædam naues captæ, paucae fuga dilapsæ. ex Turcis desiderata septem millia fuere. ex quo & & urbs obsidione leuata, & Ioppe Venetorum armis oppugnata, non sine magno labore est recepta. præda quæ opulētissima fuit, inter milites, æquis partibus, Ducis iussu est diuisa. Secuta paucis post diebus altera victoria, decem ex eodem hoste, nauibus captis, cum prætoria, quæ pretiosissimis mercibus fuerant onustæ. Indè progressus Venetus, totam Syriæ oram legendo, res partim amissas recuperavit, partim etiam periclitantes tueri nitebatur. Nec Galli interim, impigrè rem agebant, sed Tyrū urbem, omnium præter Hierosolymam & Antiochiam, totius Asiæ potentissimam, antea frustra, per quatuor menses, immensis conatibus oppugnata, a terra adorti, Venetos hortabantur, ut a mari oppidum, validissimis viribus oppugnarent. tenuit dies aliquot obsidio, urbemque ipsam, in fertilissi-

liſſimo ſolo poſitam, & frugum parentem (quis
 crederet?) obſidione ac fame, ad humanos cibos cō-
 pulit. Verū cum Galli trepidi, mox in caſtris a-
 gerent, quod Sulthanum Aegyptium, maximis
 copijs affuturum nuntiaretur, de fuga cogitare in-
 ceperant, quando ipſi ſoli, grauiſſimo discrimine, ho-
 ſtibus obijcerentur. Veneti autem, quibus mare ad
 fugam pateret, facile relicta provincia, indè abitu-
 ri. quod cū Venetus Dux reſciſceret, ut maiori
 clarioriſque animo, rem inceptam, chriſtiani perſe-
 querentur, ſcirentque ſe à Venetis, ſi qua uis, à bar-
 baris ingrueret, nunquam deſeri, claſſem primò
 propius terram adducit, deinde nauium omnium
 gubernacula, in caſtris ad Varinundum Hieroſoly-
 mitanum Antiſtitem, pub. edicto deſerri iuſſit. a-
 lij tabulas, ex ſingulis nauium carinis reuelli, aliarve
 remigij inſtrumenta adempta, & in caſtris delata
 ſcribunt, quæ firmiſſima conſtantiae ſigna haberen-
 tur. qua ſpe, cū diutius noſtri, urbem obſidione
 cinxiſſent, dolo magis quàm virtute, tandem & a-
 ſtu, quæ an rectè fiant, in hoſte non requiruntur, vr-
 be non ſine tamen Venetorum clade, pridie Calen-
 Iulias ſunt potiti. populoque Veneto parere eos do-
 cuit. & quas regiones, quasque gentes, nullæ no-
 bis

bis antè literæ, nulla vox, nulla fama notas fecerat,
 eas Dominicus Michael, & exercitus, Venetaque
 arma peragrarunt. fuit ea victoria Christianis ad-
 modum læta. Data tunc Venetis in Syria privile-
 gia non pauca, sed quoniam fuerat obsidio illa, lon-
 ga & laboriosa, & quia procul à patria, Dux pe-
 cunia quæ bellorum nervi appellatur indigens; ne
 milites stipendiij causa, aut ad hostes deficerent, aut
 castra relinquerent, ex corio bubulo, ad tempus scor-
 teos nummos, publica forma obsignari iussit, eamq;
 classiarijs, ea conditione numeravit, vt domum re-
 uersis, aurea, argentea ve pecunia, fide optima inte-
 graque daretur. Quare quandiu in Syria Dominici
 Michaelis ductu, & auspicijs, contra fidei & reli-
 gionis hostes, à nostris est bellatum, imaginaria ve
 luti pecunia, mutuo inter se utebantur. Restat ad-
 huc in ea familia, tam clarum, tamque illustre au-
 thoritatis exemplum, nam in eius gentis insigni-
 bus, aurei numi, gentilibus suis signis videtur, tam-
 tū à Duce illatis, cū antea aliud insigne Michaelis
 gestarent: Sed quum res Venetæ à Ioanne Const.
 Imp. (quem nostrorum quidam Caloianem appel-
 lant) ob rem præclare in Syria gestam, non me-
 diocriter concitarentur, Dux inde abire est co-
 elus.

Etus. Quare Rhodum prius, celebrem Carpathij ma-
 ris insulam, quæ Venetis multa, ad classem necessa-
 ria, præter alia denegarat, inuadit, & diripit. mox
 Chio mediterranei æquoris insula occupata, Isidori
 corpus, inde Venetias asportauit, quum tamen diu-
 tius in ea insula hybernasset, Samum postea, appe-
 tente iam vere, Lesbum, & Andrum, Aegæi ma-
 ris loca oppressit. quibus circa Cycladas gestis, Me-
 thonem Peloponessi urbem, in ditionem receptam,
 opulenta ibi facta præda, atque inter suos diuisa, mi-
 litari præsidio munitam reliquit. inde præterue-
 ctus, Iaderam Veneto nomini infestam, memora-
 bili apud cæteras rebelles vrbes exemplo; magna
 ex parte diruit, ac præsidio nudat, ne locus alioqui
 natura munitus, sedes belli fieret hostibus. Spalato
 deinde, ac Tragurio Pannonum urbibus, in ora Dal-
 matie, armis receptis, domum gloria & diuitijs
 plenus, trigesimo ex qua discesserat mense est re-
 uersus. nobiliss. apud posteros, si vt mirari, ita &
 imitari in animum inducerent, virtutis & religio-
 nis exemplo. Verum quoniam, neque maius est ali-
 quid, neque admirabilius, quàm quòd is qui multos
 vicerit, seipsum demum vincat: nihil enim unquàm
 cum vera virtute, laudeque gesseris, nisi in ipsam

animi modestiam, oculos prius detorqueas. tanta quĩ
 dem fuit Dominici Michaelis, vel animi modera-
 tio, vel etiam in patriam charitas, vt Siciliæ Re-
 gnum sponte sibi oblatum, forti animo negligeret.
 Sed nihil magis decorum, Dominicus Michael, fe-
 cisse in ea expeditione est visus, quàm quòd summo
 honore in patriam attulit, lapidem illum, super quẽ
 Abrahamus, Dei iussu, Isacium filium voluit inte-
 rimere. atque eum super quem, Moses, Deum est al-
 locutus, & illum super quem, Christus humani
 generis seruator, apud Tyrum, discipulos docens se-
 debat. quem vnum eundemque esse, multi affir-
 mant. is spectatur hodie, super altare, in ædícula
 Io. Baptistæ, quæ nunc aurea æde comprehenditur,
 ea parte, qua ad fori portam, vel ad geminas colu-
 mnas itur. attulit & veram quandam Christi ima-
 ginem, parieti affixam ad Ianuam ædiculæ Io. Ba-
 ptistæ, in ipsa D. Marci æde, vbi Lampades, aliquot
 matutino tempore accenduntur. cum his etiam ve-
 here curauit, lapidem ex porphiretico marmore,
 miro naturæ artificio cauatum, vbi nunc in eodem
 templo lustratur infantes, adduxit postea secum ex
 Pera ablatum, D. Donati corpus. Huius Ducis
 tempore Cathedralis ecclesia arsit, quam Bonifa-
 cius

63

cuius Faletrius Episcopus, Vitalis Michaelis successor, postmodum instauravit. Marcus præterea Iulianus, patritij ordinis vir, publicam Charitatis ædem, cum Canonicorum Cœnobio erexit, templum nunc splendidum, præcipuaque religione præditum, cui nobilissimum conclaue, cum celeberrimo collegio accubat. Dux autem cum Rempub. annos vn decim, magni ac fortis animi iudicio gubernasset, extremum vitæ diem, morte confecit, & pub. funere est elatus. eius sepulchrum, in vestibulo D. Georgij, è regione fori, maioris cognomento dicti, hodie conspicitur.

PETRI POLANI

Elogium.

NON possum sine magno, grauique piaculo, memoriam tui Petre Polane, tacitus in præsentia præterire. nam Dominici Michaelis Ducis soceri tui secutus exemplum, belli pacisque artibus longè optimus, ac summis animi, corporisque dotibus ornatus, patriam legibus, ac præclariss. institutis fundare, opera & consilio tutari, optimum factu, semper es arbitratus. Tradunt scriptores, quos sequi
hac

84
hac in parte duximus, sub prima huius Principis i-
nitia, Fanum Piceni, seu Umbriae amoenissimam
urbem, in Adriatico littore, inter Pisaurum, &
Sennogalliam positam, quia diutius, à finitimis bel-
lo, & armis acerrimè vexaretur, ultro sese, & ci-
uitatem, in Venetorum fidem, & amicitiam con-
tulisse. ex quo nostri semper eos, non modo tuen-
dos, sed etiam augendos, atque honestandos volue-
re. Fannenses pecuniam, & mille olei libras, an-
nui tributi nomine, ad aureæ Martianæ ædis usum,
sunt polliciti. Constat non multò post, arma à Vene-
tis sumpta, contra Pisanos, veterem iniuriam, sibi
à Ioanne Michaelè Ducis filio, & Henrico Conta-
reno apud Rhodum illatam, vlcisci volentes; plus
tamen cladis, quàm intulerant acceperunt, gravio-
resque in dies calamitates, subire videbantur, nisi
Eugenij illius nominis III. Pont. Max. autho-
ritas intercessisset, qui Pisis oriundus, iniquissimo fe-
rebat animo, civium suorum stragem. Sed Po-
lanus interim, ut civibus, & patriæ consultum à se
prudenti consilio, in posterum videretur, cum Dal-
matis egit, ut quandocunque Veneti Principes, in
hostes mouerent, aut quindecim navium classis, sub
Venetis signum, in altum educeretur, singula vr-
bes,

bes, singulas triremes, alia ve ad classem opportuna instruerent. Patavini à Venetis hoc tempore, ob finium discordiam defecere, trecentique ex ipsis postea in pugna capti, atque aliquandiu custoditi, sine precio postmodum dimissi fuere. quod ad clementiæ famam conciliandam, multum contulit. ex eo enim facile patet, Venetos tam clementia humanitateq; , quàm militari etiam virtute, multas gentes, & populos vicisse. Sed dum hæc in Venetia fierent, Rogerius, Rogerij comitis Siciliæ filius, mortuo Gulielmo Apuliæ Duce, non Daunia modò, sed magna Græcia, Lucania, Campaniæque potitus, Italiæ Regem se dictitabat. atque inde demictis ingenti clade, in Africa Saracenis, & Tunetis Rege, sibi tributario effecto, ensis capulo, prospero foeliciq; rerum successu auctus inscripsit. Apulus & Calaber, Siculus mihi seruit & Apher. Is Hemanueli etiam Imp. bellum indixit, indictum fortiter gessit. vastata est omnis Græciæ ora, & Byzantium; In cuius gratiam à Venetis, contra ipsum Rogeriū, classem celeri studio, parari est decretum. hanc cum Polanius Dux, eo animo ductaret, ut in Rogerium moueret, foedissima tempestate superueniente, triremes per aliquot dies, non parum iactatas, apud Ca-

prulas continuit. ubi Princeps vel prægravante ætate, vel aeris intemperie graui morbo conflictatus, in deploratam valetudinem incidit. placuitque ex Senatusconsulto, referente Dominico Mauroceno, qui Polano in sedem successit, ut Dux in patriam, rediret: atque Ioannes Polanus Ducis frater, & Rhainerius filius, classi præficerentur. qui accepto Imperio, cum ad Corcyram insulam, Adriatico sinu, irrequieto cursu emenso deuenissent, eam ferociter inuadunt, modicoque negotio, ex hostium manu, vi ereptam, militarique præsidio munitam, Imperatori restituant. hinc soluētes Corinthum Achæiæ caput, totiusque Græciæ decus, atque nobilissimū quondam totius Europæ Emporium, & Thebas præclaram Beotiæ urbem, in potestatem accipiunt. mox omnia Rogerij loca tumultuosè inuadunt, cum strage rerum omnium, quacunque irent. Postea Rex prælio à Venetis fusus fugatusque, nauibus viginti amissis, trepidus & inglorius, fugam arripuit, inde nostri magno impetu auersi, Siciliam aggrediuntur, omniq; iniuriarum genere affligunt. Oppida munita, improvisu aduentu capta, & incensa, multarum ætatum opera, clarissimaque virorum monumenta, miserabiliter extinguunt, parum mi-

nimumq; absuit, quin insulam ferme omnem, suæ
 ditionis fecerint. fuit igitur eo tēpore Græcia, à ca-
 lamitoso prælio, Veneris armis defensa. Ducis in-
 teritus, qui non multò victoriam præcesserat, in cau-
 sa fuit, quo minus, frater & filius, maritimi Du-
 ces, ob rem præclarè gestam, gloriøsè triumphar-
 ent. hoc Duce Bonfilius Michael, qui in Seruato-
 ris phano, Vicarium agebat, cum cæteris qui ibi rē
 Diuinam faciebant, Canonicū dogma susceperē. nec
 multò post Clementis ædem, inter Almi spiritus, et
 Gratiarum Cœnobia, Petrus Gatilosus construi fe-
 cit. quo etiam tempore inter Murianum & Ma-
 iurbium, Iacobi cognomento Palustris diuersorium,
 Vrsi Baduarij, & Ioannis Troni opera est erectū.
 quem locum Cisterciæ virgines olim tenuere; nunc
 sacrorum curam, ibi Francisci gymnopodes habet.
 Sed Polanus cum Ducatum annis vnde viginti te-
 nuisset, vitam deseruit. funus Murianum, ad D.
 Cypriani est elatum.

MAVROCENI EIVSDEM CO-

gnominis, & Marini Gradonici

Elogium.

NON minorem triumphi speciem, retulisse
videri possunt, Maurocenus eiusdem cognominis,
Dominici Ducis filius, & Marinus Gradonicus
collega, ex omni patritio ordine viri lectissimi, qui
Anchonitanis, navali prælio devictis, ac quinque
eorum triremibus captis, contra Histros, mariti-
mis latrocinij diutius assuetos, quique omni tempo-
re, in præda, & sanguine versabantur, triremes
quingenta, felicissimis auspicijs educentes, Po-
lanos primò oppugnare, atq; armis aggredi tētant.
Quare ubi literis & nuntijs, oppidani certiores sunt
effecti, bellum maximum & formidolosum, contra
eos per Duces decerni, atque parari, Venetos Impe-
ratores, confestum per caduceatores monent, atque
ad concordiam hortantur. nihil tam popolare arbi-
trati, quàm ut depositis vtrunque ferocibus animis,
æquis conditionibus, in suam amicitiam rursus reci-
piant. Assentiuntur Veneti, qui nihil vnquam
maluerunt quàm pacem, quique sola laude conten-
ti, nihil ex victis hostibus præter victoriæ nomen,

sibi quæsiuere. Quare post varias hinc inde conditio-
nes oblatas, has postea libens vterque populus est cō-
plexus, vt bina millia pondo olei, Martianæ ædi,
quot annis persolueret. Parentini tunc suis viribus
diffisi, auxiliarias copias, quoties Dux in aliquos
mouisset, sunt polliciti. hos Hemonenses secuti, non
auxiliaria tantum arma, sed annuum olei tributum,
datuos se constituerunt. quibus rebus compositis,
Maurocenus & Gradonicus, absque vlla occisio-
ne aut strage, domum ouantes sunt reuersi, atque à
Dominico Mauroceno Duce, & ciuibus, benignè
fuerunt excepti.

VITALIS MICHAELIS

Elogium.

HIC à pace primum auspicatus, auitum in-
ter Venetos, & Pisanos inflammatum odium, ani-
mi facilitate atque clementia leniuit. Sed tranquil-
lo otio diutius perfrui, aduersante præsertim fortu-
na, ciuitati non licuit. Nam Hemanuel Constanti-
nopolitanus Princeps, homo haud miti ingenio, ne-
que mansueto, sed qui multa in Venetos, per sum-
mam iniuriam, & contumeliam perpetraret (vt

Græcum hominem possis agnoscere) indignè ferebat ; Venetos noluisse contra Gulielmum Siciliae Regem , qui Rogerio successor est datus , arma sumere . Quare oblitterata veteris beneficii memoria , à Venetis paulo antè accepti , qui sociali bello , Græcorum fortunas , æque ac suas , contra Rogerium Siciliae Regem , impensè fuerant tutati , contra eos subito impetu arma mouit ; Venetosque omnes , qui in tota Græcia mercaturam fecerant , custodiri iubet : percusso prius fœdere , cum Stephano Pannoniæ Rege , Venetorum hoste infestissimo , quo Duce , Spalatum , Tragurium , & Ragusium Dalmatiæ vrbes , vasfro callidoque Græcanico commento diripuit . mox negotiatores omnes , quos recenti decreto , totius Græciæ emporia , frequentari denuò iusserat , simulataque pace , per nuntios , fide publica euocarat ; vno die , contra ius gentium , comprehendendi iubet , eorumque bona in publicum redigi . Sebastianus Cianus interim , & aureus Mastropetrus , qui spe renouandæ amicitiae , Byzantium legati nomine petierant , magnæ quidem inter Venetos , existimationis viri , qui Ducalem postea dignitatem sunt adepti , tantæ rei atrocitate uehementer commoti , Venetiâ subito itinere

repe-

repetunt ; cumque tam infandum facinus, in Senatu de more retulissent, Vitalis Dux, in quo summa elucebat virtus, & in periculis fortitudo, nihil in tam aperto rerum discrimine cunctatus, triremes centum, intra dies totidem, onerariasque viginti parari, omnibusque ad bellum necessarijs instrui iubet, quibus Histri, ex pacto antea cum Venetis facto, decem addidere. Statimque ipse oram soluens, Leonardo filio pro Duce relicto, vrbes prius ab hoste vastatas, in ditionem recepit. Eubœam deinde & Chium, Aegæi maris, ac Imperij loca, hostiliter inuadens, nec ætati, nec sexui parcendum duxit, in quo prælio maxima operis pars, Vitalis Michaelis fuit, qui cum pugnandi artem, & audaciam ostendisset, consilio etiam omneis anteibat. Quare Hermanuel Venetis armis oppressus, veritusque regno deturbari facile posse, Legatos iterum sibi mandari, avidissime postulat. missi Antistes Equilinus, Græci sermonis non ignarus, & Manasses Baduarius, vir Consularis, per quos Græcus, promissa tandem bonorum restitutione, æquis postea conditionibus pacem impetrat. nec quieuit tamen, quin solita perfidia usus, aduersi aliquid, contra Venetos strueret ; nam dimissis legatis, cum exploratum ha-

beret, Imperij vires, longè inferiores esse, quàm Venetorum, nec ob id cum eis congredi auderet, fontes & flumina, vnde Veneti aquam hauriebant, veneno infecit, ex quo pestilentia subito exorta, ex nostris quàmplures absumpsit. periere tunc, aduerso fato Iustiniani omnes, cuncti enim pro charissimæ patriæ salute, & pro Reip. incolumitate, arma sumperant, nè autem Iust. familia tam benè de patria merita, funditus interiret, Dux qui hoc vnum præter alia ciuitatis incommoda permolestè ferebat, cū Alex. Pont. illius nominis III. per literas & nuntios egit, vt Nicolaus eiusdem familiæ, qui sacra Deo Opt. Max. ad D. Nicolai littorei faciebat, à Canonibus ea in parte solueretur, liceretque ei ad suæ gentis sobolem restituendam, Annam Vitalis Ducis filiam, quam vnicam habebat, uxorem ducere. concessit eam veniam impune Alexander Pont. dederat enim eodem exemplo paulo antè huiusmodi facultatem, Constantiæ Gulielmi Sici-liæ Regis filiæ, vt soluto tunc religionis vinculo, ad prolem suscitandam, Henrico Imperatori, Friderici Ahenobarbi filio nuberet. Sed faustissimæ Iustinianæ nuptiæ fuere: nam liberos mares sex, foeminas vero treis, ex eo tam foelici coniugio susceperunt.

quo pacto familiam penè lapsam, è tenebris in lucē restituere. mox Nicolaus pristinae castitatis & religionis haud immemor, ad Cœnobium redijt, ædificato prius non longè à Torcello Virginio, quod D. Adriano dicatum esse voluit, in quo Anna uxor, monasticam vitam, ad supremum usque ætatis tempus, sanctissimè egit. claruerunt ambo multis miraculis, perstititque ad patrum nostrorum ætatem, tabula quædam, in æde Nicolai littorei, in qua utriusque imago, magna cum admiratione spectabatur. Ciuitas verò percussa, ob tam atrocem, tamq; funestam rem, quæ urbem quoque ipsam, adeo sæuiente morbo populabatur, ut animam agentium corpora, terra altè lateque effossa, miserabiliter obruerentur. In Ducem, totum id malum populus contulit, qui in summam ciuium inuidiam adductus, septimo & decimo, sui Principatus anno, est interfectus. funus ad D. Zachariæ delatum. hoc duce, Procuratoria dignitas, quæ ampliss. est, & Principi proxima, tunc primum in vrbe fuit excogitata. obtinuit eam primo Angelus Faletrius Ordelaphi, Ducis filius, cui templi aurei cura, fuit de-

NVLLVS certè priorum Ducum, ad hãc
 diẽ, nec contetionis magnitudine, nec celeritate confe-
 ciendi, Ciani tropheã potuit adæquare. Siquidem
 gloria fuit illustris, ac peruagata multorum, amplif-
 simorumq; , vel in suos cunes, vel in patriam, vel in
 omne genus hominum, fama meritorum. omnia. n.
 decora, & insignia, quibus Imperij Veneti dignitas
 fulget, huic accepta sunt ferenda. Enimuerò obla-
 trent licet multi, ceteriq; urbis amplitudini, atque
 splendori, improbè inuideant, hęc quidem ciuitas,
 Alexandrũ Pont. Friderici Añenobarbi Imp. in-
 sidias fugientem, atque ideo Venetijs, intra chari-
 ritatis Cœnobium, ignoto uiliq; habitu, multis ia-
 ctatum fluctibus, totaq; Europa exulem, atque ino-
 pem, quique totius Italiæ Principum fidem, susse-
 ptam habebat, latenter excepit, & fouit. Qua re co-
 gnita ab Imp. Venetis bellum denuntiat, eosq; impe-
 rij hostes appellat, minæ non vulgares legatis pro pa-
 ce cum Pont. missis adduntur, atque ira percitus,
 omnes suas vires in eos intendit, milites statim scri-
 bit, omniaq; parat, quæ ad belli vsum necessaria
 vide-

videbatur. Verum Cianus triginta longis nauibus
 comparatis, accepto de manu Pont. qui rem Diuinā
 fecerat vexillo, his verbis; perge Ciane, & Vene-
 rum nomen inuictum, iuuantibus Dīs, præsta. qui
 felicibus auspicijs oram soluens, Friderici Impera-
 toris filij classem, quam quinque & septuaginta tri-
 remium fuisse cōstat, iuxta Salborium Histrie pro-
 montorium est congressus: locū alioqui ignobile, sed
 qui victoriæ magnitudine, clarior aliquanto sit effe-
 ctus. quo in loco, extant adhuc carmina quedam, in
 antiquissimo marmore incisa, in pariete templi D.
 Io. Baptistæ, quæ tantæ victoriæ monimentum, te-
 statum relinquunt. Diuina ope, parta victoria, nul-
 la cades, nullus captiuus ex Venetis, hostium tamē
 multi desiderati, longe etiam plures captiui sunt
 effecti. duabus præterea Otthonis nauibus, in ipsa
 pugna, medijs aquis obrutis, octo & quadraginta
 captis, in quibus Imperatoria fuit, cum Otthone ip-
 so, qui Venetias viuus ductus, magnam triumphī
 speciem exhibuit maximumq; Principi, & pa-
 triæ decus præbuit. Vnde Alexander Venetorum
 opera, longo post tempore, pristinae suæ dignitati
 restitutus, pax inter ipsum, & Imp. mox concilia-
 ta, Veneti Principis maiestatem, multis tropheis &
 fascibus,

fascibus, quibus Princeps hodie utitur excoluit. atque inde maris desponsationem, & culparum omnium veniam, cum Marcianam adem, tum charitatis, & Iacobi de Riuoalto iniuentibus concessã, statis quibusdam diebus constat. quæ sunt & erunt (& si scriptorũ hac in re variat fides) monimenta tantæ victoriæ sempiterna. Nihil enim in tanta rerum gestarum gloria contingere potuit, aut ad illud præsens decus pulchrius, aut ad nepotes memorabilius, quàm ut is Princeps, supplex Venetias peteret, quẽ plures olim gẽtes et populi, flexo antea poplite adirẽt. nec ab re factum à patribus arbitror, qui totius belli seriem, in suo comitio, celebri pictura, exprimi publicè decreuerunt, ut res latius in urbe vagata, maneret ad posteros. edixit præterea, ut quoties Princeps in publicum prodiret, patres frequentes semper adessent, atque cærulea vestimenta, eaq; annua, sub natalitia festa præconibus, singulo quoque anno liberaliter donarentur. Multa insuper extant huiusce Principis, in patriam ornamenta. nam geminæ et columnæ teretes, præstanti forma, Cõstantinopoli, ad nos aduectæ, in ea Marcianæ aræ parte, quæ ad meridiem spectat, eo Duce sunt erectæ. ibi nunc fontes capitali supplicio afficiuntur

ficiuntur. Hic bipartitam maiore Eurippo ciuitate,
ligneo ponte, omnium maximo, primus iunxit, qui
à Germanorum emporio, ad Riuumaltum, excu-
rit. Inde exhaustum ærarium, ea temporis nouita-
te, quadam mutui ratione, à Vitale Michaelle Du-
ce, huius nominis I I. frustra antea excogitata, in
melius restituendum curauit. Splendidam quoque,
aureamq; D. Marci ædem, in hanc ipsam, quam
nunc aspiciamus formam, acceptam multi referunt.
Tabulamq; auream, dignitatis eximie, gemmis et
margaritis instaurauit & auxit, testes sunt literæ,
in ea excultæ. erat tunc Angelus Faletrius tantum-
modo procurator, Verum post ampliss. Ciani Ducis
legatum, quum ille duplici curæ impar esse credere-
tur, alter fuit suffragio creatus, vt hic sacris Thesau-
ris, ille recentioris legati procurationi præesset. fa-
maq; est, illam piam nummorum dispensationem
per procuratores, pauperibus tunc primò institutã.
Is antiquata illa, simplici suffragiorum ratione,
duodecim virorum suffragio, qui Michaelis Ducis
parricidium fuerant vlti, Dux omnium qui in ciui-
tate fuerant locupletissimus, incredibili omnium le-
titia est declaratus. qui alium postea eligendi ordi-
nem, aliquãto cautiozem, supremo sui Ducatus an-

no instituit. Illam quoque pecuniæ largitionem, quam Principes, altero à suæ electionis die, per forū euecti, in argumentum, vel lætitiæ, vel liberalitatis, profusè effundunt, gratia simul & beneuolentia, multitudinem deuincire cupientes, ab hoc ipso excogitatam video. Hic prægrauante ætate, & morbo, seipsum abdicans, ad Georgij Phanium, è regione fori concessit. ibiq; non multo post vitam deseruit. octauo sui Principatus anno, eius sepulchrū marmoreum, in ipso Cœnobij vestibulo cōspicitur, ubi omnium sacerdotum collegia, quotannis suis manibus parentare, testamenti sui tabulis sanxit: vrbe prius opt. institutis ac legibus, magnificentissimisq; operibus illustrata. Petrum filium, qui post Henricum Dandulum Ducalem sedem, omnium consensu est adeptus, heredem ex asse reliquit, ea tamē lege, et quasi diuinaret, vt si absque liberis è vita decederet, omnes familiæ suæ fortunæ, quæ omnium amplissimæ habebantur, partim D. Marci ædi, partim etiam D. Georgij Cœnobio ascriberentur: ex ipsismet postea testamenti tabulis, in ima cetera illud addidit, vt singulis carceri Marcianæ mancipatis, duo panes & vini mensura, pietatis causa quottidie darentur.

HENRICI DANDVLI

Elogium.

SALVE tu quoque heros magnanime, in hoc fortissimorum Ducum albo, & gentis nobilitate, et animi robore, meritò referende; qui nisi Rep. præfuiſſes, eam minime, tam claram tamq; illustrẽ hodie videremus. In quo certè viro, nescias quid prius laudes; nam cum in bello gerendo, fortunatissimus sit visus, in rebus etiam agendis, consilio plurimum præstitit. quippe cum Byzantium, pro pace cum Hemanuele Imp. impetranda petisset (qui præter incommoda multa Venetis data) Anconitanos ab eis alienavit, & Stephanum Pannoniæ Regem, callido, vafroq; ingenio, contra eosdem concitavit, adeo certè à Græco, scelesto alioqui, et perfido homine, indignis est habitus modis, quòd constantius, liberiusq; Remp. gessisset, ut obiecta sibi, contra ius gentium, ante oculos, candenti lumine, ænea tabula, visu penè fuerit captus. Hic postea eo in primis nomine, cum honoribus etiam ampliss. & laboribus maximis, pro Rep. perfunctus esset, Dux magnifico patrum ac populi consensu creatus, maiorem quàm antea operam, patriæ optimè de se merita

ritæ, impendere accuratius contendit. Enimvero Polam & Mugliam, Histriæ ciuitates, quæ à Pisanis fuerant occupatæ, Io. Basilij, & Thomæ Faletrij ductu recipit; quarum magnam partem diripit, direptam incendit, earumque mœnia, haud vno loco disiecta, ne hostis amplius se eò reciperet, solo æquat. Sic Polanis rebus accisis, Bonifacius Monferratensis, & Balduinus Flandriæ comes, alijque Galli Duces non pauci, Venetias venerunt, vt contra Turcas Saracenosque; loca sacra, temerario ausu, ac nephando prorsus, execrabilique; scelere infestantes, comuni animo consilioque; moueret. Sacrum illud bellum pietatis causa susceptum gestumque; perfici non posse videbatur, nisi Græci prius, infida perniciosaque; gens, quæ aliquantulum à recto dogmate, dissentire videbatur, ad officium reuocarentur. Sed vt facilius eis, ad rem tam opportunam, tamque Reip. christianæ necessariam peragendam, aditus pateret, Venetorum opem deposcunt. Quare Henricus pub. priuataque ira vehementer incensus, ob violatum legatorum ius, quod penes cunctas nationes, sanctum habetur, opinione celerius classem parat, humanis stimulis est religio addita (huic enim non res Veneta solum, sed religio ipsa omnium maxime

cur & fuit, laborauitq; plurimum, non tam ut maxima, opulentissimaq; ciuitas esset, argenti & auri possessione, quam ut felicissima, & virtutum ornamentis celeberrima haberetur.) Quamobrem Gallorum Ducibus socijs, sacrisq; auspicijs rite peractis, Rhainerio filio pro Duce relicto, Idib. Octobribus, Venetijs profectus, omnem Illyricorū recepit. nam Histri, Lyburni, Dalmatæq; Pyratice facitantes, & præsertim Iadertini, qui à Venetis quintò iam descuerant, Vngarorum partem secuti, bello tunc à Venetis fuerunt domiti, atque ob suam perfidiam, ignominia affecti. Pannoneque hoste, inde armis expulso, leges acceperunt, ne quid postea turbulenter, temereue committerent. reliquas autem vrbes, quæ adhuc in fide permanerant, in officio prudentissimè continuit. Histris etiam tributarijs effectis, & præsertim Tergestinis. Byzantium mox suo ductu adnauigās, cum classe ducetarum, ac quadraginta nauium, Alexium Iuniorem, Isatij filium, in Regnū restituit, quo postea per fraudem, à Murciphilo, scelestissimo homine, è medio sublato, urbem ipsam Venetæ felicitatis æmulam, iisdem socijs, Græcis prius ademptam, Latino nomini asseruit, sicque malè partum Imperium, cum vita simul,

mul, ignominiosè Murciphilus amisit. Capta vr-
be, in quo pugna ardore, Dandulus miram virtutē
præstitit, omnia prius fuerunt emendata, quæ antea
minus ritè, secundum christianum dogma fiebant.
deinde Duces in vnum collecti, Balduinum Flādiæ
comitem, Imperatorē eligunt. Thomas vero Mau-
rocenus, Veneti patritijq; sanguinis vir, primus Pa-
triarcha est dictus (ita enim inter se prius conuene-
rant) vt Veneti Antistitem, quem mallent elige-
rent, si Gallis Imperium sortè cecidisset, ne penès unā
gentem, utræque essent dignitates. Thomas Pa-
triarcha Romam profectus, ab Innocen. III. Pōt.
Max. sacris est initiatus, mitraq; & lituo pastora-
li insignitus, postea Constantinopolim reuersus, Bal-
duinum Imperiali sthemate inaugurauit. præda
ingens tunc parta, auri, argenti, gemmarum, mar-
garitarum, præciosæ vestis, & suppellectilis, mul-
ta græcanica opera; et præsertim, quatuor illi ænei
æqui, qui in vestibuli supercilio templi à fronte alacri
statu prominent, opus est illud Lysippi, à Tiridate
Armeniorum Rege, Neroni primo donati; mox à
Constant. Imper. Byzantium aduecti, inde postea
Danduli opera Venetias adducti; magnam de se
spectantibus admirationem præbent. eo n. gradu
metuq;

motuq; corporis stant, ut iamiam desilire, in subie-
 ctam planitiem pariter omnes velle videantur. te-
 statur Bernardus Iust. historie scriptor grauis. vi-
 disse eos aliquando in gemma signatos, atque Ro-
 mæ, dum ibi legatum ageret, in arcu triumphali Cō-
 stantini sculptos. Lucie præterea corpus, quod è Si-
 cilia, Constantinopolim fuerat allatum, Venetiis cū
 classe vehi curauit. Gallus verò Princeps, Henri-
 co Duci, quoniam in eo bello, clara egregiaq; faci-
 nora edidisset, Lilia in suis insignibus, deferenda in
 posterum concessit, edixitq; ut in ea vrbe, Venetus
 magistratus perpetuò esset. Adiecit postea Dandiu-
 lus, Veneto Imperio, quartam totius Romani Prin-
 cipatus partem, quo nomine, deinceps Veneti Duces
 sunt appellati, atque Imperij nomen tūc primò sunt
 adepti. Cretamq; insulam patriæ adiunxit, inde Ra-
 gusium, & Dyrrhachium, atque Corcyram, vbi
 Iacobum Delphinum præsidij loco relinquendum
 iussit, Thomæ Mauroceni Antistitis ductu, qui Ro-
 ma discesserat acquisiuit. plura quoque, cum ad
 Reip. statum, quam suo consilio stabilivit, tūc ad
 religionem ipsam, Dei que Opt. Max. cultum spe-
 ctantia, eo Duce sunt acta. & nisi inopportuna,
 eiusdem Principis mors contigisset, Veneti Imperij
 gloria,

gloria, longè maxima, eiusque fines longius quoque, tanti viri auspicijs processissent; qui nonagenario maior, tertiodecimo Ducatus sui anno Byzantij, vitam naturæ reddidit, atque in atrio D. Sophiae sepultus: fuerat ea ædes à Iust. Imperatore, multò antea condita: eius cadaver postea effossus à Maumethe, secundo Turcarum Imperatore, Amuratis filio, qui Constantino Imperatore, ciuitate, & vita spoliato, vrbeque totius Orientis nobilissima potitus, in qua Christiana pietas, millesimum ac centesimum, supra nonagesimum annum floruerat, sacram Sophiae ædem, prophanam fieri, impio iussu voluit. Imperatoria arma, quibus Henricus fuerat indutus, ensisque & clipeus, aliquandiu penes Turcarum Imperatores steterunt, mox vero à Solymano Selymi filio, Gentili Belino, pictori sui temporis egregio, qui è Venetijs Byzantium euocatus, regiam multis tabulis rerum novarum, ad oblectationem, & Maomethis imaginem pinxerat, dono data fuerunt. atque Venetias ab eodem asportata, Marco Dandulo, Doctore & Equiti præstantissimo, Mathæi Equitis Viri clarissimi, patri optimo atq; integerrimo donata. Sed Marcus vt erat excelso animo atque inuicto, cum ab eo

Princi-

Principe, originem non habere affirmaret, ob idq; sibi munus illud minus competere existimaret, ea fide Opt. Henrici Principis successoribus deferenda curauit. Duce vita functo, ne Veneti, qui in ea vrbe, tamquam in nouam Coloniam, nominibus datis, veteris patriæ ferè immemores habitabant, sine aliquo magistratu essent, Marinum Zenum Prætozem, concordie electione crearunt, fuitque primus, qui nouum Byzantiæ magistratum gessit. Indè Zenæ familiæ, benè optimeque postea cecit, vt si quando magni aliquid, inter Senatum Venetum, ac Turcarum Duces agi oporteret, per Zenos viros Patritios fatali quoddam euentu, exequi semper videretur.

RAINERII DANDVLI, ET Rogerij Permarini Elogium.

VICTORIA contra Græcos parta, alijs peremptis, alijs bello subactis, vt Imperij loca, quæ ex foedere cum Gallis icto, ad Venetos iure belli pertinere videbantur, melius commodiusque Venetæ ditioni adiungerentur (quarta enim captorum oppidorum pars, Venetis cecit, omnesque Aegæi

ferè ac Ionij maris insulas, ea de causa sunt adepti) classis non parua, rebus omnibus est instructa Rhainerio Dandulo, Henrici Ducis filio, & Rogerio Permarino, Procuratoria tum dignitate illustri, egregijs propugnatoribus, omniaq; presenti animo administrantibus praefectis: egressa classis, in ipsis Hadriatici maris finibus, cuius nulla pars, à periculo, cæde, ac latrocinijs vacua erat, Leonem Vetrantum Genuensem, prædonem nepharium, pyratice incurfionibus nauigantes vexare, & rebus spoliare est aggressa: quem memorabili prælio, cum nouem longis nauibus captum, Corcyram adducunt, ibiq; publicè laqueo, præpostera veluti morte, vitam finire iusserunt, eo prius ostentandi gratia, viuo per insulam à Venetis non multò antè receptam ducto. In quam Insulam, tanquam in Coloniam, vel in quam rem magis meus inclinât animus, Petrus Michael, Stephanus Foscarenus, & Sigibbertus Quirinus, sunt missi. Mox classis Veneta, Methonem & Coronem Insulas, quæ tanquam pyratum domicilia videbantur, expugnat, quas Raphael Zenus, præsidio custodiuît. Cæteras deinde Aegæi maris Insulas, quæ Constantinopolitano paruerant Impe-
rio,

rio, partim patriæ, partim priuatis hominibus vindicatas, eiectis prædonibus præsidio firmat. (erat enim ea profectio ex Illyrico, in Ionium & Aegæum euntibus, maximè pestifera, ac pernicio-
sa) interim Græcus quiddam Regulus, Henricus nomine, Malliacus comes, Ligusticis nauibus fretus, Cretam Insulam, centum olim urbium fama clarissimam, ac omnium quæ sunt in Aegæo, Cretico, Lybio, Aegyptio, ac Carpathio mari celeberrimam, ausus aggredi, atque armis hostiliter tentare, eamq; ferè totam, in ditionem receperat, nisi Rhainerius Dandulus, cuius animum iampridem, paterna gloria vehementer incenderat, affuisset, cui duplicata classe, Imperium est demandatum, à quo adductis triremibus ad infestissimam Insulæ partem, hostis adeo fortiter est repulsus, vt non solum Insula Venetis armis sit defensa, sed quatuor etiam Genuensium naues, cum ipso Henrico captæ, in Danduli potestatem deuenerint. Regulus ipse ultimo supplicio, Imperatoris iussu est affectus. Per id tempus grata patria, Rhainerium Dandulum, in demortui Gratiani Georgii locum, procuratoria dignitate, inter Venetos augustissima, honestauit, & au-

xit. Verum ad Cretensium motus, in posterum
compescendos, Veneti, patritii plebeiq; ordinis vi-
ros non paucos, pedites hos, illos equites, in eam
Insulam, tanquam in nouam Coloniam, pub. de-
creto miserunt: cui Ducario nomine, Iacobum Teu-
pulum, hac veluti prærogatiua, quod Byzantii
plura, integerrimè innocentissimeq; persunctus
erat, præficiendum curarunt. hunc ego fuisse ar-
bitror, qui Ducalem dignitatem Venetiis, post
Cianum obtinuit. Neque tamen ligur, quem nun-
quam Venetus, neque lacescendum bello, neque
tentandum putauit, inceptam provinciam deseru-
it; quin dolo malo & astu, quibus gens ipsa, in
Venetos semper est usa, Cretam seditione prius
turbatam inuadit, crebrisq; incursionibus detur-
bat, atque Insulanos ad defectionem sollicitat, vel
ob acre, præposterumq; illius gentis ingenium, vel
quod ægrè ferebat hostis, binos Principes interce-
ptos, ignominioso mortis genere fuisse affectos. ad
eorum tamen insanos conatus reprimendos, Dan-
dulus fortiter, strenueq; obstitit. Breuiq; est tota
ea Insula pacata, qui cum triumphum sibi de-
cerni cuperet, Creticiq; agnomen adipisci, nihilq;
minus, quam insidias timens, ab hoste improuiso
prælio

prælio circumuentus, venenato telo transfigitur,
ut tamen dignam, virtute sua, mortem obierit.
eius corpus Candaci (est ea vrbs hodie celeberrima,
ac totius Insulæ emporium) funebri pompa
sepulturæ datum. Fuit ea res origo, & quasi se-
minarium maximæ cladis, hinc inde acceptæ, &
illatæ, inter Venetos & Genuenses, cum quibus
vsque ad vltimum suæ gentis, & libertatis inte-
ritum, est pugnatum.

LEONARDI QVIRINI, ET

M. Gussoni Elogium.

VIX fuerant Veneti, Cretensium veram ne-
gotio, & cura, quæ maxima certè fuerat, soluti,
quum in maiorem postea molem, maiusque disci-
men, vrgentibus fatis inciderant. Nam Vatazus
græcanici sanguinis vir, qui ea temporis nouitate
fretus, quæ Veneti ad Cretam, in ditionem retinen-
dam, totis viribus nitebantur, quasdam Aegæi in-
sulas occupauit, quum ad Cretæ insulæ nobilissimæ
imperium anhelaret; essetque, prævalentibus iam
Venetorum armis, illius potiundæ deplorata spes,
vastro ingenio, aliud iter ingressus, cum Exagona-

rum Rege, fœdus de Byzantio inuadendo percussit. erat tum Byzantiæ Prætor ex iure iam antea, per Henricum Dandulum Ducem in ea urbe, iure belli quesito, Theophilus Zenus, uir neutiquam negligendus. Cæterum & coloni ab initio missi eò adenant. Sed Zenus non impiger, cum imminentis belli apertum periculum cerneret, Senatum ea de re certio rem facere optimum arbitratus, Principem, & Patres, per nuntios, quo in discrimine res tanti Imperij, armis & uirtute parti, in præsentia esse uiderentur, monet. qui nec tardandi, nec differendi facultatem esse, maturè perspicientes, Leonardum Quirinum, & M. Gussonium, lectissimos uiros, ualidæ classi, ex Senatus consulto præficiunt. qui nihilo segnius Spartam ornare, omnique officio, ac potius pietate contententes, oram feliciss. auspicijs soluerant; decreuerantque communi consilio, in Illyrico ad ea oppida perlustranda, aliquantulum commorari, quãdo Byzantium, ab hoste iam obsideri, subitum nuntium est allatum. quare maiori studio & diligentia, occasionem opportunissimam nacti, iter arripuerunt. quæ cum in cæteris rebus, tum in bellis, omnium gerendarum est mater, & opifex optima. Quamobrem inceptum iam iter perficientes, celeriter

91
ter in Hellespontum, classem traiciunt. immine-
bat ferociter barbarus Constantinopolitanis. Sed
nostri non perculsi erant metu, non consilium, non
animus defuit. nam cum hoste congressi, magis ani-
mis, quam viribus freti, in certamen descendunt,
omnia circumspicere, atque agitare coeperunt, sum-
ma sua prudentia quæ vera est, militaris fortitudi-
nis parens. vicerunt egregiè Veneti, præsentia &
hortatione Ducum, estque tunc à M. Gussonio, cō-
stantius quàm audacius pugnatum, obiitque non so-
lum optimi Imp. sed & militis strenui munera: vi-
ctoriaque, quæ semper ad æquitatis partem inclinat,
sunt potiti. præerat hostium classi, Leo Gaualla,
fama ea tempestate illustris, cum quo Veneti for-
titer dimicantes, etsi viribus longè inferiores essent:
rem tamen fortitudine & celeritate prosperè gesse-
runt. quatuor & viginti hostium naubus, à Vene-
tis interceptis, cæteris metu & insectatione disie-
ctis. præda militibus est concessa, addita est victis
ignominia, captiuis enim antennis religatis, trium-
phali velificatione, Byzantium urbem, adhuc tre-
pidantem ingressi, obsidione leuarunt. excipienti-
bus magna cum lætitia & plausu oppidanis. rebus
ita pacatis, quibus nihil tum fieri potuit honoratius,

cum

92
cum paucis diebus ibi essent morati, in patriam felicissimo cursu reuersi, ingenti latitia ex non minus illustri, quàm celeri victoria, ciuitatem affecerunt. Marcus Gussonijs vero, non minus armis, quàm religione clarus, Phanum virginis, quod nunc Crucigeri tenent, & Matthæi ædem, templa à suis, proprio ære fundata, donarijs non paucis ornauit.

ANDREAE TEUPULI

Elogium.

SVNT & Teupulis, qui pro patriæ salute, in tot, ac tantas dimicationes, sese obiecere, maxima suorum maiorum decora, fortiaque & illustra eiusdem gentis facinora, quæ nequaquam fuerant à me silentio inuoluenda. nã ubi sublime aliquid, & excelsum versabatur, ibi semper ipigerrimè sese, et præclare exercuerunt. ex qua familia veluti ex equo Troiano, viri bello, paceque clari, genuino splendore, in lucem non pauci prodire. Inter quos enituit Andreas Teupulus, Iacobi Ducis filius, qui non minus laude, & rerum gestarum gloria, quàm Ducaria dignitate florebat; & Petri etiam frater qui Mediolani Præturam, magna sua cum laude egit; atque Ioannis, qui in gratiam Gregorij eius nominis

I. X. R. Pont. (cuius preces aspernari, nō minus impiū est, quā ab officio alienum) quinque & viginti, nauū classē ad Appuliæ vrbes oppugnandas contra Fridericum Imp. Pontificis Ro. infestissimū hostem, Senatus decreto ductauit. Verū Andreas & corporis viribus, & animi magnitudine pariter insignis, sexaginta triremium præfectus, ferre opem patriæ, succurrere salutī, fortūnisque communibus animum intendit, nec minus quicquam curæ habens, quā quod geri ē Repub. oporteret; cum classe, frumento, stipendio, cæterisque rebus, satis probè ornata, primò in Histriam venit, atque Polanos, qui ex antiquo iam fœdere, triremem dare neglexerant, fossa, vallo, propugnaculis, mœnibus, & omnifariam munitionibus nudat; ne præsidium aliqua ex parte haberent, quos ne ad internitionem daret, pecunia mulctandos curauit. Inde per Adriatici sinus læuam enauigans, Dyrrachium Epiri urbem, Ciceronis exilio celebrē appulit, ut triremes cum Genuensibus coniungeret. Enimuero Genuenses qui inducias in annos 9. Stephano Iust. & Marino Mauroceno, qui Ducalem sedem, post Teupulum tenuit, legatis ad id Romam missis, cum Venetis fuerant pacti, atque Gregorij Pont.

24
POT. autoritate addito anathematis spiculo sancitas,
ab ijs per legatos petiere, ut sibi cōmuni nomine con-
tra Pisanos, magno Friderici fauore fulcitos, auxilio
esset, classem. n. supra centum trirēmium contra Ge-
nuenses instruxerāt; quippe id in fœdere cautum ui-
debatur, ut alter alteri, quandocunque opus foret, af-
ferret opem, estq; ob id à Venetis, tam ualida clas-
sis, magno illuc cum dispendio missa. Sed
lygur in certamen ab hostibus prouocatus, nō expe-
ctatis amplius auxiliarijs nauius, in eos mouet
atque trucidat. quo nuntio audito, Teupulus qui om-
nia quæ ad militiam spectabat, optimè nouerat, i-
ter retro flectere optimum duxit. nam cuncta Ae-
gæi loca, in officio manere, per id tempus sunt uisa.
Quamobrem classem iterum ad Polam, quæ relictis
uiribus, denuò à Venetis defecerat, duxit, urbemque
(multò acrius quàm antea accensus) ferociter a-
dortus diripit. uictos ad internitionem persequitur.
omniq; iniuriarum genere affligit, nec alicui par-
cit, nō minus ipse opt. Ducis, quàm fortissimi militis
officio functus. deniq; nullū est cladis genus, quod tū
ingrata Ciuitas, non sit perpeffa. His fortiter gestis,
domum repetens, omnium ordinum consensu beni-
gnè excipitur.

V I X fuerant ab Andrea Teupulo, exaucto-
 rati nautæ, quum aliud nepharium, omniq̃ue imbu-
 tum odio bellum subitò oboritur. Iadrenses namq̃ue
 obliti, quæ uel secunda fortuna, à Venetis habuerāt,
 uel aduersa toties fuerant experti, pulso Ioanne Mi-
 chaele, tūm urbis Prætoꝛe, quintò à Venetis, ad Vn-
 garos transiere, atque Belæ eorū Regis arma secuti
 illius uexilla, animosè extulerūt. quam iniuriam Ve-
 neti ulcisci cupientes, Rhainerium Zenum, uirum
 grauissimum, ex Zena familia, à Zenone Imp. Au-
 gusto oriunda, cum quinque & uiginti triremibus,
 ac onerarijs uiginti, toti bello præficiunt, qui ex quo
 Dux fuit declaratus, nihil prolatandum ratus, terra
 mariq̃ue ciuitatem adortus, eam per menses duos,
 omni bellorum genere oppugnans, post non multas
 suorum strages, 2. Iulij die prælio fregit, et domuit;
 nam oppidani oppugnationis artificio, et belli asperi-
 tate, uehementer deterriti, se urbemq̃ue dediderunt;
 atque imperata facturos, tamquam ex syngrapha
 sunt polliciti. Rhainerus uerò in prima acie pugnans,
 nihil sibi reliqui, ad uirtutem fecit, atque aduersus

hostes, non minori obstinatione, quàm animi vigore
dimicauit; ad quos praelio deuincendos, non alio
quàm Rhainerio Duce, fuerat opus. neque enim
contra imbelles populos, arma mouit, sed contra eā
gentem, quæ & bellica olim virtute, celeberrima
fuerit, & hodie quoque, à maiorum suorum lau-
de nō degenerarit. recepta vrbe, Petrus Dandulus,
Diui Marci proc. & Stephanus Iustinianus legati
ad Belam, Pannoniæ Regem, pro componendis re-
bus sunt missi; qui sic prudenter negotium gessere,
vt Rex ipse, ius omne, quod tam ipse, quàm sui
maiores, in ea vrbe, quocunque iure sibi antea ven-
dicarant, Venetis libentissimè condonarit. Ioan-
nes Michael, qui à Iadertinis, vrbe ignominiosè fue-
rat eiectus, quem in ea obsidione, egregiam & ip-
se operam nauarat, Clodiensis Prætor, statim est
designatus. moxque Procuratoria dignitate auctus.
Prætor tūc in eam urbem missus (vt quidam vo-
lunt) Stephanus Iustinianus, sed vt alij Domini-
cus Maurocenus, vterque tamen prudentia, & a-
nimi robore singularis; qui bellicosissimum alioqui
populum, metu teneret, quem fides non tenuerat.
Rhainerius autem, in patriam reuersus, quū in-
ter ciues pulcherrimè staret, Procurator primum,

mox

97
mox Marino Mauroceno, quem vnus & quadra-
ginta viri, primò crearunt, concordi electione, suc-
cessor est datus. quo Duce bellum contra Ligures,
crudele & perniciosum, hostium præsertim perti-
nacia est susceptum. in quos Zenus irruens, eos ma-
gno animi ardore aggressus, pariùque successu profligauit; captisq; septuaginta triremibus, cum præ-
toria puppi, Friscum Ligusticæ classis præfectum,
Venetias in triumphum duxit. ob tam singularem,
tamq; insignem victoriam, Rhainerius Dux re-
pudiato veteri suo gentilitio insigni, albas lineas
duas, totidemq; cæruleas, quas ex militari vexil-
lo, iure belli erepto ademerat, posteris ad hanc vs-
que diem, tamquam per manus acceptas, deferen-
das curauit. Urbem præterea maiori quàm antea
sumptu iustaurauit. nã pub. vias, vicosq; oēs, atq; pla-
teã, lateritio lapide sterni fecit. & Pontẽ qui à Ger-
manico emporio, ad Riuum altum excurrit, maio-
rem amplioremq; quàm antea à Ciano Princi-
pe fuerat extructus, fieri iussit. primusq; ad capi-
tis insigne, limbum aureum addendum curauit.
Sed quum ex diuturnis belli calamitatibus, exhau-
stum iam esset ærarium, quedam fuere à Principe
vectigalia excogitata. inter quæ, quum nouum, at-

que in Ciuitate inusitatum, ex mola commentus, esset, in quandam ciuilis discordiæ flammam incidit, cui cum mederi studiosissimè cuperet, in eum à nonnullis est conspiratum; adduxitque tumultus ille, Remp. in maximum discrimen; nam & Princeps qui populum verbis mitigare inceperat, ne quid detrimenti Respub. pateretur; ictu lapidis fuit violatus. insana plebs, quasdam nobilium domos, in ea trepidatione diripuit; in fontes postmodum est grauius animaduersum. Procuratorius etiā numerus, eo Duce, bis est auctus, atque primo Marcus Superantius, mox Iacobus Molinus, dignitatem sunt adepti. demum Rhainerius, decimosextimo sui Principatus anno, nonis Iulij è vita decessit. Cadauer ad gemellorum ædem fuit delatum. Sub hoc tempus Actiolinus Patauorum Tyrannus, quem multi Ecelinum vocant, humani generis portentum, ac quedam totius Italiæ fax, contra quem Veneti, ut Patauorum rem adiuuarent, milites, arma, com-meatus, & naues miserant, Martini Turriani, Mediolanensis Principis ductu debellatus; ignominie impatiens, præ nimia ira, omnium miserrimus, est morte consumptus. quum Tyrannidem, omni flagitiorum genere, annos viginti exercuisset.

LAVRENTII TEVPLI

Elogium.

DVO per id tempus celeberrima erant, totius orbis emporia, Barbaris Damiatæ, nostris vero Ptolemæis, colonia maritima, ameno montium iugo clausa, celebrisque ob arenas, quas tot retro seculis, vitrarijs officinis exhibet, inter Carmelum montem, & Sydonem urbem posita, nunc Acco recentiori nomine appellatur, in confinibus Armeniæ & Syriæ, haud longè ab Antiochia, in qua urbe, quæ erat, conuentu mercatorum frequentissima, non Veneti solum, sed Genuenses, & Pisani, ius antea, sibi quæsitum habebant. Demum orta est inter Venetos, & Ligures, veluti inter duos opulentiss. populos, maritimarum rerum gloriam sibi vendicantes discordia, quibusdam etiam similitatibus inter eos, tunc reuiuiscantibus. nam eadem D. Sabbæ, quæ Venetis antea per annos ferè sexaginta cesserat, Genuenses temerario ausu, eam sibi vendicare conati, sacrum prophanantes, instar arcis communiunt, ibique omnis generis arma, ad pugnam necessaria attulere. tum quidem domus, templa, & aræ, humana omnia, atque Diuina iu-

ra, sunt violata. nihil est enim tam sanctum, quod
 non aliquando, hominum improbitas possit viola-
 re. Quare Veneti, rei indignatione accensi, cum in-
 signem hanc contumeliam, & dedecus, ferre non
 possent, multis prius per caduceatores pro pace fru-
 stra tentatis, triremes tresdecim, opportunè instru-
 ctas, Laurentio Teupulo, Iacobi Ducis filio, viro
 prudenti consilio, nec bellicæ artis imperito commit-
 tunt; qui eas celeriter, per Ionium Aegæumque,
 ac Syriacum mare eductas, Accon citato veluti
 agmine conuexit; cathenaque fracta, qua portus
 occludebatur, treis & viginti Ligusticas naues,
 onerariasque duas direptas, omnes ad vnam incen-
 dio absumunt. eadem ab hoste prophanatam, qua
 parte fuerat munita, diruunt; promiscuaque cæ-
 de, in Genuenses sævitum. erat tū in ea vrbe Præ-
 tor, Marcus Iustinianus, qui columnas duas quadra-
 tas euelli curauit, Ligustico marmore, cum epi-
 styllijs: à basi, ad mediā ferè columnæ partem, Cru-
 cis imago spectatur, inde supra, qui locus appella-
 tur scapus, vario operæ sunt incisæ. hæ ad præsidij
 ianuam adiacebant, vel quòd facilius crediderim,
 ipsius portæ fuerant veluti antes. visuntur ipsæ ho-
 die, inter auream D. Marci eadem, & forum, ad
 meri

meridie erectæ. huiusmodi etiam victoriæ monumentum, refert lapis ille, ex porphiretico marmore, ad templi angulum erectus. decreta ibi atq; edicta, tam pub. quàm priuata, multa quæ magistratum iussa, per præcones publicè recitantur. Sed illius epistyllium, & spira, ex pario aut ligustico marmore, res ad ornatum excogitatæ, nostri quidem sunt temporis. Sed Genuenses ea clade, magis irritati quàm territi, instauratis aliquantulum viribus, cum classe, duarum & triginta triremium, nostris apud Tyrum denuo occurrunt: contra quos Veneti, pristinæ virtutis memores, acriter instare, maximaque vi, est hinc inde certatum. fuit verò res Veneta semper superior. Teupulus autem, bis cum hoste signis collatis, bis re egregiè gesta, Byzantinis Græcorum armis, oppressis, opem tulit. mox prosperè etiam contra eosdem ligures cum Andrea Zeno, altero tum classis Imp. pugnavit. his gestis in patriam vocatus, triumphans urbem inijt. seque usque adeo in omnibus quæ excellenti ciui, sunt necessaria exercuit, ut multis nominibus, patritiorum sibi fauorem conciliarit. nec multò post, mortuo Zeno, cum inter Patres, genere, virtute, authoritateque plurimum valeret, Dux creatur, in cuius ele-

Etione, diuersam quàm antea rationē, ac longè cau-
 tiorem excogitatam. constat. quæ in hunc usque
 diem, integra omnino perseuerat. quo in loco, pa-
 ternam gloriam æmulatus, egregia facta non pau-
 ca, ad patriæ cōmodum, et ornamentum effecit. ut
 qua virtute Remp. ab immanissimis hostibus, fo-
 ris strenuè defendisset, eandem ab omni tumultu et
 perturbatione, diutius tutaretur. Quarè Ciuitatem
 ingenti, periculosissimaq; fame laborantem, præ-
 senti veluti ope, primo sui Ducatus anno. leuauit.
 mox inducijs cum ligure hoste, in annos quinque
 pactis, victricia arma, contra Bononienses conuer-
 tit, cum quibus triennio ferè, circa Padi hostia est
 bellatum. Sub hoc Principe, Ciues Ceruiæ, se &
 Ciuitatem, ultro Venetis dederunt. postremò cū
 patriam annos sex, prudentissimè gubernasset, o-
 biit. atque ad Gemellorum ædem delatus, in genti-
 litio suo sepulchro, est conditus. Hic Iacobum fi-
 lium reliquit, qui vt rem Christianam iuuaret, in
 Syriam à Venetis missus, cum Pontificio legato,
 contra Babylonium Regem, fortiter se gessit: po-
 stea verò Io. Dandulo duce vita functo, cum vni-
 uersi ciues, ipsum acclamarent, adeo temperatis
 moderatisque moribus fuit, & ab omni cupiditate
 remo

remotus, ut clam ex urbe euolarit, donec certior de Petri Gradonici Ducis electione esset factus; vir natura ipsa moderatus, Marochij dissimulata persona latuit. est id rus, medio ferè itinere inter Taurisium, & Mestre oppidum, loco satis ameno positum. Stephanus eiusdem familiae D. Marci. P. vir clarus, qui praeclara tam domi, quam foris pro patria, facinora gessit, haereditario nomine, & veluti per manus, à suis acceptum, hodie possidet. Sunt qui scriptum reliquere, Iacobum prae nimia animi modestia, clam nauem conscendisse, atque in Aphricam nauigasse, vtrunque tamen, summum exitiumque modestiae exemplum, posteris reliquit.

ANDRÆ ZENI

Elogium.

DEBELLATIS vno atque altero praetio Genuensibus, Veneti ad Byzantium rem tutandam, animum & vires intenderant. quippe Balduinus Roberti filius, Byzantium Imp. sub quo domestica prodicione, regni auspicia conciderant, trepidare cum multis, non mediocriter videbatur. Ligur interea, nullum vel diligentiae, vel labori locum

relinquens, affectas opes, ingenti studio & celeritate reparat. Quare triremes quadraginta, & naues decem optimè instructas in Syriam transmittit; quo nuntio Venetias allato, nostri erecto in primis animo, & minime perturbato, honestissimeque & magna cura dignitatem tuentes, non minori diligentia & opera, triremes. XV. & onerarias naues. X. ornant. his Andreas Zenus Patrum decreto (quibus illius integritas, & animi magnitudo, satis fuerat perspecta) cum Imperio præfuit. qui sacris prius, de more ciuitatis ritè perfectis (maximum enim in rebus humanis momentum esse arbitramur, si quàm propitio, aut quàm aduerso Numine res agantur) Syriam versus, occiduo vento flante nauigans, classem cum Laurentio Teupulo iunxit, atque ex duabus una effecta, ambo Imperatoria dignitate ornati, unanimés ad hostium impetus reprimendos insurgunt, quos Zenus paruo admodum negotio, suis auspiciis prius, mox auxiliari classe, Laurentij Teupuli collegæ superauit. Quamobrem victis, & profligatis hostibus, ac multa cum strage, medijs undis oppressis, quinque & viginti eorum naues, fuerunt à Venetis interceptæ, et Venetias in triumphum

phum

phum adductæ. multas etiam media pugna corruptas, ac mari depressas constat. Duo millia sexcenti, qui viui in manum victoris venerant, liberalissimè postea, ad vnum sunt dimissi; inhumanum credo rati, vel impium potius, nobile animal, rationis rerumq; coelestium capax, seruitio adigere: uix tamen temperare potuerunt, quin omnium hostium loca, tam publica; quam priuata, quæ Ptolemaidierant, funditus euerterent, ac solo æquarent. fuit ea victoria X. XV. Mensis Iunij die, quo D. Marci Tatularis numinis apparitio, Venetijs tam religiosè; quàm piè, à Vitalis Faletrij Ducis tempore, ad hanc diem, multa cum religione celebratur. Est præterea à Venetis, contra Ligures non procul à Tyro, rursusq; circa Cretam, feliciter pugnatum. Verùm laborabatur vehementer à Latinis, per id tempus Byzantijs; nam Theodorus Ioannis Diplobatacii filius, tam difficile eis negotium exhibebat, ut Venetos per nuntios, semel atque iterum monere sint coacti, quatenus nisi eis properent suppetias ferre, maximo in discrimine, eorum res sitæ viderentur. quamobrem maturatò opus esse, si sociorum saluti consultum optime vellent. scire se nullam veniæ

spem, ab immanissimo hoste sperandam, celerarent itaque ob id auxilia, ne si segnius, tardius ue subueniretur, capta (quod nollent) urbe, Latinum nomen, in ea orbis parte, penitus aboleretur. Venetus autem cuius viribus maritimis, ad eam diem, res Latina in Græcia florebat, nihil moratus, in hostem cum maxima parte classis profiscitur. Sed nuntiata in itinere Theodori morte, in Syriam priorem cursum remensus, ubi maius imminebat periculum redijt. Interim Paleologus, vehementis spiritus uir, Ioannis Theodori filii, tutor fiduciarius, quem postea rerum potitum, cum tutela pertederet, sacrilego parricidio, interficere non est veritus, magna coacta manu, ardentibusq; animis, cupiditate veteris decoris recuperandi, Byzantium plurimum infestabat, eamq; per insidias, partim casis, partim etiam per summum scelus corruptis custodibus, non legitimo pugnae genere, concubia nocte capit: ferentibus tum Genuensibus, ad tam infandum facinus, scelestumq; flagitium opem. est ea clades eo facilius Latinis illata, quo minus fuerat tunc ab ipsis expectata. Insidiari certè id fuit, non bellare, opprimere non vincere. Capta est itaque urbs, sexagesimo ferme an-

no, postquam à Venetis & Gallis, fuerat Græcis
adempta. erat tum urbis Antistes, Panthaleo Iu-
stinianus, qui cum vehementer ea de re esset soli-
citus; fiducia plenus, extremam belli aleam, au-
xiliaribus etiam quibusdam copiis, quas Marcus
Gradonicus, urbis Prætor, tumultuariè fecerat,
tentare intrepidè fuisset aggressus; si satis explora-
tum habuisset, qui hominum, suis partibus faue-
rent. Quare cum nequaquam resistere viribus po-
tuisse, deploratis iam rebus, Græcia est coactus
decedere. Reuertitur interea Zenus Venetias, li-
cetq; ab omnium ordinum uiris, ob victoriam par-
tam, benignissimè fuerit exceptus, Byzantini ta-
men Imperii amissio, non parvam illi triumph-
partem ademit. Verùm præmia postea amplissi-
ma, ciuitas ei liberaliter tribuit: nam Leonardo
Venerio Procuratori vita functo, mox successor
est datus.

M A R C I M I C H A E L I S

Elogium.

VICTORIA quæ natura insolens est &
superba, adeo Paleologum, ingenio ferocem, &
quod

quod Venetos & Gallos, metu cessisse credebatur;
vehementer incenderat, ut explorato eorum itine-
re, in spem maioris victoriæ adductus, perinde ac si
virtute prius, non dolo & astu vicisset, eorum loca,
quæ olim Byzantini Imperij fuerant, infestare pararet.
Veneti verò qui nunquam inimicis succubuerunt,
nec fortunæ quidem, M. Michaellem, fortis & præpotentis
animi virum, cum duodeviginti triremibus ad Ionij &
Ægei Insularum præsidium decernunt, suntq; paulopost,
septem supra triginta additæ; totiusq; belli administratio,
ad Michaellem qui nuper fuerat Imp. electus, magna cum
authoritate est delata. Sed erant inter eas nonnullæ,
quæ pedites vehebant, tum sagittarios, tormentorum
præterea, ac machinarum expugnandis urbibus copiam
ingentem. Imp. autem qui sacramento adhibito, in verba
iurauerat, nullam se occasionem, in Paleologi rebus,
quoquomodo infestandis, unquam prætermisurum,
potuisset eum facile, Imperio deturbare, nisi Genuenses
(quod id minus è re sua videretur) totis viribus, sum-
misq; conatibus obstitissent; quibus vel ob id, Chios
celeberrima mediterranei Insula, à Græco dono est
data. Verum Michael classis Imp. fiducia ple-
nus,

nus, quòd intueretur, si qua necessitas instaret, suis
 tutum esse perfugium, locorum præfectos, per li-
 teras, & nuntios monet, ne quid timidè temereue-
 agant, acrius si opus sit, ad pugnam incumbant,
 sesciant eis nunquam defuturum, quando id in pri-
 mis à Senatu fuerit demandatum, ut belli pericu-
 lis circumuentos, auxilio & opera leuaret, tyr-
 rannicosq; spiritus, nec insolescere grauius, nec
 diutius ferendos permissurum. Quamobrem præ-
 terquam quòd ad omnes insanos hostium conatus
 inhibendos, nihil non profuit, Gulielmum etiam
 Gallici sanguinis uirum, Achaie & Byrhiniae
 Principem, quem Paleologus in vinculis diutius te-
 nuerat, eaq; conditione dimiserat, ut Epidaurū
 munitissimum oppidum, quod hodie Maluassiam,
 vsitatiore vocabulo nuncupamus, Byzantinis trad-
 deret, quiq; arma contra Venetos, sumere frustra tē-
 tarat, arte superauit. nā Venetus, quem nullum ho-
 stium consilium latebat, utq; erat præsentī ingenio,
 sic Gulielmum postliminio reuersum fouit, sic ma-
 xima liberalitate, & officio sibi conciliauit, atque
 familiarissimum reddidit: ut omnes vires, quas-
 cunque ad eam diem haberet, ad Græcorum dam-
 na, pernitiemq; conuerteret. Sed Marcus, eiecto
 -310-
 postea,

postea ex Eubœa insula, Friderici. I I I. filio spurio, qui Græcas partes secutus, Constantinopolitanis in primis per id tempus fauebat, non parua insulæ parte, est potitus. Verum cum classis ad Eubœæ expugnationem, intenta esset, tres Venetæ naues, quæ per Hellespontum, & Propontidem, loca multa incursionibus vastabant, ad Bosphorum usque, prospero fortunæ cursu, erant progressæ, à decem Genuensium triremibus circumuentæ, post non paruam hostium cladem, captæ remanserunt. atrox fuit pugna, desperatio cogit victos omnia audere, victores indignatio excitat. uicit tamen Ligur, victoriaq; est abusus. nam captiui ad vnum fermè, crudelissimè fuerunt interfecti. nonnulli qui forsità in Paleologi ditionem venerant, debacchante impii Principis iniquitate, luminibus sunt priuati. Indè sæuiente hyeme, cum nihil aliud ab hoste moueretur, Imperator classem in urbem duxit. cumq; in Senatu pulcherrimè staret, Patres illum Procuratoria dignitate, in locum Iacobi Cont. qui Ducalem sedem, meritò fuerat adeptus, illustrarunt.

NE suarum rerum Veneti, obliti aliqua ex parte viderentur, vere nouo, duas, & triginta naues, contra Ligures, & Græcos, qui simul fœdere iuncti, Venetorum loca, variis incursionibus, via sibi ferro facta, infestabant, educunt: cuius Imperium Gilberto Dandulo, viro utraque fortuna præstanti, demandare Patres, accuratè contenderunt. qui animosè ac viriliter prouinciam sumens, sine mora, copias ad bellum comparat, atque Diuina prius, humanaq; omnia quæ assolent, cum perfecisset, præsentì admodum animo, commodè diligenterq; in Græciam uenit, atque utranque hostium classem, non solum fortiter, & strenuè, sed consideratè etiam, atque sapienter est adortus. accensis utrinque animis, ad arma discurretur. Dandulustùm quid Veneta virtus, valeret in bello, constanter ostendit. In quos facto impetu, quum irrupisset, anceps prius mars, atque ingens, irritatis hinc inde animis, oritur cædes. Suus enim cuique animus, virtutis memor, adhortator aderrat. instruuntur pariter utrinque acies, arti bellicæ,

ac

112
ac insidijs militaribus, utrinque ingenia intenduntur, hinc de gloria, inde de libertate, quæ omnium rerum est charissima, fuit dimicatum. Sed postquam impetum, aliquandiu fortiter hostes tulissent, ad ultimum, suis iam diffisi viribus, coacti sunt terga dare. quatuor Genuensium naues, media trepidatione captæ remanserunt. quæ acceptæ plagæ superfuerant, plus dimidio concussæ, multisque hominum vulneribus, malè affectæ, rostraque plurimarum, validissimo conflictu detrita, dissipatæ abierunt; atque sese in Epidauriensem portum receperunt, cum multi prælio cæsi, nonnulli turpi fuga dilapsi fuissent. Dandulus mox, ut ea clade hostes affecerat, lætus re integra, domum reuertitur, atque ut in bello, sic in toga illustris deinceps est habitus.

ANDREÆ BAROTII

Elogium.

IN, tanto, tamq; incredibili bellorū ardore, et quasi turbine, cæteris uel metu perterritis, uel tedio pugnas affectis, Andreæ Barotius vnus est inuentus, qui id auderet; quod omnium fugisset, & formidasset audacia. Enimvero quum Gil
ber

bertus Dandulus, insignem victoriam, de hostibus retulisset, nonnullæ aliæ Ligusticæ naues, quæ ab eodem disiectæ, veluti Palantes, maria circuibant, quum circa Aegæi insulas, vela darent, treis Venetorum onerarias, commeatibus onustas, dum nihil minus, quàm hostem expectarent, subito incursum, modico sanè certamine capiunt, abstractas secum protraxerunt, easq; paulopost, subiecto igne incensas concremarunt. Verum ad eiusmodi iniuriam vindicandam, Veneti ingenti stimulo adacti, Barotium, cum quinque, & quadraginta triremibus, maris Imperio, magno ordinum cōsensu præficiunt; qui uotis ritè nuncupatis, animo se & viriliter, e portu proficiscitur, atque Mediterraneo prius mari transmissa, in Siciliam, mox ad Melitham, classem ducit (nihil enim virtutis suæ inuium existimabat) quò hostes adesse, per actuarías quasdam naues, quas exploratorias appellamus, certior antea fuerat effectus. Sed perculit nouæ classis fama, Genuensium animos, vehementerq; fuerant, de tanta, ac tam numerosa classe solliciti: futurum nanque arbitrabantur, ut si ea nauium multitudo, Duce Barotio, cum sua classe manum conseruisset, breui de tota maris pos-

H

sessio-

sessione pellerentur. Quare proprijs tum finibus,
 timidè ac muliebritèr, in gineceo inclusi, (graviò
 ri enim verbo vti non libet) pugnam detrectarunt.
 quod agrè ferens Barotius, Ligusticæ ditionis loca
 permulta, solo æquavit, nonnullis etiam ingentem
 vastitatem intulit, nulliq; rei pepercit, in quâ fer-
 rum, ignisq; sæuire posset. demum cum Ligusticum
 mare, totum perlustrasset, hoste nusquam reper-
 to, cum classe in Syriam venit, atque non procul
 à Tyro, nauem vnā Genuensium, magnitudi-
 nis eximie, cui Oliuæ nomen, milites imposuere,
 Syriaca merce onustam conspicatus, in eam inuo-
 lat, captamq; nautis in prædam donat. hoc præ-
 claro successu excitati, Tyrum urbem Genuensiu,
 natura, & arte munitissimam, frustra oppugna-
 re contenderunt; nam oppidanis acrius resistenti-
 bus, susceptam provinciam, deserere sunt coacti.
 maioris namque videbatur ei esse victoria, quæ mi-
 nimo probro, quàm quæ Christiano sanguine eme-
 retur. Barotius cum Remp. præclarè gessisset, pa-
 triam reuisit, atque cum in ea, diutius florisset,
 liberis non paucis post se relictis, felicissimè obiit.
 Sunt qui volunt, ex Andrea Barotio, tanquam
 à præclara, nobilissimaq; arbore, omnes ex ea-
 dem

dem familia propagatos, ex quibus cum multi an-
tea extiterint, hi tamen (ut omittam ceteros)
precipui, omnium iudicio, sunt habiti, Benedictus
Barotius, qui cum quadraginta & eo amplius ma-
gistratus obijisset, Consiliarij demum honorem ade-
ptus, immatura morte, fato concessit; liberis tri-
bus post se relictis, ex his Io. & Franciscus, mo-
ribus & doctrina praestantes, sacris sunt initiati,
hic Taurinæ, ille Bergomensis Ecclesiae Anti-
stes. Sed Bergomensis, quum post homines na-
tos, praestantissimus haberetur, Senatus Veneti
amplius iudicio, Patriarchalem sedem, Venetijs
magna cum laude est affecutus. Aloisius deinde
horum frater, cum honoribus amplius & labori-
bus maximis perfunctus esset, demum grauis. De-
cemvirale munus adeptus, medio vitæ spatio, lu-
cis usuram amisit. filijs non paucis relictis, inter
quos, fuit Petrus Patauinus Antistes, patrum
nostrorum ætate, præclaris moribus, excellenti
que virtute insignis, & seculorum omnium me-
moriam dignissimus.

MARCII GRADONICI

Elogium.

MARCVS Gradonicus, per omnem ætatem, bellis quamplurimis assuetus, tam opimā tāq; sublimem, pro patria operam nauauit, ut multis præferendus, meritò videatur. Namque cum Prætura, Byzantijs innocentissimè fungeretur, ea temporum nouitate, qua ciuitas per proditionem, è Latinorum manibus erepta, Lascaris postea cessit, fortiter quoad potuit, cum Panthaleone Iust. illius urbis Antistite se gessit, ubi enim res aliqua præclara versabatur, ibi semper impigerrimè se exercuit. aderant enim illi veluti comites, labor in negotiis, fortitudo in periculis, & industria in agendo, quod clarius demum est visum, quando contra Ligures, qui cum ingenti classe, Venetæ ditionis loca, in Aegæo infestabant, ei summa Imperij administrandi, belliq; gerendi, communi consilio, cum decem longis nauibus est demandata: qui primo congressu, treis Genuensium nauibus, quibus Lanfrancus Borbonius præerat oppressit; licet Iacobus Dandulus, qui ob rem præclarè gestam, Procuratoriam postea dignitatem adeptus, septem triremium

remium præfectus, bonam illius victoriæ partem,
sibi tum iure quodam suo vendicarit. Sed ea quæ se
quitur, est multò quàm illa celebrior; nam Gra-
donicus magno constantique animo, suis auspicijs,
adeò Genuensium vires fregit, & dissipauit, ut
omnia sua, tum moritura arbitrarentur. Satis e-
nim constat in Sicularum conspectu, ad Drepani-
tanum sinum, quatuor & viginti Genuensium
triremes, aut captas, aut alto mari fuisse demer-
sas. duo millia ac quingenti Ligures, viui in ma-
nus victoris venerunt, mille & ducenti desiderati,
longè plures vel undis, vel alia vi occubuerunt,
nonnullis etiam signis amissis, quæ Venetias, ma-
gna cum laude, fuerunt asportata. reliqui qui cæ-
dem euaserant, agrè post multa accepta vulnera,
cum quatuor tantum triremibus, quæ superfue-
rant, se receperunt. Sed inflammatus Ligur pau-
lò post, classem reparat, quæ per Ægæum, at-
que Myrtoum mare ducta, nauem vnā Vene-
tam, magnitudinis non vulgaris, preciosissimis
mercibus onustam, ad Euboeæ Eurippum aggre-
diuntur, eaque sunt potiti. mox in Cretam allati,
insulamque populantes, Cydonem urbem, fossa
valloque munitam, quam Caneam hodie appella-

mus, diutius varijs bellorum machinis vexantes, per prodicionem tandem recipiunt, eamque spoliatione penitus diruunt. nec id sustinuit Venetus, quin Gradonicus, tribus & viginti triremibus, probè ornatis, Ptolemaidem versus, iter flectit, atque per Carpathium mare nauigans, octo Genuensium onerarias, varia merce onustas, inter Rhodum & Cyprum repertas, modicoque negotio captas, Venetias celeriter misit. Inde inter Tyrum, & Ptolemaidem, Phœniciaë vrbes, classes congressæ, acerrima pugna, ancipitique prælio, est aliquandiu pugnatum. Sed Venetus superior, quinque hostium naues, ex duo de triginta, quæ vsque ad internitionem dimicare statuerat, cepit. Quare his rebus toto supero, inferoq; mari, contra Ligures feliciter gestis, domum Rep. ex animi sententia stabilita renocatus, tanquã in triumphum duxit. Verum cum inter pugnacissimos Imp. vnicus propè excellere, videretur, paucis post annis, nouum in Cisalpina Gallia oritur bellum, exorta enim inter Venetos, & Bononienses, qui bonam Flaminiaë partem obsidebant, de finibus discordia, Gradonicus cum sex & viginti nauibus, ad hoc ipsum instructis mittitur, qui cum omnia cuncta prostrauisset,

eos tandem debellauit, pauloque post Anconitanos,
qui legi de portorijs à Venetis latæ fraudem facere,
sapissimè fuerant conati, ingenti occisione fudit fuga
uitque, legem enim tulerant Veneti, vt omnes qui
intra Phanaticum sinum, et Padi fluminis ostia, ne
gotiorum causa nauigarent, vectigal Reip. pende-
rent. Plerique etiam fortissimi viri, clari in ea ex-
peditione fuere, alij alio tempore, legati nomine mis-
si, quorum opera eximia, in rebus gerendis potissi-
mum extitit. non animosè enim solum & fortiter,
sed consideratè etiam, sapienterque Rempub. gesse-
re. hi fuerunt M. Baduarius, nouem triremium
præfectus, cui Panchratius Barbus, successor est
datus, transactoque pari termino, Iacobus Dandu-
lus mittitur, qui cum Gradonico, Lanfracum Bor-
bonium antea oppresserat. fuitq; ob hæc in patriam
merita, Procuratoria dignitate donatus. hunc exci-
pit Ioannes Teupulus, postea Gerardus Longus,
quem Andreas Zenus, & ipse, ob strenuam naua-
tam operam, Procurator à patribus declaratus se-
quitur. huic Andreas Canalis successit, quo reuer-
so, Panchratius Maripetrus, prouinciam sumpsit;
eamque cum Io. Mauroceno, aliquandiu pruden-
tissimè rexit, atque simul cum Marco Gradonico,

qui toto belli tempore, Imperatoris munere, praecla-
rissime fungebatur, totum negotium est confectum.
Sed Gradonicus insigni hac victoria clarus, in pa-
triam reuersus, magnis laboribus fractus, diem o-
bijt; Petro filio, gloriae & fortunarum haerede re-
licto, qui magistratibus plurimis prudentissime, at-
que innocentissime functus, Procurator demum, in
locum Superantij Principis suffectus moritur.

ANDREAE BASILII
Elogium.

ANNO ni fallor, alter ab undecimo tunc
agebatur; ex quo perniciosissimum illud bellum,
inter Venetos & Genuenses, fuerat ligurum perfidi-
a obortum; quando Gregorij Pont. Max. opera,
sublatis de medio armis, quinquennales induciae,
languentibus partium animis, quos cum periculo-
rum, tum etiam laborum varietas plurimum frege-
rat, hinc inde sunt pactae. neque enim eorum ani-
mi, ad diuturnam pacem, inclinari iam posse vide-
bantur. Sed ne Venetis, terra marique diutius fati-
gatis, vacatio ab armis, interdum daretur, nouum
atque penè incredibile, nascitur incommodum. In-

stino-

stinopolitani namque, qui in Venetorum fidem, tan-
 diu quieuerant, sollicitati à Raimundo Tarriano,
 factioso alioqui homine, qui Nouocomensem antea
 Episcopatum gerebat, moxque Gregorij eius nomi-
 nis XII. Pont. Max. iudicio, Aquileiensis
 Antistes declaratus, animos ad defectionem parat,
 quibus cum Aquileiensis obnixè, nimiumque fa-
 ueret, subito signa inuertunt. non tulit hoc æquo a-
 nimo, Ioannes Dandulus, Senatus Princeps, nam
 præterquam quod, multa in ciuitate moliri, præcla-
 rè studebat, primusque auream monetam cudi ius-
 sit, atque hæreticorum bona, sub hasta vendi, Pon-
 tificis auctoritate, lege perpetuò sanxit, audita quo-
 que tam ingratæ Ciuitatis defectione, statim An-
 dream Basilium, Ioannis Procuratoris filium, ad
 eum locum recipiendum, classe omnibus rebus para-
 tissima mittit. fuit is gente Patritia, à Basilio Con-
 stantinopolitano Imperatore, originem ducens; qui
 cum difficillimam hanc prouinciam, intrepidè susce-
 pisset, optimeque sciret, uerum decus in uirtute posi-
 tum esse, quæ maxime etiam illustratur, magnis in-
 patriam meritis, non solum honestam mortem fu-
 giendam, sed ultro etiam, pro ciuibus, coniuge, filiis
 & libertate, rerum omnium charissima appeten-
 dam,

dam, pulchrū atque decorum existimauit. Quare conscriptis nautis, datisque stipendijs, & classe ex omni parte extructa, non aduerso vsus vento, altero die, Iustinopolim affuit. Tertia pars eorum, qui tunc fuerant in ciuitate, viribus & etate potentes, Senatus edicto, classem conscendit. Infederant oppidani, denso armatorum agmine littus, ad nostrorum accessus resistendum parati. Sed nec Venetus fuit in otio, quippè proras ad littora vertens, sociosque pro temporis ratione allocutus, ad bellum hortatur. est eò loci, diu atque acriter dimicatum, Venetis è suis triremibus egredientibus, contra vero Iustinopolitanis prohibentibus, atque ad naues interdum occurrentibus. Veneti tandem triremibus egressi, positisque loco idoneo castris, hostem bello premere cœperunt, eumque aliquantū submo- uentes, castris fermè exuerunt, quos inconsultus pa- nor, fugam compescere compellebat. diremit præ- lium cæca nox, & Lunæ silentium. postero die Ba- silius cum insomnem noctem exegisset, pugnam inire ardentissimè cupiens, machinis bellicis nō pau- cis paratis, urbem circumquaque aggreditur; resi- stentibus acriter oppidanis. Venetus cum multa cæde, vel ob id quòd aduersum solem, intueri non po-

terat, est reiectus. Sed inualescētibus demū animis,
ferro, igne, & machinis, ciuitatē duriore quā an-
tea obsidione cingunt. Nihil prættermisit Dux egre-
gius, ob studium rei benè gerendæ, quod bello vsui
fore arbitraretur. Iustinopolitani interim, quoniā
vires longioris belli spatio affectas, Goritiani-
que Comitis nepotem, virum non impigrum, in acie ce-
cidisse cernebant, obstinatius resistere veriti, ne
quid crudelius experirentur, (crescebat namque
in dies singulos Venetorum numerus) se urbemq;
dediderunt, petuntque in Ciuitate qui præsit, ur-
bemque in officio contineat. quo facto, illius ditio-
nis oppida, quæ defectionem fuerant secuta, & in
his Tergestum, Romanorum olim colonia, quæ ab
Henrico Dandulo, Ciuitatis Principe, antea bello
domita, tributum quotannis pēdebat, nullo amplius
expectato belli euentu, arma deposuere. Iesulani
uerò & Piranenses, qui etiam defecerant, ad Ve-
netos rediere. Aderant tunc in castris, pa-
tritij viri, Marinus Maurocenus, Beceda cogno-
mento dictus, terrestrium copiarum ductor. M.
Cornelius. Marinus Maurus. Thomas Quirinus.
& Peratius Gradonicus, qui Procuratoriam po-
stea dignitatem, honorificè est adeptus. hi legatorū
nomi

nomine à Senatu, ad Aquileiensem Antislitem
 confecto bello, sunt profecti, pacemque inter eum,
 & Venetos, æquissimis utrinque conditionibus fir-
 marunt. Victoria parta de Istris, secundo postquã
 pugnare cum eis, inceptum fuerat anno, Basilius,
 relicto validissimo ad urbem præsidio, in patriam
 triumphans reuertitur. Patres vero, Iustinopolita-
 num prætorem, Rogerium Maurocenum, tunc pri-
 mò delegerunt.

ROGERII MAUROCENI
 Elogium.

NON possum non vehementer, Christianam
 calamitatem, hoc in loco deplorare, simulque Ge-
 nuensium plusquam ferinos animos detestari: nam
 cum Sulthani Aegyptij Imp. nefandi hominis fero-
 ciam, qui Christianum nomen, ex Syria postea su-
 stulit, auxiliari Venetorum classe, procul ab ea re-
 gione arcere, modico quidem negotio potuissent, vi-
 res omnes suas, & nervos in Venetos, tam bene opti-
 meque de Christiana pietate meritos concitarunt;
 eorumque otium & quietem, omni voluptatis gene-
 re gratiorem, alienissimo Reipublicæ Christianæ

tem-

tempore, sædantes euerterunt; atque de legitima
sua maris possessione deicere, validissima classe
tentarunt. his enim tantum inerat audaciæ, ut to-
tius maris Imperium, tamquam sibi debitum, asse-
rere niterentur, neque belli causas quærere, neque id
iustè indicere solebant. sed id duntaxat putabant le-
gitimum, quod sæua eorum in Venetos libido iussis-
set. Enimuero inter hos populos, æmulatione Impè-
rii atque virtutis, discordiæ iampridem exortæ, ma-
nifestè nūc gliscere cœperūt. ad quorū impetus repri-
mēdos, Rogerius Maurocenus mittitur, qui Iustino-
politana Prætura, integrè innocētissimeq; nuper e-
rat functus, quique ex ea familia dignus censetur,
ex qua Andreas Pannoniæ Rex, ortus natalesque
maternos habuerit. erat huius viri excellens belli,
paciisque tempore virtus, qui parata classe, acce-
ptoque ab Episcopo, more maiorum militari vexil-
lo, ligustica classe nusquam reperta, trigesima post-
quam oram soluerat luce, Byzantium affuit, subi-
toque Perinthum, Genuensium coloniam, non igno-
bilem quoddam urbem aggreditur, Liguribus à Mi-
chaele Paleologo Imperatore, oblatum ei contra
Venetos auxilium, dono datam, habet hæc peninsu-
læ formam, estque duobus fermè stadijs, à Constan-

tinopoli dirempta; quæ in longum ad stadia aliquot
protecta, circa medium deuexa, cornibusq; hinc inde
paululum reductis, theatralem formam videtur ex
primeret. locus ad conuehendas merces, ultro citroq;
peropportunus, utrique populo portum efficiens,
quam olim Galathæ populi incolebant. ad quos D.
Paulus fidei nostræ, heros magnanimus literas de
dit. Peram nunc à breui traiectu, græca voce di
ctam, Sabellicus scriptor grauissimus testatur, Iu
daicæ nostræ Venetæ, speciem quandam exhibere,
Antonius Ericius, qui Præturam, magna nominis
celebritate Byzantiæ egit, sæpius me per literas mo
nuit. hunc locum Maurocenus dissipat, & adæ
quat, ut ne loci quidem vestigium ullum extiterit,
ne ligures dirupta ædificia, restituere aliquando co
narentur. Inde remenso Hellesponto, per Pamphy
lium mare, Phocæam Ioniæ urbem deuenit, Mica
li oppositam, Phocensium Græcorum olim coloniã,
propè Aurei Hermi fluminis ostium, qui Æoliã
ab Ionia diuidit, Folia Vetera, recentiores appellat,
Genuensium ditionis; urbem ipsam vallo fossaq;ue
munitam, Venetus telis, tormentis, machinis oppu
gnans, primipilos, ac præfectos sæpius obtestans, ar
ma capiant, hostem ulciscantur, hostiumque locum

127
omnino deleant . Oppidani muris clausi , cū se ni-
hilo segnius tutarentur , essetq̃ue anceps alea mar-
tis , Rogerius militaris scientiæ capax ; cū armis ,
apertaq̃ue vi capere haud posse cerneret , formida-
retq̃ue auxilia hostibus aliqua ex parte , breui ad-
fesse , cuniculis suffodere , tam vastis specubus in-
sistit , ut vrbs fermè tota pensilis esset , ruituraq̃ue mox
videretur . Quare ligures perspecto aperto periculo ,
se dediderunt , pacti prius ut emigrarent ; neque id
difficilè obtinuit ligur ; nam de gloria tantum , vir-
tute duce , à Venetis est cū his dimicatum . Mau-
roceus habita vrbe , nihil habuit potius , quàm eam
in hostium inuidiam euertere , igniq̃ue consumere :
sicq̃ue clariss. olim oppidum , incendijs & ruinis in-
terijt . Paleologus tū & Genuenses , cum posse iā
Venetis armis resistere diffiderent , Turcas imma-
niss. Christiani nominis hostes , tunc primum , in
Europam traduxere , qui Regem tamen summūve
Imperatorem non habuere ; nam diuisi per Tetrar-
chas & Regulos , cum imbellibus populis , Constanti-
nopolitanisque Imperatoribus , suo arbitrio , bella ge-
rere consueuerunt . Mox Rogerius in patriam re-
uersus , nihil non semper egit , quod è Rep. fore vide-
retur . quo animo & consilio tandiu vixit , quoad
præ-

110
præclarissimis honoribus optimè functus, ad eum lo-
cum euolarit, ad quem, optimo cuique facillimos adi-
tus patere, nemo bonus, unquam dubitauit.

IOANNIS SUPERANTII
Elogium.

IOANNES ex nobilissima Superantio-
rum familia natus, ac per omnes dignitatis gradus,
ad Ducatus apicem euectus, maiorem nominis sui
famam, ex maximis in Remp. meritis collatis, po-
steris relinquere, animosè ac viriliter contendit. et
quùm nihil ex rebus humanis præclarius, aut præ-
stantius esse arbitraretur, quàm de Repub. & pa-
tria bene mereri, pro breuiori vitæ spatio, diutur-
nam nominis, & famæ memoriam, sibi parare
studuit. quippe cùm Patauios, intra suos fines
stare coegisset, moxq; Ferrariam, ad Eridanum
sitam, à Frisco Estense, quem AZZON, ex An-
cilla domestica, furtiuo congressu suscepit, Ve-
netis ex pacto concessam, probè administrasset, de-
mum aduersus Ligures, Veneti splendoris, ho-
stes non vulgares, à Senatu, quinque & viginti
triremibus instructissimis, inclinante vere missus,
non

non paruum de victoria triumphum retulisse est
 visus. Nam cum multa incommoda Genuensibus
 intulisset, illud memorabile præter alia videtur,
 quod longa quidem atque difficili admodum navi-
 gatione, per Hellespontum, Bosphorum Thra-
 cium, Propontidem, Euxinumque pontum usus,
 Theodosiam hodie Capham, Tauricæ Chersonesi
 urbem, tunc Genuensium Coloniam, soli fertili-
 rate præstantem, aerisque clementia saluberrimam,
 ac portum vel centenis nauibus accommodum, ma-
 gna militum vi oppugnat; sinum commeatibus
 peruium præcludit, ne quis urbi aditus pateat, vin-
 eas adegit, nullum machinarum genus est præter-
 missum. Urbs eodem ferme die, quo ad eam vene-
 re, imperante Superantio viro fortissimo, oppugna-
 ri est cœpta. Sed oppidani cum nullo præsidij gene-
 re, in urbe carerent, forti animo resistunt, pro moe-
 nibus pugnant, fossa procul Venetos prohibent, ne-
 que commeatibus, neque alijs, ad belli usum neces-
 sarijs diffidunt. Contra Veneti vincere assueti, ur-
 bem omni ex parte innadunt, cædes hinc inde ma-
 xima oritur; non interdiu, non noctu, quies daba-
 tur. alij alijs in orbem succedebant. Superantius
 cuius

cuius illustris fama, nullo ævo conscenescet, in prima acie, in hostes ferebatur: igneque missili, nonnulla urbis tecta incendit, eaque via, insanam quandam Genuensibus trepidationem iniecit: demum ferro, audacia, viribus, & animi obstinatione, Venetos perrumpit, urbeque posita, amotis Genuensium signis, Martiana vexilla in arce collocat. usus est in ea victoria Superantius, magno ferociæ, humanitatisque temperamento, humanitate enim plenus, in paucos sævit, & eos tantum qui acrius pugnarant: quos autem belli calamitas reliquos fecerat, armis spoliatos dimisit; suis verò ingentem prædam, pro dignitate donat, auitam patriæ & familiæ munificentiam, ac liberalitatem in primis secutus. Indè discedens Venetus, versus Meotidem paludem, ad Propontidem, & Cymmerium Bosphorum nauigans, coactus est in ea Septentrionali plaga, tunc hybernare. ob idque milites, in eo cœli tractu parum assueti, grauissima incommoda, ob glaciale locum sunt perpeSSI. Sed mox. ut ei per cœlum licuit, Venetias classem vexit. noster .n. exercitus, & si prælijs usus erat secundis, tamen nimia longinquitate locorum, ac patriæ desiderio commouebatur. nec multò post cum aliquantum ex ea prouincia,

cia, & Imperio, laudis fuisset adeptus; Marino Contareno Procuratorij ordinis viro, vita functo, cunctis ordinibus acclamantibus successit. cumq; septennium munus illud, fide opt. constantia, & dignitate obijisset, in locum Marini Georgij, Ducis defuncti, qui ob vitæ integritatem, atque innocentiam, Sancti cognomen est adeptus, fuit successus. quàm verò moderatè ac sapienter, in supremo illo Ciuitatis gradu se gesserit, quamq; iustè Remp. consilij & prudentiæ maturitate rexerit, illud manifestè declarat, quòd amplissimum, ac penè etiam dixerim, omnibus formidabile, Decemvirale collegium, semper tamen Reip. salutare, iam inde à Petro Gradonico Principe, ob quandam ciuilis discordiæ flammā, bimestre excogitatum, quod tūm Ciuitati ita conducere videretur, mox ob multa Ciuitatis commoda, annuum, ac deinde perpetuū, bonorum præsertim approbatione, prudenti consilio sanxit. & ne aliqua ex parte, Ciuitati & patriæ, deesse vnquam videretur, Salinum caput, sic à publici salis conclauius dictum, extrui iussit. locus ille naualis rostri, speciem exhibere videtur. huc onerariæ naues, ac nauigia omnia, peregrè appulsa, vt publicanorum oculis subiciant, neque vectigali-

bus, fraus aliqua fiat accedunt, mercesque in portum exonerant. & inde postea exportantur, et ad priuata loca importantur. Douanam hodie appellamus. Nauale quoque eiusdem Principis opera, maxima ex parte auctum constat. hic præterea Procuratoriam maiestatem ampliavit & auxit; ob idque triplex eorum magistratus, primò in vrbe institutus, quorum supremus, sacris Martianæ ædis The-sauris præest, alter citra Riuumaltum, tertius verò ultra, defunctorum legata procurat. Interim moritur. Superantius, vir pacis bellique artibus, & in primis clementia longè clarissimus, cum urbem pacatissimam, ac rebus omnibus abundantissimam, posteris tamquam per manus traditam reliquisset. atque in ædícula, aureæ Martianæ ædi adiacente, quæ Ioanni Christi præuio, & innocentibus pueris est dicata, sepulture traditur.

CAROLI ET ANDRÆE DANDULI Elogium.

NESCIO certè, quonam aduerso, infeliciſſimoque Reip. fato id acciderit, ut qui iustissimè, pro liberis, pro coniugibus, pro libertate denique ip-

sa, qua nihil censetur Diuinius, arma sumpserant, iniquo belli euentu succumbere, & labefactari penè viderentur. neque verò id Ducum inscitia factum certè scimus, sed aduersante potius, rerum humanarum domina fortuna, quæ in attollendo, opprimendoque varia semper est habita. quum itaque non modo fracto, demissoque animo, fuisset ligur, ob asperam in Ponto cladem, à Venetis iusto prælio acceptam, sed multò etiam ferocior, de more suo effectus, Lampadio Aurio, duodenonaginta nauium, ut scriptores grauißimi tradunt, Imperium decernunt, ut huiusmodi initariam quoquomodo vlcisceretur. Contra Veneti nihil cunctandum rati, in tanto belli apparatu, Carolum & Andream Dandulos, viros bellica virtute claros, aduersus instructissimam hostium classem, Duces præficiunt. qui statim stipendijs militi datis (neque enim exauctorati nautæ erant, qui Superantia signa, auspicate fuerant secuti, præter paucissimos quosdam causarios milites, qui militari sacramento, fuerant pauloantè soluti) paratisque omnibus, ad belli præsertim usum necessarijs, in altum veniunt, cumque hostem diu, nusquam vidißent, ac de reuersione, iam cogitare inciperent, naues quasdam ligusticas, orien-

tali merce onustas, Siciliam versus nauigantes, pro-
 cul alto mari conspectas insequuntur, easque tandem
 interceptas, nullo negotio superant, nautis ad vnum
 interfectis, naues deinde Venetus, in Dalmatiam
 secum abducit, spolia quæ legit, militibus æquissi-
 mē distribuit. nec multò post, cum alia non pauca
 hostium nauigia, quæ totā Illyrici oram infestam
 habebant, Danduli reperissent, omnia ad cæterorū
 formidinem, aquis demerserunt. Lætus Venetus,
 ad Corcyram nigram, in portum, infausto omine,
 fatis ita trahentibus, se recepit, cum triremibus
 quinquaginta, quibus Andreas Dandulus, insana
 febre correptus præerat. Carolus verò qui pluri-
 mūm formidabat, ne si vno loco, classis tota ma-
 neret, rei frumentariæ angustijs premeretur, refe-
 cto milite, cum sex & quadraginta triremibus,
 quas ipse duc̃tabat, indē oram soluens, atque hostiū
 latebras diligentissimē perquirens, superum infe-
 rumque mare felici nauigatione circuibat; nec per-
 sequi prædones, purgareque latrocinij infesta loca,
 & latebras excutere cessabat: demum à Celoce
 Rhodio nauigio certior factus, decem Genuensium
 triremes, Hydruntum versus nauigasse (est id op-
 pidum magnæ Græciæ, iuxta Ionium mare) in-
 genti

genti cupiditate hostes infectatur, nullamque bene gerendi occasionem, prætermittere cupiens, Apuliam versus, rostra vertit. Sed vana spe lusus, cum inde vellet discedere, reflatu aliquandiu fuit iactatus, per Aegæum tandem, ad Leucadis promontorium, quod Nerithos olim, hodie Sancta Maura dicitur, fractis ob diurnam pelagi tempestatem, & ventorum vim asperam, iam viribus deuenit; ibique diutius permanere est coactus, donec triremes, quæ compagibus laterum laxis, mergi penè videbatur, in terram subductæ, denuo reficerentur. Ligur occasionem rei bene gerendæ nactus, quod probè sciret, classem in duas parteis esse diuisam (quæ res eum quoque aliquanto audaciorem fecit. quippè Genuensibus mos erat, hostem prius arte, quàm armis oppugnare) è Sicilia soluens, in Apuliam primò, mox foelici admodum cursu, Illyricum ultro citroque perlegens, Venetum tandem, noctu dormientem reperit, hostiumque aduentum, minimè eo tempore expectantem, ac nauium numero multò inferiore. quo audito Dandulus, qui feбри adhuc, non mediocriter laborabat, è lecto vix agrè reuulsus, atque inopinato euentu conterritus, raptim scuto & gladio assumptis, cætera inermis, ad arma conclamat, tu-

bas canere iubet, milites ac Duces hortatur, ut confestim arma capiant, ad ferocissimi hostis impetum (si id fieri posset maxime) reprimendum, neque enim terga vertere, neque pugnam detrectare licebat. Quare Dux in primam aciem (neque enim prudentia illi, aut fortitudo deerat) sua triremi consistens, atque inter confertissimos hostes, socijs se ostendens, magna voce, suos hortabatur. qui tum his verbis, tum etiam Ducis præsentia, vehementer accensi, atque commoti, hostem incredibili alacritate feriunt; concitatissimis animis, prælium aliquantisper geritur. Quippè Venetorum animi, usque adeo fuerant succensi, ut nihil victoria, et Reip. propugnatione, ducerent antiquius, nihilque si iniqua fata uoluissent, gloriosa morte, præstantius reputarent. Sed quum multa in eo armorum conflictu, miserranda conspicerentur, nullum tamen tristius, aut miseratione maiore, dignius spectaculum, quam Dandulvis ipse cernebatur, qui aduersante præsertim morbo, incommoda multa, tollerare cogebatur. nam & ea quoque perferebat quæ ne robustissimis quidem corporibus, milites poterant tollerare. neque verò ille, tam sui causa mouebatur, quam cladis, ignominiaque suæ classi imminentis; quam

quam ipse incolumem, in patriam reducere, facile posse sperabat: pugnatum est per aliquot horas acriter, dubiaq; victoria; tandem summo conatu, irruentibus undique hostibus, Veneti in fugam sunt conuersi; ad extremum verò Veneti, hostium multitudine pressi, passim cadere coeperunt, paucissimi fugiendo euasere: naues ferè omnes, cum Andrea Dandulo Duce, grauius in fronte & petore vulnerato, captæ remanserunt. Capta tunc ad quatuor millia Venetorum constat, Dandulum victum, ad ludibrium, satietatemque, Ligusticæ superbiæ, Lampadius victor seruauerat, ut de viro summæ virtutis clarissimo, deformè spectaculum ederetur. cum tamen diu in quæstione, indignis iniurijs habitum, atrocissimisque supplicijs, acerbissimè tortum se videret, ut tacita patriæ consilia detegeret, grauißimo animi mœrore, ad lætalia vulnera, ab hoste accepta addito, antequam Genuam perueniret, indigna morte periit. pars est fortitudinis, cum ab hoste vincaris, liberum animum seruare atque integrum. Sed scio non deesse scriptores, qui hac in re, tanquam aliud agentes, Dandulum classis Imp. aliter vitam finisse affirmare conantur, atque eiusmodi fuisse, Danduli

150
duli exitum demonstrare contendunt . qui ubi
se in triumphum seruari conspexit , declinandæ
tantæ ignominie causa , caput aduersæ naui , tan-
diu illidit , quoad animam exhalaret . quod vix
credi posse arbitror , facile namque sperare pote-
rat , in patriam , iure postliminii reuerti , facta
præsertim captiuorum nobilium , qui Venetijs pu-
blicè custodiebantur permutatione . cur enim mor-
tem sibi conscisceret , causa non videbatur , cur ta-
men vitam optaret multæ . Interim Carolus , au-
dita suorum clade , non modo perterritus , sed e-
tiam alacrior , ad rem fortiter peragendam fa-
ctus , consilium de inuadendo hoste , iampridem
iniisset , nisi subita Senatus denunciatione , Vene-
tias reuerti , fuisset coactus . qui tamen quoad vi-
xit magistratibus multis est optimè functus .

BELLETI IVSTINIANI.

Elogium .

MVTV AVERANT Veneti antea Paleolo-
go , ingentē auri vim liberalissimè , eiq; suppetias ani-
mose tulerant , eo præsertim tempore , quo bellum
quinquennale , aduersus Ioannem Cantacuzenum ,
aliosque

aliosque suæ felicitatis æmulos mouerat, quorum
 calliditate & fraude, nuper in exilium fuerat tru-
 sus. illud tamen iustissimum debitum, cum repe-
 tere Venetus, atque iure quodam suo, vellet exi-
 gere, Paleologus homo ingratiſſimus (patet hoc
 malum tam latè, tamq; faciliè in hominum gene-
 re) dissimulans Græcanico quodam astu, ingens
 illud æs alienum, iamdiu constatum, non esse sol-
 uendo, legatos ad id præcipuè, Byzantium missos,
 blandis alloquutionibus in dies trahebat, nam per-
 inde vt solutus, omnia iuris pacta, pudoris & of-
 ficij perfregit, præcepsq; in omnem licentiam abie-
 rat, honesta simul atque inhonesta, & humana
 pariter ac Diuina, sibi quæstui, prædæque esse
 constituit. At Veneti iniuriæ impatientes, ad eam
 rem vindicandam, continuò classem decernunt. est
 id negotij Belleto Iustiniano, viro militaris scien-
 tiæ, gloria insignito, & multarum rerum usu,
 præcipuè claro, à Patribus demandatum, simul
 vt Græcorum perfidiam coerceat, simul etiam
 vt maria, à prædonibus & pyratibus defendat. Hic
 maioribus persimilis, cui ingens etiam, animi in-
 erat magnitudo, indefatigabilis laborum tollerantia,
 exactissima rei bellicæ disciplina, consilij alti-
 tudo

40
tudo summa, haud inscius cum quanto, quamque
vasro hoste, res sibi foret, habere delectum, mi-
lites cogere, nihil studij & diligentiae prætermi-
tere, ardentissimeque omnia sollicitare coepit, ve
gravius hosti, negotium exhiberet. milites contra
etsi ita acceptæ cladis, pudore perciti videban-
tur, Venetæ tamen virtutis & fortitudinis non
immemores, nihil vehementius optabant, quàm
cum hoste congredi, suos animos ita obfirmant,
Belleti Iust. Imperatoris fortissimi hortatu, ut mo-
ri, quàm cedere malint. quæ res alacritatem Im-
peratoris attulit, & Reip. defendendæ, & spem
recuperandæ dignitatis. hoc bellico apparatu, oram
soluit, atque irrequieta velificatione, Corcyram ve-
nit, mox supplementis, ex Eubœa & Creta acce-
ptis, septem & viginti triremes, instructissimas
habuit: quæ cum valida Græcorum classe congres-
se, eam dissipat, atque totam ferè, in suam pote-
statem, cum remigum turmis, socijsque nauali-
bus redigit, laqueo cunctis suffocatis. indè ad po-
pulationem conuersi, omnia Imperij loca, igni fer-
roq; vastant, cuncta diripiunt, cædibus omnia com-
plent, vrbes diruunt, incensa oppida cum vicis;
quo pacto, perpetua ruinæ, ac incendiij monumen-

ta reliquere. perterritus hostis, pecuniam quam debebat primò reddidit, mox pacem supplex ac humilis, à Venetis tandem impetrauit. Iustinianus victor, cum quindecim captiuorum millibus, multisque triremibus, latus domum redijt. maximo omnium ordinum gaudio exceptus, ob insignem victoriam, nullo suorum incommodo partam, ex hoste, qui fidem, qui ius, fasque violauerat. mansit. Iustinianus aliquandiu Venetijs, in purpura assidue, ad Reip. clauum conspicuus, neque enim ab eo munere abduci, ullo vnquam tempore potuit, nec ullo casu constantissimus alioqui vir, vllam officij intermissionem, fieri à se patiebatur; sed ea quæ è Rep. esse videbantur, vel prouisa prudenter, vel acta constanter, tueri atque fouere, summo animi ardore studebat. nam præter Ferrariensem motum, qui eo tempore accidit, publica etiam libertas, à nonnullis est frustra tentata. quæ res fuit in causa, vt Iadrenses, Michaelē Mauroceno, vrbis comite, foede expulso, sextam deditionem patrare sint ausi. hanc rei indignitatem, non tulerunt Patres, sed ad eam urbem in fidem recipiendam, Belletus Iust. mittitur, publico edicto, quo nemo fuerat tum in ciuitate, ad illud negotium ob-
eundum,

eundum , atque munus conficiendum aptior , nemo prudentior ; à quo cùm maturè , omnia necessaria , non minus armis quàm ordine fuissent parata , in Dalmatiam venit , atque apud Iaderam , copijs eductis , suburbana loca incendit , dein ad Civitatem , bellicis machinis non paucis , arte & studio admotis , vrbs oppugnari est cœpta . fuissentq; Veneti facile victoria potiti , nisi Dalmasii Hispani generis hominis , perfidia plusquam Punica fuisset , qui cùm equitatui , Patrū decreto præesset , duobus aureorum millibus , clàm ab hoste acceptis , subitam ad hostes deditionem fecit . perculit ea res , non parum Venetorum animos , eosque penitus fregisset , nisi Iust . animosè , ac fortiter , eos fuisset adhortatus , quasi ipse mandasset . cuius verbis spe illata militibus , ac reintegrato animo , cum pro se quisque , in conspectu Imperatoris , in extremis etiam rebus , operam navare cuperet , hostium impetum , ardoremque restinxit . Cæterum quamquam ab oppugnatione est cessatum , obsidio tamè , per totam fere æstatem continuata , oppidanos ad deditionem compulit . quibus in fidem perhumanè , ac perbenignè acceptis , Vitalem Michaelèm vrbis Comitem , Senatus decreto , postmodum habuere .

Indè

Indè Venetus, soluens vt optimè de omnibus meritis esse videretur, militibus munera, dari iussit, postea per Illyricum classẽ ductans, Aenoneses, Spalatinos, Tragurinos, Siccenses, aliaque opida, in amicitiam denuò recipit. mox rebus omnibus in Dalmatia pacatis, victricem classẽ, in patriam reduxit, in qua quod reliquum habuit vitæ, lucisq; usuræ, honestissimè consumpsit.

IVSTINIANI EIVSDEM

cognominis, Elogium.

IVSTINIANA familia, omnium optimarum rerum alumna, foecundissimumque virorum fortium domicilium, sic præcipuo incredibiliq; studio, me excitat, atque inflamat, vt nulla in re iucundius, quàm in suis rebus versari me putem. nec quicquam est mihi præstantius, quàm cum in commemoratione earum rerum, quas ipsi fortiter gesserunt, quæque ad posteros, tanquam per manus emanasse videntur, assiduè versor. vixque dici potest, quàm responderit, non solū meæ, sed bonorum etiam omnium expectationi, familie nobilissimæ splendor & decus, in qua ea certè re-
rum

rum ornamenta apparent, quæ multò quidem maiora sunt, quam priuata domus capere possit. Quare Iust. Dux longè post homines natos fortissimus, qui à familiæ nomine, auspicate nomen sortitus, summis honoribus functus, in hisq; summa cum laudè, ac virtutis opinione, multum ac diu versatus, memorabile posteris exemplum reliquit, primò vnamque, omnium uotis classis Imp. designatus, Rempub. capescere uoluit, atque in ea administranda, multam magnamque curam adhibuit, cui deesse quoad vita suppetat, cum turpe alijs, tum sibi nephas esse putabat. In primisque Diuinam opem implorauit, qua nullam maius præsidium potest optari. demum Imperatoris simul ac militis officia exhibens, arma, munitiones, & tormenta parat, certatimque ac sollicitè curat omnia, ciuibus animum auget, milites ad gloriosum bellum hortatur. Sed quanto formidolosior hostibus, tanto suis charior fuerat. armatis itaque omni cura, atque industria, contra Ligurem, triremibus quatuordecim, ipsisque feliciter in altum e ductis, viciatim quidem & oppidatim, incendijs ac ruinæ monumenta fecit, terrificoque impetu, vnde decim hostium triremes insectabatur, quas ad non-

nulla

nulla Venetorum emporia populanda, accessisse in-
 certus quidam rumor, imperitusque sermo, in om-
 nium ore increbuerat. quum tamen id falsum esse,
 manifestè constaret. ventumque esset in Ponticum
 usque mare; ad Caphatam urbem, quam Theodo-
 siam appellari alibi diximus, classem admovit,
 multis undique tormentis urbi apposis. Quare
 Genuenses, qui urbem incolebant, ne iterum Ve-
 neta arma, quæ sub Ioannis Superantij, ductu &
 auspicijs, durissimè fuerant experti, nunc denno
 grauiora sentirent, in maius ve aliquod discrimen
 inciderent, in pacem deueniunt, neque verò
 urbem illam, ob loci distantiam, Venetus tenere
 potuit. nam Ligur Græcorum armis constantissi-
 mè fretus, omnia loca, à Venetis direpta et incensa,
 celeri studio instaurabat. Iust. autem nullo præclaro
 facinore, tunc pro Patria edito, domum reuer-
 titur, nec multo post iterum bello præficitur, dan-
 turque ei, ex patrum decreto, triremes quadragin-
 ta, aduersus Genuenses, qui promissorum imme-
 mores, Venetis ad Tauricham Cherssoneßum, non
 mediocre negotium exhibebant. cum quibus Vene-
 tus prælium conferens, eos vicit; quatuor et quadra-
 ginta eorum triremibus, partim mari demersis.

K partim

partim cum nautis captis : neque enim fas esse domum redire arbitrabantur ; nisi victoria potiti , ne Veneta virtute indigni censerentur . Perennes qui & ipsi à Rogerio Mauroceno , fuerant paulo ante deleri , assumptis aliquantulum viribus , instauratisque mœnibus , sed qui longis etiam præliis , ac labore confecti , vires omnes iam pridem amiserant , veriti ne Venetus cumulatissimas ab eis penas exigeret , neque ad interitum , iterum redigerentur (viderant namque in se impetum fieri cœpisse , & sine discrimine obuios cædi) quicquid esset in eo belli apparatu , detrimenti acceptum , non resarcire modo , sed maioribus etiam adaugeri cumulis , ultro promiserunt : quibus conditionibus Venetorum animi , semper ad honesta omnia agenda propensi , ad pacem sunt conuersi . Indè Iustinianus discedens , antequam Venetias classem adduceret , nautis binos aureos Venetos , viritum distribui iussit , vt quæque summi Imperatoris officia , cum dignitate completeret . reuersus domum primis comitibus , Cretæ Insule , Ducario nomine præficitur , qui cum eam provinciam , sibi demandatam , in officio continere , plurimum ac vehementer niteretur , nihil impensius

sius quàm Patriæ commoda dignitatemq; , toto il-
 lo tempore curauit . & ut erat præsenti admodum
 ingenio , id etiam effecit , ut quem dignitate &
 gradu , maiorem haberent , eundem quoque urba-
 nitate atque clementia , minorem sæpius admira-
 rentur . Sed neque tantum operæ & studiij , ab eo
 tunc potuit adhiberi , quin aliquid etiam incommo-
 di (fortuna felicitatis nonerca , res prosperas tristi-
 bus sapiissime admiscente) pateretur . Si quidem
 Græcum ingenium ex usu suo , aut Veneto nomi-
 ni inimicum , aut etiam infidum , Cretenses ad no-
 uos motus excitandos impellunt ; quos tamen Iusti-
 nianus facillimè , consilio & prudentia compressit ,
 Insulamque virtute conseruatam , successorì paca-
 tissimam reddidit , sumpto prius de fontibus &
 proditoribus supplicio . Quare optimè summaque
 animi integritate atque innocentia , eo magistratu
 defuncto , vix ei Patria frui diutius licuit . Enim-
 uero Iustinianus vir in rebus bellicis semper exerci-
 tatus , ac in eisdem multum & sæpe versatus , con-
 tra Paganum Turrianum , Patauinum Antisti-
 tem , eundemque Aquileiensem Patriarcham mit-
 titur . qui Polam , Vallemque , Histriæ oppida , quæ
 dudum Veneta arma fuerant secuta , in & armis

140
auferre conabatur, fuitque bellum illud à Iust. non
minori celeritate, & felicitate confectum, quàm
cætera negotia omnia: ob has itaque res, præclare
ab eo pro Patria gestas, cum Dei Opt. Max. beni-
gnitate, & Iustiniani felicitate, Veneta res & glo-
ria, fuisset integra, Procuratoris munere, quod tunc
præsertim auctum fuisse constat, ingenti patrum
studio, ornari meruit. Mox verò, hoc ipsum e-
tiam affecta iam ætate, difficillimum omnium,
pro Patria gerere voluit. nam Patavium Scala-
nis eiectis, cum Marco Lauretano, & Andrea-
sio Mauroceno Procuratoribus, legatus mittitur,
ad eiusdem ciuitatis statum pacandum. ex ea lega-
tione reuersus, cum per quadriennium, innocentissi-
mè simul, atque sanctissimè Reip. præfuisse, in
suorum complexu felicissimè obiit. quem immor-
talitatem potius, quàm mortem assecutum non
ignoramus. Marco & Pancratio filijs, auita pater
naq; gloria claris, post se relictis.

MARCI IVSTINIANI.

Elogium.

QVAM læta felixque successio, feliciorq;
ob id nuncupata, quòd qui sunt inde secuti, tales
merito dici potuerunt. Enimuero Marcus, maio-
ribus

ribus suis, rerum gestarum gloria, et virtute par,
 patre vita functo, classis Imperator, omnium vo-
 tis, & acclamatione est dictus. quare primum
 urbem frumēti caritate, plurimum laborantem,
 suo consilio & opera, qua tunc præcipue, in Apu-
 lia Siciliaque est usus, lenauit. quò frumentatum
 cum onerarijs multis erat profectus. demum septi-
 ma Iadrensiū defectione, terrestrium copiarum
 Imperator missus, cum Andrea Mauroceno, &
 Simone Dandulo, terrestribus legatis, tunc pri-
 mum nouo decreto institutis, ingentem de Vngaris
 victoriam, contra Ludouicum eorum Regem, cum
 centum & viginti armatorum millibus, Iaderam
 sibi vendicare conantem reportauit. fusis enim su-
 gatisq; hostibus, Regem quoque, primò impetu in
 fugam conuertit, fuscum inde ad oppidum persequi
 tur, atque urbem toties rebellem, Veneta Iustitia
 naq; clementia, in fidem recipiens, oppidanis co-
 mes est datus. eo magistratu nondum perfunctus,
 D. Marci Procurator, in Marini Foscarenī demor-
 tui locum eligitur. mox Patrum decreto, cum An-
 drea Mauroceno, & Nicolao Gradonico, ad eun-
 dem Pannoniæ Regem missus, ab eoq; benignissi-
 mè exceptus, vsque adeo Remp. agere nouit, ut

in decem annos, cum eo induciis pepigerit. reuersus matūra ætate decessit.

PANCRAII IVSTINIANI

Elogium.

INCREDIBILE quidem est, quanta felicitate, quo rerum successu, quantaque animi solertia, in difficillimis quibusque negotijs obeundis; Iustiniani semper fuerint vsi. etenim non felici quadam temeritate, vt plerisque contigit, sed arte, ingenio, consilio, res omni memoria dignas gesse, & præcipuè Pancratius, qui optimis quidem Ducibus meritò, continuata veluti serie est adæquandus. nam rebus à patre antea, & fratre prosperè gestis, vehementer incensus, Iustinopolitana rebellione, maiorem quàm Marcus prouinciā sustinuit. In quo ea vis animi, atque ingenij fuit, vt omnia maxima, minimaque per se adiret, atque ageret, nec cogitaret modò, imperaretque, quæ in rem essent, sed pleraque ipse transigeret, nec in quemquam eorum grauius, seueriusq; quàm in se metipsum Imperium exercebat; parsimonia & vigiliis, atque labore, cum vltimis militum certabat; nec quicquam in exercitu suo præcipui, præter honorem, atque Imperium habebat. neque ve

rò terrestribus tantum copijs, sed maritimis etiam
fortiter præfuit: vnusq; cum vtrumque munus o-
bisset, arma armis propulsare contendens, eos in-
tra paucissimos dies, absque insigni aliqua sangui-
nis effusione, in fidem reuerti facillime coegit. nec
felicior in mari, quàm in terra pugna, Iust. Duce fuit.
nullo tamen de rebellibus supplicio sumpto, vt enim
in pugna strenuus, sic post victoriam, fuerat cle-
mens. his præclare gestis, Procuratorq; effectus,
fratris locum obtinuit, quo postea mortuo, Paulus
Lauretanus sufficitur. Hi duo Iustiniani, fortissimi
quoq; Imperatoris filii, celeberrimi & ipsi Duces,
non tam domesticis virtutibus, quibus magnopere
præstiterunt, quàm bellicis artibus, & rerum ge-
starum gloria, patri ac maioribus omnibus confer-
ri, compararique meritò possunt.

P E T R I Z E N I

Elogium.

QVVM Turcæ Asiatica olim Scythia o-
riundi, ab initio apud Asiæ Regulos, stipendia me-
riti, mox ad dominandum conuersi, vario successu,
Pontum, Cappadociamque traiecissent, atque per
finitimas regiones illapsi, frequentibus excursioni-
bus, tantum sibi postea virium comparaissent, vt

Galatia, Bythinia, Phrygia, ac vniuersa denique
minore Asia occupata; Helleſpontum etiam, cum
ſummo Chriſtiani nominis dedecore, & iactura ſu-
perarunt. poſtremò cum è Syria tandem eſſent eg-
greſſi, ex qua Chriſtianum nomen, paulo ante peni-
tus deleuerant, ad totius orbis Imperium, auidius
iam coeperant anhelare; factumque eſt vt nonnul-
lorum Principum ſoccordia, quorum lentè admodum
feſtinabant auxilia, Gennuenſiumque & Paleo-
logi Conſt. Imperatoris perfidia, cum Venetæ po-
tentiaè reſiſtere, non mediocriter diffiderent; ſen-
ſim per Europam irrepſerunt. quæ res cum iam ad
triarios videretur deducta, tantum terroris ſingu-
lis iniecit, vt Veneti omnium primi, ea de re, cum
Ioãne Põrtillius nominis xxij. literis ſapiſſimè, mox
nũtijs accuratius egerint, miſſi tunc fuere Philippus
Belegnus, Blaſius Zenus, & Marinus Mauroce-
nus. Conſtat & alios, pro tanto negotio, fruſtra in
Galliam miſſos, vt ſacrum foedus, cum ea gente,
contra Turcas, Maumethicamque ſuperſtitionem
inirent. Demum ceſſantibus omnibus, & inter-
dum etiam conuiuentibus, Veneti ſoli, quos religio
(quam ſic perditum iri egerrimè ferebāt) magno-
pere excitauit, paratis triremibus centum, que

rarijsque non paucis, ad commeatum, machinas,
 & alia ad id negotij conficiendum opportuna, bel-
 lum pro religione, aduersus impios, christianique no-
 minis hostes sempiternos, tunc primum auspicatè
 arma sumpsere. Petrus Zenus, vir cum in pericu-
 lis constans, tum etiam in prælijs fortissimus, indi-
 cendi gerendique belli gratia, Imperator decerni-
 tur, qui extremam vitæ aleam, ob publica com-
 moda, subire libentissimè, suumque eximium, &
 singulare in religionem, & patriam studium, pro-
 fitebatur, & præ se ferebat: neque apud eos tan-
 tum, qui tunc aderant, sed apud posteros etiam te-
 statum fore, maximè voluit. Enimvero sancta fe-
 licique expeditione, potius quàm bello, longè lateq;
 hostes infectatus, totam orientis oram, nauiganti-
 bus breui temporis spatio pacatissimam reliquit.
 multis etiam nauibus ab eis adeptis, omnibus ca-
 ptiuis, summo cruciatu, & supplicio affectis, cæte-
 ros infra suos fines, terminosque, extra quos non si-
 ne ingenti, maximoque labore, egredi possent,
 tunc stare coegit. re bene gesta, feliciter cum tota
 classe, domum reuertitur. quem Dux cum miris,
 pro concione laudibus extulisset, maximis etiam,
 & ampliss. magistratibus præfecit. quandoquidem

Zenus primus insigni virtute, quæ cum animo
 insideret, corporis quoque robur coniunctum habe-
 bat, Turcas bello vinci posse, suos docuit, primusq;
 de eis opima spolia, in patriam reportauit. quæ
 laus, cum maximo fortitudinis suæ splendore, nun-
 quam interibit. nec multo post interiecto tempore,
 distracta etiam aliorum Principum voluntate, Ve-
 neti classem contra Turcas, haud segnius parant,
 qui facta iterum eruptione maxima, maria om-
 nia, circa Rhodum, Cyprum, Cretamque, incursio-
 nibus & latrocinijis, superbè infestabant. Zenus
 adepti antea decoris, non immemor, classi præfici-
 tur. qui cùm animo forti, magnoque esset, ad ho-
 stium impetum, ferociamque propulsandam acces-
 sit, quorum postea ardorem, gnaviter restinxit.
 Namque per mediterranea hæc maria præterue-
 ctus, post incommoda multa, barbaris illata, Smyr-
 nam tandem Ioniæ urbem peruenit, Homeri va-
 tis alumnam à multis creditam, ab Henrico Con-
 tarenò, & Vitale Michaelè classis Imperatoribus,
 multò antea oppressam. hæc amoeno litore sita,
 amne Mylete effunditur, Apostolorum dogmate
 quondam celebris, quam Policarpus Christiani or-
 dinis, sectator præcipuus, & Episcopali dignitate
 cla-

clarus, fœlicissimè gubernauit. celebris est nunc tantummodo locus, ob laudatissimas vuas, indè in Italiam asportatas. Illud ipsum oppidum, Zenus in quo vis animi, consilijque altitudo vigeat, omnium generum machinis, propter fossæ latitudinē, murique altitudinem, multis defendentibus, ab aduersa vrbis parte, tunc ab oppidanis neglecta, quia & suapte natura, tutissima videbatur, & difficilimos aditus habebat, cuniculos agere instituit, resistentibus mox oppidanis, re infecta, ad alteram vrbis partem deuenit, vbi aperto Marte, urbem tandem viriliter expugnauit. Zenus in prima acie, semper in hostem ferebatur, & properans noctem diei coniungebat. oppidani capti, partim ferro, passim interempti, partim remo addicti, vrbs ipsa firmiore quàm antea præsidio est firmata. pugnatūq; est eò loci, tam sæpe, quàm feliciter contra Turcas, in quos Venetus grassari non destitit. Sed quū multas victorias Venetus fuisset adeptus, atque Deo Opt. Max. debitas gratias, prisco Ciuitatis instituto, non minus religiose, quàm piè, in æde non longè ab vrbe, quæ D. Ioanni Baptistæ fuerat erecta, referre supplex conaretur, atque Diuinis rebus propenso animo, operam daret, superuenientibus ex impro-

promisso barbaris, ad omnes fuerunt interfecti. mortem enim obire, quam sacra incepta relinquere maluerunt, tantum operæ & studij, apud nostros, obseruandæ religionis semper extitit. equidem omnia prospera sequentibus religionem, aduersa negligentibus eueniunt. perijt Zenus, tertio & quadragesimo ætatis suæ anno, promiscui sexus filijs decem, post se relictis, quos ex Agnetæ Dandula, matrona pudicissima, summo loco nata, antea susceperat. inter quos Carolus, & bellica virtute clarus, & Senatoria prudentia insignis, patriæ commoda, non mediocriter est tutatus.

MARCI RYZINII

Elogium.

FELICI quidem & fortunato Ciuitatis euentu, M. quoque Ruzinius, Remp. administravit, qui tertio ligustico bello, vel ob id à patribus suscepto, quod Genuenses, quacumq; vi & arte, Pontici maris cursum, Venetis intercludere conabantur, quinque & triginta nauium, Imp. effectus, incruentam de hoste victoriam reportauit. Siquidem cum damna multa, iniuste tamen, à ligure Venetis illata, legati sæpius, frustra que repetijssent, Senatus iussu, cautè in eos mouet; quàmplurimis quæque

que lectissimis viris prius euocatis, quorum animis:
maturè tentatis, extemplo productis in aciem co-
pys, memorabile bellum, tam præclare gessit, for-
titerq; confecit, ut palma, dum cum hoste manū cō-
sereret, nunquam dubia videretur. Enimuero per-
suasum multò antea habebant Veneti, nullo vnquā
incommodo, Imperium suum affici posse, Duce Ru-
zinio, immensa incomparabilique virtute prædito,
quem bello inuictum, pacisq; artibus, nulli secundū,
diu antea cognouissent. Erāt in Venetis triremibus
milites quāmplurimi, multiq; sagittarij, ac iaculato-
res, uetusto patriæ more, apprimè instructi; ui nāq;
hostem superare, quā fallere, gloriosius arbitraba-
tur. ab hostibus verò animo magis, et robore, quā
scientia, pugnabatur, multus ubique erat tumultus,
& turbulentum certamen: verū Imperator, im-
mensa incōparabiliq; animi virtute præditus, subla-
tis signis, cum primos pugnātium impetus sustinuis-
set, in eos irruens, vicit & profligauit: quasi enim
Isthmum fodere videbatur hostis, quī Ruziniū bel-
lo & armis contēderet vincere. prælium ad Cary-
stium Eubœæ insulæ portum, à Carysto vrbe, mar-
more quondam nobilitata, fuit commissum, quū
forte per Aegæum tempestate, et vi ventorum du-

tius Venetus iactaretur, in pontū nauigaturus. Li-
gur cum quatuordecim onerarijs nauibus, partim
preciosissima merce onustis, partim etiam militi-
bus, ingentiq; armorum copia instructis, cum Vene-
tis congregari, & manum conferere nō dubitauit, ex
quibus decem cum praefecto classis, & septuaginta
nobiles, & strenui viri, in Ruzinijs potestatem ve-
nere; quos Venetus non modo comiter, benigneq; re-
cepit, sed magnis etiam honoribus est prosequutus;
quo etiam in cōflictu, quot hostium fuerint desidera-
ta, quamq; paucos Venetus amiserit, nulli dubiū es-
se, certē scio. cum mille & septingentos, vel occisos,
vel in fugam versos, hostium annales testentur. hu-
iuscemodi clade hostibus illata, ex Euboea discessit;
Ionij, Aegæiq; maris ora perlustrata, Hellespōtoq;
felici cursu, exploratēq; emenso; falso quodam rumo-
re permotus, per Aegæum rediens, circum eas in-
sulas, quas Sporades, et eas quas Cycladas dicimus,
commode nauigans, ad Peram oppidum continenti
adiunctum, iterum opprimendum, postmodum est
profectus. rescierant Genuenses antea, ingentē suo-
rum stragem. quare nihil prius habuerant, quā
oppidum præter loci situm, valde munitum, ingēti
etiam exercitu, bellicisq; instrumentis non paucis,
omni

159
omni ex parte firmatum vallare. Quamobrem Ve-
netus horum inscius, cum ad eum opprimendum ac-
cessisset, facileq; arbitraretur, posse victoriam obti-
nere, spe frustratus abiit, à quo tamē, si qua hostes,
moliri alicubi conarentur, diligenter atque maturē
est prouisum. Illius namq; id semper fuit consiliū, in
posterum quā longissimē prouidere, cum in huius-
cemodi custodia, tamquam in specula positus esset,
ut Venetos sua vigilia & prudentia, ab omni per-
turbatione, & metu, vacuos redderet. Indē cum di-
scessisset, circa Bosphorum Thracium, tribus à Con-
stantinopoli passuum millibus distantē, felicissimē
contra eosdem ligures, praelium iterum est commis-
sum, atq; Ruziniū Ducis virtute, facile est perfectū;
cōpluribus eorū triremibus, in ea pugna interceptis.
Quare Ruzinius duplici victoria clarus, ingentē
prædam domum retulit. ea quadringentis aureorū
millibus fuit æstimata. hunc Princeps cum beni-
gnissimē, simul cum tota ciuitate excepisset; ita pro
tēpore breuiter est alloquutus. Nobis Dei Opt. Max.
benignitate, robore et prudentia tua, Venetæ urbis
res, & gloria est aucta. Sed ne cœlestis beneficiū im-
memores Veneti viderētur, gratiæ fuere, Deo Opt.
Max. primum actæ, tēplis debitus honor impensus,
ædesque

ædesq; sacra, fronde festa, à Venetis acerrimis reli-
gionis cultoribus ornata. et cū religio sanctius à no-
stris, quàm à multis aliis præcipuè colatur, lege pro-
mulgata, Patres sanxerunt, vt ob tam insignem
triumphum, Ioannis Baptistæ Decollatio, quo die
fuit, de hostibus victoria parta, solemnisi in poste-
rum perpetuò haberetur; quod ad nostram vsque
ætatem, per ducentos & amplius annos, constan-
ter seruari perspicimus; quando & id semper ma-
ximeq; fatebantur, ductu auspicioq; cœlestium,
cum hoste se conflixisse, neque multitudinis, aut
mortalium virtute, sed superum voluntate, victo-
riam adeptos. Vixitaliquanto post Ruzinius, in pur-
pura semper clarissimus, obiitq; senex, relictis post
se maribus aliquot, à quibus qui nunc in ciuitate ho-
norificè degunt, ortos fuisse non ignoramus.

F I N I S.









